

**Hitesranjan Sanyal Memorial Collection  
Centre for Studies in Social Sciences, Calcutta**

Record No.	CSS 2000/84	Place of Publication:	Calcutta
		Year:	1873
		Language	Bangla
Collection:	Indranath Majumder	Publisher:	Nutan Sanskrita Jantra
Author/ Editor:	Dinabandhu Mitra	Size:	12.5x19.5cms
		Condition:	Brittle
Title:	Kamale Kamini	Remarks:	Fiction: Play

# কমলে কামিনী

নাটক।

শ্রীদীনবন্ধু মিত্র প্রণীত।

*Dun.* Dismay'd not this our Captains, Macbeth and Banquo?

*Sold.* Yes : as sparrows, eagles ; or the hare, the lion.

*Macbeth.*

কলিকাতা।

নূতন সংস্কৃত যন্ত্রে মুদ্রিত।

১২৮০।১৮৭০।

মূল্য ১/- এক টাকা মাত্র।

Printed and Published by Hari Mohan Mookerjee  
14, Goa Bagan Street.

বিদ্যা-দয়্য-দাক্ষিণ্য-দেশাঙ্কুরাগাদি-বিবিধ-গুণরত্ন-মণ্ডিত  
পণ্ডিতমণ্ডলি-সমাদরতৎপর

রাজশ্রীযতীন্দ্রমোহন ঠাকুর বাহাদুর

সজ্জন পালকেষু ।

রাজন্ !

আপনকার সরলতাপূর্ণ মুখচন্দ্রমা অবলোকন করিলে  
অন্তঃকরণে স্বতঃই একটি অপূর্ব ভাবের আবির্ভাব হয় ।  
আপনি ঐশ্বর্যশালী বলিয়া কি এ ভাবের আবির্ভাব ?  
না, আপনকার তুল্য বা অধিকতর অনেক ঐশ্বর্যশালীর  
মুখ নিরীক্ষণ করিয়াছি, কিন্তু তদর্শনে তাদৃশ ভাবের  
আবির্ভাব হয় নাই । আপনি বিদ্যানুরক্ত বলিয়া কি  
এ ভাবের আবির্ভাব ? তাহাও নয়, ভবাদৃশ বহুতর  
বিদ্যানুরক্ত ব্যক্তির সহিত আলাপ করিয়াছি, কিন্তু এতা-  
দৃশ অপূর্ব ভাব আবির্ভূত হয় নাই । ভবদীয় একমাত্র  
অকৃত্রিম অমায়িকতাই এ অপূর্ব ভাবের নিদানভূত । আর  
একটি কারণ অল্পভূত হয় ; সেটিও ব্যক্ত না করিয়া থাকি-  
তে পারিলাম না । কমলা ও বীণাপাণি পরম্পর চির-  
বিরোধিনী ; আপনি সেই চিরবিরোধিনী সহোদরা  
দ্বিতয়ের অবিরোধ সম্পাদন করিয়াছেন । “কমলেকামিনী”  
অপরের যেমন হৃদক, আমার বিলক্ষণ আদরের পাত্রী ।  
আপনারে “কমলে কামিনী” উপহার দেওয়া মদীয়  
আন্তরিক অপূর্বভাবের পরিচয় প্রদান মাত্র, ইতি ।

স্নেহাভিলাষী

শ্রীদীনবন্ধু মিত্র ।

## নাট্যোল্লিখিত ব্যক্তিগণ ।

### পুরুষগণ ।

রাজা ... .. মণিপুরের রাজা ।  
বীরভূষণ ... .. ব্রহ্মদেশের রাজা ।  
সমরকেতু... .. মণিপুরের সেনাপতি ।  
শিখণ্ডিবাহন ... .. ঐ সহকারী সেনাপতি ।  
শশাঙ্কশেখর... .. ঐ মন্ত্রী ।  
সর্বেশ্বর সার্কভোম ... .. ঐ সভাপতি ।  
মকরকেতন ... .. ঐ যুবরাজ ।  
বক্কেশ্বর ... .. মকরকেতনের বয়স্ক ।

ব্রহ্মদেশের সেনাপতি, পারিষদগণ, অমাত্যগণ, বয়স্কগণ,  
বাদ্যকরগণ, সৈনিকগণ ইত্যাদি ।

### স্ত্রীগণ ।

গাঙ্কারী ... .. মণিপুরের রাজার মহিষী ।  
বিষ্ণুপ্রিয়া ... .. ব্রহ্মরাজার জ্যেষ্ঠা মহিষী ।  
সুশীলা ... .. সমরকেতুর কন্যা এবং মকরকেতনের স্ত্রী ।  
রংকল্যাণী ... .. ব্রহ্মরাজার কন্যা ।  
সুরবালা } ... .. রংকল্যাণীর সখীদ্বয় ।  
নীরদকেশী }  
ত্রিপুরাঠাকুরাণী ... .. শিখণ্ডিবাহনের মাতা ।

পুরস্ত্রীগণ, বালিকাগণ ইত্যাদি ।

## কমলে কামিনী ।

### নাটক ।

### প্রথম অঙ্ক ।

প্রথম গর্তীক । মণিপুর, রাজসভা ।

রাজা, শশাঙ্কশেখর, সর্বেশ্বর সার্কভোম, সমরকেতু, শিখণ্ডিবাহন,  
বক্কেশ্বর, পারিষদবর্গ আসীন, সৈনিকগণ দণ্ডায়মান ।

রাজা । নিপাত হবার আগেই পিপালিকার পালখ্ উঠে ।  
ব্রহ্মদেশাধিপতি মনে করেছেন আমি জীবিত থাকতে তাঁর অপ-  
দার্থ শ্যালক কাছাড়ে রাজত্ব করবে । মহারাজ গোবিন্দ  
সিংহের বংশ ক্ষয় পক্ষের চন্দ্রমাবৎ ক্রমে ক্রমে ক্ষয় প্রাপ্ত  
হলে কাছাড়ের সিংহাসন আমাকেই অর্শে, কিন্তু বিরোধ উপ-  
স্থিত হবার সম্ভাবনা আশঙ্কায়, আমার নিজ বংশের কাছাকেও  
কাছাড় রাজ্যের রাজা হতে দিলাম না, রাজা মনোনীত কর-  
বার সম্পূর্ণ ক্ষমতা প্রজাদিগের প্রতি অর্পণ করলাম ।

শশা । কাছাড়ের ষাবতীয় লোক, জমীদার, তালুকদার,  
সদাগর, কৃষক, রাজকর্মচারী, সর্ববাদি সম্মত হয়ে অতি উপযুক্ত  
পাত্র স্থির করেছিল—ভীমপরাক্রম ভীমের ন্যায় বিক্রম, ধন-



ঞ্জয়ের ন্যায় রণপাণ্ডিত্য, যুধিষ্ঠিরের ন্যায় সত্যপরায়ণতা, নারায়ণের ন্যায় বুদ্ধি—

সর্কে। মহারাজ! শিখণ্ডিবাহন যখন রণসজ্জায় তুরঙ্গমে আরোহণ করে, আমাদের বোধ হয় ত্রিদিবেশ্বরের সেনাপতি কার্তিকেয় অবনীতে অবতীর্ণ হয়েছেন। জগদম্মা মঙ্গল করবেন, মহারাজ ধর্ম্মানুসারে কর্ম্ম করেছেন, বিজয় স্বতই মহারাজকে আশ্রয় করবে—

জয়োস্তু পাণ্ডুপুত্রাণাং যেষাং পক্ষে জনার্দনঃ।

যতঃ কৃষ্ণস্ততো ধর্ম্মো যতো ধর্ম্মস্ততো জয়ঃ ॥

রাজা। প্রজাদিগের আবেদন পত্র আমি সম্পূর্ণ অনুমোদন করে রাজনীতি অনুসারে ব্রহ্মদেশাধিপতির সম্মতির নিমিত্ত ব্রহ্মরাজধানীতে প্রেরণ করলাম। ব্রহ্মরাজ অহঙ্কারে উন্নত, মহিবীর ক্রীতকিঙ্কর, দূরদর্শিতাশূন্য, আমার লিপির উত্তর দিলেন না, উত্তরের পরিবর্তে দূতের হস্তে একটি যুত মুষিক-শাবক প্রেরণ করলেন! ব্রহ্মনরপতি অশ্বদাদিকে মুষিক-শাবকবৎ বিনাশ করবেন। নিজ রাজধানীতে সিংহাসনে উপবেশন করে প্রতিদ্বন্দ্বী পৃথ্বী-পতিকে মুষিক বিবেচনা করা সহজ বটে, কিন্তু তিনি যদি একবার যুদ্ধক্ষেত্রের ভীষণমূর্ত্তি হৃদয়ে চিত্রিত করতেন—সহস্র সহস্র সৈনিকের তরবারি ঝঙ্কার, অশ্ব-বৃন্দের নাসিকাধ্বনি, রণোন্নত কুঞ্জরনিকরের বৃংহিত শব্দ, প্রচ্ছন্নিত পটমণ্ডপ, উৎসাহিত সৈনিকের মার মার, ত্রাসিত সৈনিকের হাহাকার, পিপাসাধ্বিত সৈনিকের দে জল, বিনাশিত সৈনিকের দেহরাশি, শোণিতশ্রোত, কুক্কুর শৃগালের কোলাহল, ধূলাধূমে গগনাচ্ছাদিত—তিনি যদি একবার আলোচনা

নমস্কার পূর্ণ কুন্তে করি ভক্তি ভাবে,  
কর যাত্রা বীরদল অরাতি দলনে।  
সুরঙ্গে তুরঙ্গমেনা—অটল আসনে,  
ছুটিছে তুরঙ্গ তবু মাটি কাঁপাইয়া,  
উঠিছে ভুধরে বেগে যেন বিহঙ্গম,  
পশ্চাতে কেমন, যনে ক্ষণ প্রভা প্রায়,  
নলকে অনলকণা নালে শিলা বাজি,  
গজিয়াছে বাজি পৃষ্ঠে বুঝি বীরবর—  
চালাইব রণস্থলে করে ধরি জোরে,  
তেজঃপুঞ্জ তরবারি কুলিশ বিশেষ।  
সমরে শিক্ষিত অশ্ব করি সঞ্চালন,  
মহীলতা সম শত্রু করিব দলন।  
বিফল বিলম্ব আর করা বিধি নয়,  
উদ্যমে অর্দ্ধেক কার্য স্বতঃ সিদ্ধ হয়।  
মণিপুর ধর্ম্ম ধাম সত্যের আলয়,  
জয় জয় মণিপুর-ভূপতির জয়।

সকলে। ( করতালি দিয়া ) মণিপুর ভূপতির জয়।

রাজ। শিখণ্ডিবাহন তুমি চিরজীবী হও, তোমার আশ্বাস বাক্যে আমার আশা শতগুণে উত্তেজিত হল, তোমার সাহসে আমি মাতিশয় উৎসাহিত হলেম। মণিপুর রাজবংশের সর্ব্বোৎকৃষ্ট গজমতি হার যদি অন্যর হইতে অপহৃত না হইত—( দীর্ঘ-

নিশ্বাস,) আমি আজু সেই গজমতি মালা তোমার গলায় দিয়ে, আমি যে তোমাকে পুত্র অপেক্ষাও স্নেহ করি তাহা প্রমাণ করিতাম। আমি সকলের সমক্ষে প্রতিজ্ঞা করছি কাছাড়ের সিংহাসনে তোমার অধিবেশন করাইব, হিড়িমা দেশাধিপতির রাজমুকুট তোমার সুরেশ-মূলভ-শিরে সুরশোভিত হবে। আমার আর কিছুমাত্র বক্তব্য নাই—এক মাত্র জিজ্ঞাস্য ব্রহ্মাধিপতির সহিত যুদ্ধ করা সর্ববাদিসম্মত?

সকলে। সর্ববাদিসম্মত।

[প্রস্থান।

দ্বিতীয় গর্তীক। মণিপুর, মকরকেতনের কেলিগৃহ।

মকরকেতন, শিখণ্ডিবাহন, বকেশ্বর এবং বয়স্মগণের প্রবেশ।

শিখ। ব্রহ্মদেশাধিপতির বিবেচনায় আমরা এতই দুর্বল যে তিনি সপরিবারে কাছাড় রাজধানীতে উপস্থিত হয়েছেন। মহিলা সমভিব্যাহারে সময় করিতে গেলে অনেক ব্যাঘাত ঘটবার সম্ভাবনা।

মক। না দাদা, আমার বিবেচনায় মহিলা সঙ্গে থাকলে সময়ে ছন বল হয়। সীমন্তিনী সর্বমঙ্গলা, সীমন্তিনী শক্তি, সীমন্তিনী উৎসাহের গোড়া—

বকে। বীরপুরুষের ঘোড়া।

মক। বকেশ্বর অশ্ববিদ্যায় অদ্বিতীয়।

বকে। অদ্বিতীয় হতেম্ কি না বুঝতে পারেন, যদি ধরে বসুন্দের কিছু থাকত।

করে দেখতেন সমরে সংশয় আছে, বিজয়ের কিছুই স্থিরতা নাই—তিনি যদি একবার অনুধাবন করতেন সমুদ্র-কুল-বালুকা-সন্নিভ অগণনীয় সৈন্যসামন্তশালী অমিততেজা দিগ্বিজয়ী দশাননও সমরে সবংশে ধ্বংস হয়েছিল—তিনি যদি একবার চিন্তাকরে দেখতেন ভারতবর্ষীয় ভূপতি সমুদায়, প্রকৃতিপ্রদত্ত কবচকুণ্ডল-বিভূষিত বীরকুল-কেশরী কর্ণ, অজাতশত্রু অর্জুনের শিক্ষাগুরু দ্রোণাচার্য্য, মন্দাকিনীনন্দন গভীর ধীশক্তি-সম্পন্ন ভীষ্ম সহায় সত্ত্বেও সংগ্রামে ধার্তরাষ্ট্রীয়কুল সমূলে নির্মূল হয়েছিল—তিনি যদি মণিপুরযুদ্ধে পূর্বতন ব্রহ্মাধিপতির দুর্দশা একবার মনোমধ্যে স্থান দিতেন, তা হলে কখনই এমত অর্কাচীনের ন্যায় উত্তর দিতেন না, এমত রাজনীতি-বিগর্হিত কার্য্যে হস্তক্ষেপ করিতেন না, এমত অধর্ম্মাচরণে পাগলের ন্যায় প্রবৃত্ত হইতেন না। ব্রহ্মাধিপতি কুপমণ্ডুক, কুপে বসে আপনাকে শত্রুহীন সত্রাট বিবেচনা করতেন, বহির্গত হলেই জান্তে পারবেন তাঁর শমনস্বরূপ আশীবিষ আছে—ব্রহ্মাধিপতি বিবরের শৃগাল, বিবরে বসে আপনাকে সর্ব্বাধিপতি বিবেচনা করতেন, বহির্গত হলেই জান্তে পারবেন তাঁর নিপাত সাধক মহিষ আছে, মাতঙ্গ আছে, শাদ্দল আছে, সিংহ আছে। কুম্ভুম কাননে মহিষীর ভুজলতাম্পর্শসুখানুভবে জ্ঞানশূন্য হয়ে রাজ্ঞীর আজ্ঞায় রাজ্ঞীর ভ্রাতাকে কাছাড় রাজত্বে অভিষেক করেছেন। নবীনা মহিষীর ভুজবল্লী কোমল, কিন্তু মণিপুর সেনার করালকরবাল কঠিন। দুরাঙ্গাকে আর আস্পর্শ্য দেওয়া উচিত নয়, এই দণ্ডে দুরাঙ্গার দণ্ড বিধান করা কর্তব্য।

সাজ সাজ বীরকুল তুমুল সমরে,

সাহসে সংহার কর অরাতি নিকরে—

চর্ম বর্ম অসি শূল করিয়ে ধারণ  
বীরদত্তে বাজি রাজি কর আরোহণ,  
সাপটি বিশ্বাসি অসি সৈনিক সম্বল,  
কচুর মতন কাট শত্রু সেনা দল,  
বর্ষর ত্রম্বশে কেশে করি আকর্ষণ  
মণিপুর কারাগারে কররে ক্ষেপণ ।  
দূর্ঘতির দর্প চূর্ণ করি খর্ব হবে,  
যুধিক মার্জার কেবা বুঝিবে আহবে ।

সকলে । ( করতালি দিয়া ) অবশ্য অবশ্য ।

শশা । মহারাজ ! পাঁচ বৎসর থেকে সেনাপতি সমরকেতু আমায় বলে আস্চেন অচিরাৎ ত্রক্ষাধিপতির সহিত আমাদের সমর উপস্থিত হবে । আমরা সেই অবধি সমরোপযোগী আয়োজন করে আস্চি । পদাতিক, অশ্বসেনা, শস্ত্র পুঞ্জ, শিবির, বাহক আমাদের সকলই প্রস্তুত, যদি যুদ্ধ করাই স্থির সংকল্প হয় তবে আমরা মুহূর্ত মধ্যে ত্রক্ষদেশ পরাজয় করতে পারি ।

সম । মন্ত্রিবর আর “যদি” শব্দ প্রয়োগ করবেন না, যখন ত্রক্ষাধিপতি মহারাজের লিপির অবমাননা করেছেন, যখন ত্রক্ষাধিপতি দূতের হস্তে মৃত যুধিক শাবক প্রেরণ করেছেন, তখন যুদ্ধের আর বাকি কি ? সমরানল সম্যক প্রজ্বলিত হয়েছে, বাকির মধ্যে আমার রণক্ষেত্রে গমন করে ত্রক্ষতুপতির মুণ্ডটা মহারাজের পদ প্রান্তে বিক্ষিপ্ত করা । ত্রক্ষমহীপতির মস্তিষ্ক প্রকৃতিস্থ না হবে, নতুবা তিনি কোন্ সাহসে মণিপুর মহীশ্বরের সহিত যুদ্ধ করতে উদ্যত হলেন । কি দুঃশা ! কি অসহনীয়

আস্পদা ! কি ভয়ঙ্কর অপরিণামদর্শিতা ! আমাদের যুধিক শাবকবৎ বিনাশ করবেন ! আমার হস্তস্থিত রূপাণ দেখুন, এই রূপাণের কল্যাণে আমি শত শত শত্রু নিহত করেছি, এই রূপাণের কল্যাণে আমি নাগা পর্কত কাছাড় রাজ্য হইতে মণিপুর রাজ্যের অন্তর্গত করেছি, এই রূপাণের কল্যাণে জয়ন্তী পর্কত-তাধীশ্বরের সীমা বিস্তীর্ণ লালসা নিবারণ করেছি, এই রূপাণের কল্যাণে ত্রীহুট নরপতি সন্ধি বন্ধনে আবদ্ধ হয়েছেন, এই রূপাণের কল্যাণে ত্রিপুরাধিপতি লুসাই পর্কতে আর হস্তি ধারণ ক্ষেদা প্রস্তুত করেন না, এই রূপাণের কল্যাণে বন্যজন্তু-তুল্য লুসাই দিগের আক্রমণ রহিত করেছি—এই রূপাণ হস্তে করিয়া প্রতিজ্ঞা করিতেছি ত্রক্ষসেনার শোণিতক্রোতে পদপ্রক্ষালন করিব, প্রতিজ্ঞা রক্ষা না হয় রূপাণ ভগ্ন করিয়া মেয়েদের ব্যবহারের নিমিত্ত হুচিকা নির্মাণ করে দেব । মহারাজ ! রণ-সজ্জায় সজ্জীভূত হউন, সহসা জিগীষা ফলবতী হবে । রণে শিখণ্ডিবাহন সহায় থাকলে আমি পৃথিবীস্থ কোন রাজাকে শঙ্কা করি না ।

সর্কে । ত্রক্ষদেশাধিপতির পদাতিক সংখ্যা অধিক, কিন্তু মহারাজের পদাতিকের ন্যায় সুশিক্ষিত নয়, তথাপি সংখ্যাধিক্য আশঙ্কার কারণ বটে । সেনাপতি সমরকেতু কোঁশলে অস্পতা পূরণ করবেন । মণিপুর অশ্বসেনা ভুবনবিখ্যাত, সংখ্যাও অধিক, কিন্তু অশ্বসেনা দ্বারা জয়লাভের সম্পূর্ণ প্রত্যাশা করা যেতে পারে না, আমার বিবেচনায় নাগা পর্কত হতে বিংশতি সহস্র নাগা সৈন্য আনয়ন করা আবশ্যিক—জনবল বড় বল—

শিখ । সিংহরাজ কি শৃগাল শ্রেণী দেখে ত্রিয়মান হয় ? শার্দূল কি গাডলিকার সংখ্যাধিক্য দর্শনে সঙ্কুচিত হয় ? খগপতি



কি নাগকুলের সংখ্যাবলে ভীত হয়? মনিপুরের একএকটি সৈনিক ব্রহ্মদেশের এক এক শত সৈনিকের সমকক্ষ, সুতরাং ব্রহ্মনরপতির সেনার সংখ্যাধিক্য কোন প্রকারেই আমাদের আশঙ্কার কারণ হতে পারে না। কোশলনিপুণ সেনাপতি সমরকেতু এবং দূরদর্শী সচিব শশাঙ্কশেখর পাঁচ বৎসর অবধি যে সমরায়োজন করেছেন তাতে একটি কেন দ্বাদশটি ব্রহ্মাধিপতি নিপাত হতে পারে, অতএব ব্রহ্মদেশের সৈন্যাধিক্যে ভীত হওয়া নিতান্ত ভীকতার কার্য্য। সৈন্যাধ্যক্ষ সমরকেতু যদি বিংশতি সহস্র রণদক্ষ পদাতিক লয়ে রণ স্থলে উপস্থিত হন আর আমি যদি দশ সহস্র অশ্বসেনা সমভিব্যাহারে তাঁহার সহায়তা করি, অব্যাজে ব্রহ্মাধিপতির অকর্ম্মণ্য গড্ডলিকা প্রবাহ ঐরাবতীপ্রবাহে নিমগ্ন হবে, তাহাতে কিছুমাত্র সন্দেহ নাই। মঙ্গলাকাজক্ষী সভাপণ্ডিত মহাশয়ের সঙ্গপদেশ আমার শিরো-ধার্য্য। নাগসৈন্য সংগ্রহ করা অপরামর্শ নহে। কিন্তু এটি যেন মহারাজের এবং সভাষদ্বর্গের প্রতীতি থাকে আমি “অধিকস্তনদোষায়” বিবেচনায় নাগা সৈন্য সংগ্রহ অনুমোদন করি, কিন্তু ব্রহ্মভূপতির সেনা সংখ্যার অধিকতা আশঙ্কা বশতঃ নয়। আমি যুক্ত কণ্ঠে অবিচলিত চিত্তে বলিতেছি, ব্রহ্মমহীপতির অপরিমেয় পদাতিক সংখ্যায় অমিততেজা অজাত-শত্রু মনিপুরেশ্বরের অণুমাত্র আশঙ্কা নাই। যদি ব্রহ্মদেশীয় সৈন্যের সংখ্যাধিক্যে আশঙ্কা করার আবশ্যিকতা হয়, তবে এই মাত্র আশঙ্কা করুন কাছাড় যুদ্ধে ব্রহ্মাধিপতির সৈনিকসংখ্যা অধিক বলিয়া ব্রহ্মদেশের বহু সংখ্য বামাঙ্গিনী বিধবা হবে। শুনিলাম মহিবীর মনোরঞ্জনের জন্য ত্রৈণ ব্রহ্মভূপ আপনার শালাকে কাছাড়ের রাজা করেছেন, শুনিলাম বর্ম্মার অপকৃষ্ণ

শিখ। কোথায়?

বক্কে। ষোড়ার পিটে।

মক। তাই বুঝি ষোড়া চড়া ছেড়ে দিলে।

বক্কে। কাজে কাজেই—আমি সেনাপতি সমরকেতুকে বললাম মহাশয় যদি আমাকে অশ্বসেনাভুক্ত করতে ইচ্ছা হয় তবে অশ্বের পৃষ্ঠদেশে এমন একটা কিছু স্থাপন করুন যাহা ছুটিবার সময় দুই হাত দিয়ে ধরা যায়।

শিখ। কেন জিন্ আছে, রেকাব আছে, লাগাম আছে, এতে কি তোমার মন উঠে না?

বক্কে। না।

মক। তবে তুমি চাও কি?

বক্কে। গৌজ।

মক। তা বুঝি সেনাপতি দিলেন না?

বক্কে। সেনাপতি বজ্রেন এক জনের জন্য গৌজের সৃষ্টি করা যেতে পারে না; সেনাপতি মহাশয়ের সেটা তুল, কারণ আমার মত এক জন একটা করুক। সে সময় যদি গৌজের সৃষ্টি করতেন আজ আমি কত কাজে লাগতাম, তিনি রণস্থলে আর একটি শিখণ্ডিবাহন পেতেন।

মক। ষোড়া থেকে কতবার পড়েছ?

বক্কে। যতবার চড়িছি। আমার হাড় গুল বেয়াড়া পল্কা, এক এক বার পড়িছি আর এক এক খান হাড় পাকাটির মত মট্ মট্ করে ভেঙ্গে গিয়েছে। যার ঘরে হাড়ের ভাঙার আছে সেই গিয়ে ষোড়া চড়ুক।

প্র, বয়। কাছাড় যুদ্ধে যাবে ত?

বক্কে। বর্ম্মার রাজা সপরিবারে এসেছেন বলে আমাদের

মহারাজও সপরিবারে গমন করবেন স্থির করেছেন, সুতরাং আমাকে যুদ্ধে যেতে হবে কারণ আমি না গেলে পুরস্কৃতদিগের শিবির রক্ষা করবে কে?

প্র, বয়। তুমি মেয়েদের শিবিরেই থাকবে, যুদ্ধ ক্ষেত্রে যেতে সাহস হবে না।

বকে। আমার আবার সাহস হবে না—আমি কি কন্ পাত্র? আমি কি সামান্য যোদ্ধা? আমি নিজে লড়াই, লড়াইয়ের বংশে জন্ম। যে দিন শুন্লেম বর্মার রাজার সঙ্গে আমাদের যুদ্ধ হবে সেই দিন থেকে আমি অহোরাত্র রণসজ্জায় সজ্জীভূত হয়ে আছি, রণসজ্জায় ভ্রমণ করি, রণসজ্জায় আহার করি, রণসজ্জায় নিদ্রা যাই। যখন শুন্লেম ত্রক্ষাধিপতি আমাদের লিপি অমান্য করেছেন, তখন আমার নাকের ছিদ্রদ্বয় দিয়া বজ্রাগ্নিস্ফুলিঙ্গ বহির্গত হইতে লাগল, আমার নয়ন-কোণে আকাশ-বিহারী ধুমকেতুর আবির্ভাব হইতে লাগল, আমার দন্ত কড়মড়িতে বক্ষ্যাদনার গর্ভ সঞ্চারণ হইয়া সেই দণ্ডেই গর্ভপাত হইতে লাগল। যখন শুন্লেম ত্রক্ষাধিপতি শালাবাবুকে কাছাড়ধিপতি করেছেন তখন আমার ক্রোধানল প্রজ্বলিত হইয়া গগনমাগে উড্ডীয়মান হইতে লাগল এবং ইচ্ছা হইল এই দণ্ডে একটা ভাইওয়াল যুবতীর পাণিগ্রহণ করে শালাবাবাজির মস্তকটা হস্ত দ্বারা ছেদন করিয়া ফেলি। যখন শুন্লেম বর্মার সেনাপতি আমাদের দূতের হাতে একটা মরা ইঁদুরের বাচ্চা পাঠিয়েছে তখন আমার কেশদাম সেজাকর কাঁটার মত দণ্ডায়মান হইয়া উঠিল এবং আপাততঃ যথাকথঞ্চিৎ বৈরনির্যাতন হেতু কদলী বনে গমন পূর্বক তীক্ষ্ণ কুঠার দ্বারা একটি কদলী বৃক্ষের বক্ষ বিদীর্ণ করিয়া দিলাম। আমার হস্তে এই যে দীর্ঘকায় অসিলতা

দেখতেছেন এখানি যুবরাজ মকরকেতন আমার ফলার-দক্ষতার পুরস্কার স্বরূপ আমাকে দান করেছেন। এই অসিলতার মহিমায় আমি মদকালয়ে বিনা মূল্যে মিষ্টান্ন ভক্ষণ করি; এই অসিলতার মহিমায় গোপাঙ্গনারা আমার উদর পরিমাণ ষোল দান করে; এই অসিলতার মহিমায় পুরমহিলারা আমাকে স্কীরের ছাঁচ, চন্দ্রপুলি এবং রাখাসরোবর-রসমাধুরী খাওয়ানিতে বড় ভাল বাসেন। এই অসিলতা হস্তে করিয়া আমি প্রতিজ্ঞা করিতেছি রণস্থলে শালাবাবুর কেশাকর্ষণ করে বলিব হে শ্যালককুল-তিলক! তুমি রাণী আবাগীর আনুকূল্যে রাজত্ব গ্রহণ করিও না, কারণ তা হলে রাণীর সহিত তোমার সম্পর্ক ফিরে যাবে, যেহেতু শাস্ত্রের বচন এই “স্ত্রীভাগ্যে ধন আর স্বামীভাগ্যে পুত্র”। এই অসিলতা হস্তে করিয়া আমি আরো প্রতিজ্ঞা করিতেছি সেই ত্রক্ষদেশীয় পামর সেনাপতিকে রণে পরাজিত করে তার প্রেরিত মরা ইঁদুরের বাচ্চাটি তার নাসিকায় নোলক বুলাইয়া দিব। প্রতিজ্ঞা রক্ষা করতে না পারি অসিলতা খানি মড়াং করে ভেঙ্গে ফেলে পাঁচটা ধোপানীর চরকার টেকো গড়াইয়া দিব।

মক। বাহবা বকেশ্বর বেসু প্রতিজ্ঞা করেছ, কে বলে বকেশ্বরের বীরত্ব নাই। আমি বকেশ্বরকে সহস্র সৈনিকের সৈন্যাধ্যক্ষ করে সমভিব্যাহারে লব।

বকে। সে দিন আমি রাজসভায় ছিলাম, বীর পুরুষদের গান্ধীর্ঘ্য দেখে আমার মুখে রা ছিল না।

শিখ। দেখ মকরকেতন, ত্রক্ষাধিপতি অকারণ আমাদিগের যে অবমাননা করেছেন তাহাতে বকেশ্বর যে মনের ভাব প্রকাশ কল্যে আমাদের সকলেরই মনের ভাব ঐ। বকেশ্বরের প্রতিজ্ঞা সফল করে দিতে পারি তবেই আমার অস্ত্র ধরা সার্থক।



দ্বি, বয়। যুদ্ধ যাত্রার আর বাকি কি?

শিখ। সকল প্রস্তুত, যাত্রা করলেই হয়।

মক। তোমরা লক্ষ্মীপুর পৌঁছিলে তবে আমি যাত্রা করব।

শিখ। সে বারান্দানাটা যেন তোমার সঙ্গে না যায়।

মক। দাদা আমি যাকে স্ত্রী বলিয়া গণ্য করি তুমি তাকে বারান্দানা বল? শৈবলিনীকে আমি বিবাহ করি নাই বটে কিন্তু আমার মনের সহিত তার মনের পরিণয় হয়েছে, সে আমায় বেড়ে মাত পাক ফিরে নাই বটে, কিন্তু তার মন আমার মনকে বায়াম পেঁচে বেঁধে ফেঁদে করেছে।

শিখ। তুমি কি পাগলের মত প্রলাপ বকতে লাগলে— তুমি যখন সেনাপতি সমরকেতুর ধর্মশীলা কন্যা স্মৃশীলাকে সহ-ধর্মিণী বলে গ্রহণ করেছ, তুমি যখন স্মৃশীলার সহিত দাম্পত্য-সুখে এত কাল যাপন করেছ, তুমি যখন স্মৃশীলার গর্ভে অমন নয়ন-নন্দন নন্দন উৎপাদন করেছ, তখন তোমাতে আর কাহারও অধিকার নাই। যদি অন্য কোন মহিলা তোমাকে গ্রহণ করে সে পিশাচী আর তুমি যদি অন্য স্ত্রীতে আসক্ত হও তুমি কাপুকষ।

মক। আমি শৈবলিনী ভিন্ন অন্য কামিনীর মুখ দেখি না।

বক্কে। কেবল শৈবলিনীকে রাখুবের আগে এক পোন, আর রাখার পর দেড় দিস্তে।

মক। বক্কেশ্বর বুঝি সময় পেলে।

বক্কে। যথার্থ কথা বলে আপনি ত রাগ করেন না।

তু, বয়। রাজা রাজ্জার স্ত্রীমন্ত্রে উপস্রীতে অনুগামী হওয়া বিশেষ দোষের কথা নয়—

জায়ার যৌবন ধন হইলে বিপত,

ইন্দ্রের ইন্দ্রিয় দোষ নহে অসঙ্গত।

মক। আমি খোসামুদে কথা শুন্তে চাই না—প্রমাণ করে দাও শৈবলিনীকে স্ত্রী বলে গ্রহণ করায় আমার দুর্কর্ম হয়েছে, আমি এই দণ্ডে তাকে পরিত্যাগ করছি।

শিখ। শৈবলিনীর শ হতে নী পর্যন্ত সকলই দুর্কর্ম। বারস্ত্রীকে স্ত্রী বলা সাধারণ মুততার লক্ষণ নয়। তোমার সব ভাল, কেবল একটি দোষ—তোমার উদার চরিত্র, তোমার বদা-ন্যতা, তোমার দেশহিতৈষিতা দেখলে তোমাকে পূজা করতে ইচ্ছা হয়, আর তোমার লম্পটতা দেখলে তোমার সঙ্গে এক বিছানায় বসতে ঘৃণা করে। তোমার লোকভয় নাই, সমাজের ভয় নাই, ধর্মভয় নাই, তাই তুমি এমত পাপাচরণে রত হয়েছ।

মক। দাদা তোমরা সমাজের ক্রীতদাস, সেই জন্য সমাজের অনুরোধে আমার দেবতাহুল্লভ সুখের ব্যাঘাত করতে উদ্যত হয়েছ। আমাগত শৈবলিনীর জীবন। শৈবলিনী বিদ্যায় সাক্ষাৎ সরস্বতী।

পরিচারিকার প্রবেশ।

পরি। ঠাকুরাণী আসছেন।

মক। আসুন—উপযুক্ত সময় বটে, তাঁর পক্ষ বীরেরা উপস্থিত।

[পরিচারিকার প্রস্থান।

বক্কে। কিন্তু আপনি অতিশয় পক্ষপাত করছেন।

মক। বক্কেশ্বর, তুমি আর বাতাস দিও না। দাদা, স্মৃশালা

তোমাকে জ্যেষ্ঠ সহোদরের মত ভক্তি করে, তুমি সুশীলাকে বুঝাইয়ে বল আমাকে আর জ্বালাতন না করে।

সুশীলার প্রবেশ।

সুশী। (শিখণ্ডিবাহনের প্রতি) দাদা আমি আপনার কাছে এলেম্।

শিখ। সুশীলা তোমায় অনেক দিন দেখিনি; তোমার ত সব মঙ্গল?

সুশী। পরমেশ্বর যারে চিরছুঃখিনী করেছেন, তার মঙ্গল আর অমঙ্গল কি। সতীর সর্বস্বনিধি স্বামীরদে বঞ্চিত হয়ে আমি জীবনমৃত হয়ে আছি। যুবরাজ আমায় ত পায় স্থান দিলেন না, এখন এমনি হয়েছেন আমার ছেলেটিকেও আর স্নেহ করেন না।

মক। ষত পার বল, আমি বাঙনিষ্পত্তি করব না।

সুশী। যুবরাজ মায়ের প্রতি যে কটু ভাষা ব্যবহার করেছেন রাণী তাতে মনোহুঃখে মলিনা হয়ে রয়েছেন; সে কটু ভাষা মুখে আনলেও পাপ আছে, আপনি আমার সহোদর আপনার কাছে সকল কথা বলে মর্মান্তিক বেদনা কিঞ্চিৎ দূর করি। যুবরাজ তাকে সঙ্গে নিয়ে যাচ্ছেন শুনে রাণা অল্পজল ত্যাগ করেছেন। কত বুঝালেন, “এমন কর্ম কখন কর না; কলকে দেশ ডুবলো, আমার মাতা খাও মহাপাপ থেকে বিরত হও”। যুবরাজ উত্তর দিলেন “আমার যা ইচ্ছা তাই করব, আমায় রাগত কর না, পাপীয়সীর পেটে পাপাত্মার জন্ম হবে না ত কি পুণ্যাত্মার জন্ম হবে”।

মক। আমার রাগ হলে জ্ঞান থাকে না।

সুশী। সেই অবধি রাণীর দুইচক্ষে শত ধারা পড়তে, বলচেন কত পাপ করেছিলেম তাই এমন কুপুত্র জন্মেছে। রাণী ত্বরায় শঙ্কট রোগে অভিভূত হবেন কারণ তিনি নিস্তব্ধ হয়ে আছেন, আহাও নাই নিদ্রাও নাই। আমার ষত শীত্র যুত্ব হয় ততই ভাল, যুবরাজের তাতে ক্ষতি বৃদ্ধি নাই বরং নিকটকে সুখভোগ করতে পারবেন, কিন্তু মায়ের মুখ পানে একবার চাওয়া ত কর্তব্য।

শিখ। মকরকেতন তুমি কি অপরাধে এমন সতীলক্ষ্মী ধর্ম-পত্নীর অবমাননা কর আমি বুঝতে পারি না।

মক। উনি বড় বানান করতে ভোলেন।

সুশী। ও দোষটি যুবরাজেরও আছে।

মক। কিন্তু শৈবলিনীর নাই।

শিখ। তুমি সুশীলার সমক্ষে সে ছুঃশীলার নাম উচ্চারণ কর না। বেটীর যেমন রূপ তেমনি স্বভাব।

বকে। পা ছুখানি পিঞ্জরের শলা।

মক। আমি কি তার রূপে মোহিত হইচি? আমি তার বিদ্যায় মোহিত হইচি, তার বানান শুদ্ধ লেখায় মোহিত হইচি, তার কবিত্ব শক্তিতে মোহিত হইচি।

বকে। তবে চুরি চন্দ্রহার পরাবার একজন উপযুক্ত পাত্র আমি বলে দিতে পারি।

চতু, বয়। উপযুক্ত পাত্র কে?

বকে। সাতভোম মহাশয়।

শিখ। মকরকেতন তোমার অন্তঃকরণ ত স্নেহশূন্য নয়, তোমার সরলতার চিহ্ন ত শত শত দেখিছি, তবে তুমি তোমার সহধর্মিণী সুশীলার প্রতি কেন এমন নিষ্ঠুর আচরণ কর।

মক। সুশীলা! আমার পূজনীয়া সহধর্মিণী, সুশীলা আমার শিরোধার্যা, কিন্তু সে আমার হৃদয়বিলাসিনী।

সুশী। দাদা আপনারা রাজ্যের শত শত শত্রু নিপাত করতে পারেন আর অভাগিনীর একটা শত্রু নিপাত হয় না! যুব-রাজের চরিত্র সংশোধনের কি কোন উপায় নাই!

বক্কে। এক উপায় আছে কিন্তু বলতে সাহস হয় না।

মক। বল না, আজ ত তোমাদের সপ্তরথী সমবেত।

বক্কে। বলব?

মক। বল।

বক্কে। উজ্জয়িনী দেশে জৈনক ক্ষত্রিয়ানী দুর্কিনীত দয়িতের হুরাচারে দশমদশার দ্বারদেশে নিপতিতা হইয়াছিলেন—

মক। কথকতা আরম্ভ কল্পে না কি?

বক্কে। বিরহবিকলহৃদয়া পতিপ্রাণা প্রণয়িনী কলঙ্ককলু-বিত কুলান্ধার স্বামীকে সংপন্থায় আনিবার জন্য কত পন্থাই অব-লম্বন করলেন—অনুন্নয়, বিনয়, নয়ন-নীর, মলিনবদন, পদচুষন, স্নেহ, ভালবাসা, সরলতা, দীর্ঘ নিশ্বাস, উপবাস, কিছুই বাকি রাখলেন না। নির্দয়, নির্ভর, নীচ, ভ্যাডাকান্ত, ভ্রান্ত কান্ত বন্য বরাহবৎ বন বিচরণে ক্ষান্ত হলেন না। পরিশেষে প্রমদা চামুণ্ডার মূর্তি ধারণ করলেন—একদা স্বামী যেমন স্মেরিণী বিহারে গমন করতেন, ভামিনী অমনি স্বামীর কেশাকর্ষণ করে স্বামিপদমুক্ত পাতুকা গ্রহণান্তর পৃষ্ঠদেশে দ্বাদশটি প্রচণ্ড আঘাত প্রদান করলেন। স্বামী বল্লেন “কল্যাণি তুমি সাধী, তুমি আমার চরিত্র সংশোধন করে দিলে—আমি আর যাবনা, যার জন্যে যাই তা যেরে বসে প্রাপ্ত হলেম”। পাতুকা ঔষধ বড় ঔষধ, যদি সেবন করাবার বৈদ্য থাকে।

মক। এরূপ সাহস অকৃত্রিম প্রণয়ের চিহ্ন। এ সাহস সুশী-লার হয় না কিন্তু শৈবলিনীর হতে পারে।

সুশী। মহারাণীর অনুরোধ আপনারা যুবরাজকে বুঝিয়ে বলুন আর কলঙ্ক বৃদ্ধি না করেন।

[ সুশীলার প্রস্থান।

শিখ। তুমি সেকলঙ্কিনীকে পরিত্যাগ না কর নাই করবে কিন্তু তাকে সঙ্গে নিও না।

মক। সে যে আমার অর্দ্ধাঙ্গ, তার বিরহে আমার যে পক্ষা-ঘাত। দাদা প্রণয় যে কি পদার্থ তা ত জানুলে না কেবল তলয়ার তেঁজেই কাল কাটালে।

বক্কে। শিখণ্ডিবাহন যখন রাজবংশজাতা রাজবালার পাণি-গ্রহণে অসম্মত হয়েছেন তখন ওঁয়াকে চিরকাল আইবুড় থাকতে হবে। অমন সুন্দরী মেয়ে আর ত মিলবে না।

মক। দাদা কাব্যেতে ইন্দীবরনয়নার বর্ণনা পড়েছেন, উনি সংসারে তাই চান। দাদার হৃদয়ে বোধ হয় পরিণয় কুসুমের সৃষ্টি হয় নি।

শিখ। স্বভাবতঃ সকলের হৃদয়েই প্রণয়ের পদ্মকলিকা বিরাজ করে, স্বজাতি সূর্য্যপ্রভা পাবা সাত্র বিকসিত হয়।

এক জন পদাতিকের প্রবেশ।

পদা। মহারাজ আপনাদিগকে ডাকছেন।

বক্কে। বোধ হয় আমাকে মহিলাদের শিবির রক্ষার ভার দেবেন।

[সকলের প্রস্থান।



তৃতীয় গর্ভাঙ্ক। মণিপুর, লক্ষ্মীজনার্দনের মন্দির।

বরণডালা হস্তে গাঙ্কারী, মঙ্গলঘট কক্ষে স্নশীলা, সিন্দূর চন্দন ধান  
দুর্কা আতপ তণ্ডুলাধার হস্তে ত্রিপুরা ঠাকুরাণী, এবং কুমুম মালা  
এবং শঙ্খ হস্তে করিয়া অপর পুরমহিলা গণের প্রবেশ।

গাঙ্কা। ধূপ ধুনা কুমুম চন্দনের গন্ধে লক্ষ্মীজনার্দনের মন্দির  
আজ্ আমোদিত হয়েছে। লক্ষ্মীজনার্দন যেন প্রফুল্ল মুখে আমা-  
দিগের দিকে দৃষ্টিপাত করছেন আর বলছেন নির্ভয়ে কাছাড় যুদ্ধে  
যাত্রা কর।

ত্রিপুর। মা সকলের আগে মঙ্গল ঘট স্থাপন করণ।

গাঙ্কা। স্নশীলা তুমি মঙ্গলঘট স্থাপন কর।

ত্রিপুর। কি স্নন্দর বেদী নির্মিত হয়েছে, কি চমৎকার আল-  
পনা দেওয়া হয়েছে, না জানি কোন্ কল্যাণীর এ শিষ্প-  
নৈপুণ্য?

স্নশী। রাজবালার।

ত্রিপুর। রাজবালার মত মেয়ে আর ত চকে পড়ে না। কেন  
যে আমার শিখণ্ডিবাহন রাজবলাকে বিয়ে করতে অমত কল্লেন তা  
কিছুই বুঝতে পারি না।

স্নশী। দাদা প্রতিজ্ঞা করেছেন আকর্ণবিশ্রাস্ত নীলাম্বুজনয়ন  
যার তাকেই সহধর্মিণী করবেন।

গাঙ্কা। রাজবালার চক্ষু দুটি একটু ছোট।

ত্রিপুর। স্নশীলা পূর্ণকুম্ভ কক্ষে করে কতক্ষণ দাঁড়িয়ে থাকবে?  
বেদীতে পূর্ণকুম্ভ স্থাপন কর।

স্নশী। বীরপুরুষেরা অসিচর্ম ধারণ করে প্রভাত হতে সন্ধ্যা  
পর্যন্ত রণস্থলে যুদ্ধ করতে পারেন আর বীরঙ্গনারা মঙ্গলঘট

কক্ষে করে ক্ষণকাল দাঁড়াতে পারে না। (স্নশীলার মঙ্গলঘট  
স্থাপন, শঙ্খবাদ্য, উল্লুধনি।)  
সকলে। (তিনবার মঙ্গলঘট প্রদক্ষিণ করিয়া তিনবার মন্ত্র পাঠ।)

তলয়ার ফলাকা লক্ লক্ করে,

সেনার হাতে শত্রু মরে,

মরে শত্রু হরে ভয়,

আপন কুলের বিপুল জয়।

রাজা, সমরকেতু, শিখণ্ডিবাহন, এবং মরকেতনের  
রণসজ্জায় প্রবেশ। নেপথ্যে রণবাজ।

রাজা। (লক্ষ্মীজনার্দনকে প্রণাম করিয়া।) হে জনার্দন,  
তুমি দুষ্টির দলন শিষ্টির পালন দর্পহারী নারায়ণ, তুমি অখিল  
ত্রিকাণ্ডের প্রাণ, তুমি ভয়াতুর জীবের ত্রাণ, তুমি নিরাশ্রয়ের  
আশ্রয়, তুমি অনাথার নাথ! হে ভক্তবৎসল ভগবন্! তুমি শ্রীকর-  
কমলে স্নদর্শনচক্রে ধারণ করে সমরক্ষেত্রে আবির্ভাব হও, তোমার  
করণাবলে প্রবল অরাতি দল দলন করি।

গাঙ্কা। (রাজার কপালে বরণডালা স্পর্শ) সমরে অমরের  
ন্যায় জয় লাভ কর।

স্নশী। (রাজার হস্তে সচন্দন পুষ্পমালা দান) পরমেশ্বরের  
কাছে প্রার্থনা করি মহারাজ ধর্মরাজ যুধিষ্ঠিরের ন্যায় দিগ্বিজয়ী  
হউন।

রাজা। স্নশীলা তুমি বীরশ্রেষ্ঠ সেনাপতি সমরকেতুর মায়া-  
ময়ী কন্যা, তোমার হস্তের মালা আমি মস্তকে ধারণ করলাম অব-  
শ্যই রণজয়ী হব।

ত্রিপুরা। (রাজার মস্তকে ধান দুর্কা আতপতগুল দান) মহা-  
রাজ সীতাপতি বামচন্দ্রের ন্যায় জয় পতাকা উড়াইয়ে রাজধানীতে  
ফিরে আসুন

রাজা। আপনি বারেন্দ্রকুলের অহঙ্কার শিখণ্ডিবাহনের  
গর্ভধারিণী আপনার আশীর্বাদ অবশ্যই সফল হবে।

সম। (লক্ষ্মীজনার্দনকে প্রণাম করিয়া) হে জনার্দন!  
তুমি দুর্দান্ত উগ্রমূর্তি উগ্রসেনের হস্তা, তুমি আমাকে শত্রু হননে  
বলদান কর।

গান্ধা। (সমরকেতুর কপালে বরণডালা স্পর্শ) যুদ্ধক্ষেত্রে  
জয়ভূগা তোমাকে রক্ষা করুন।

সুশী। (সমরকেতুকে সচন্দন পুষ্পমালা দান) বড়ানন  
জননী হৈমবতী যেন আপনাকে রণস্থলে কোলে করে বসে থাকেন,  
শত্রুর অস্ত্র যেন আপনার অঙ্গ স্পর্শ করতে না পারে।

ত্রিপুরা। (সমরকেতুর মস্তকে ধান দুর্কা আতপতগুল দান)  
আকাশের নক্ষত্রমালার ন্যায় তোমার বিজয়কীর্তি যেন দশ দিকে  
বিস্তারিত হয়।

শিখা। হে জনার্দন! আমি কায়মনোবাক্যে পরমভক্তি সহ-  
কারে তোমার আরাধনা করি; হে ভক্তবৎসল কমলাপতি! ভক্তের  
অভিলাষ সম্পূর্ণ কর—হে কোশলনিপুণ কল্পিনী হৃদয়বল্লভ! তুমি  
যেমন ভক্তবৎসলতাপরবশ সমরপ্রান্তরে নরনারায়ণ ধনঞ্জয়ের রথে  
সারথি হয়েছিলে, তেমনি উপস্থিত তুমুল সংগ্রামে তুমি আমাদের  
পথপ্রদর্শক হও। হে পদ্মপলাশলোচন বিপদ-উদ্ধার মধুহৃদন!  
তুমি সমরক্ষেত্রে স্বহস্তে সংপন্থা অঙ্কিত করে দাও, আমরা যেন  
সেই পন্থা অবলম্বন করে প্রতিদ্বন্দ্বী পৃথ্বীপতিকে পরাজিত করি।

গান্ধা। (শিখণ্ডিবাহনের কপালে বরণডালা স্পর্শ।) তুমি

যেন—(শিখণ্ডি বাহনের ললাট অবলোকন) তুমি যেন সমরে  
বড়াননের ন্যায়—(ললাট অবলোকন—হস্ত হইতে বরণডালা  
পতন।)

সুশী। ধর ধর। (ত্রিপুরা ঠাকুরাণীর অঙ্কে মহিষীর পতন।)

ত্রিপুরা। কপালে বিন্দু বিন্দু ঘাম ছুয়েছে। (মুখে জল দান,  
অঞ্চলদ্বারা বায়ু সঞ্চালন।)

রাজা। মহিষী কয়েক দিন পীড়িতা—মূছা রোগের লক্ষণ।

গান্ধা। (দীর্ঘনিশ্বাস।) “পাপীয়সীর পেটে—পাপাত্মার  
জন্ম”।

রাজা। মহিষী কি বল্চেন?

সুশী। মা স্নুহু হয়েছেন? বল্চেন কি?

গান্ধা। এমন রাজদণ্ড ত কখন কারো কপালে দেখি নাই।

রাজা। গান্ধারি তুমি ঘরে গিয়ে শয়ন কর।

গান্ধা। আমার বরণ করা সম্পূর্ণ হয় নি। (গাত্রোখান,  
বরণডালা গ্রহণান্তর শিখণ্ডিবাহনের ললাটে প্রদান) তুমি  
নিজ বাহুবলে রাজসিংহাসনে উপবেশন কর।

রাজা। গান্ধারি তোমার হাত কাঁপচে, তুমি এখন স্নুহু  
হও নাই, তুমি আর বিলম্ব কর না গৃহে যাও। শিখণ্ডিবাহন  
তুমি ফুলমালা ধান দুর্কা গ্রহণ কর, আর বিলম্বের প্রয়োজন নাই।

শিখা। যে আজ্ঞা। (ফুলমালা, ধান দুর্কা গ্রহণ।)

[রাজা, সমরকেতু এবং শিখণ্ডিবাহনের প্রস্থান।

গান্ধা। বাবা মকরকেতন তুমি পুত্র হয়ে আমাকে পাপী-  
য়সী বল।

মক। তুমি আমায় রাগাও কেন?



গান্ধা। সন্তানের কুচরিত্র হলে বাপ মার মনে বড় ব্যথা জন্মে।

মক। বাবা ত আমায় কিছু বলেন না।

গান্ধা। কিন্তু আমায় রত্নগর্ভা বলে উপহাস করেন।

মক। মা তোমার মুখ অতিশয় মলিন হয়েছে, তুমি এখন আমার বিষয় চিন্তা কর না, তাতে আরো অমুস্থ হবে।

গান্ধা। তুমি যখন না জন্মেছ তখন তোমার বিষয় চিন্তা করে ছিলাম, এখনও তোমার বিষয় চিন্তা করছি, আর তোমার বিষয় চিন্তা করতে করতেই আমার মরণ হবে। এইত মরতে পড়েছিলাম।

মক। সে কি আমার জন্যে ?

গান্ধা। আমার আর কে আছে ?

মক। একটি পালিত পুত্র।

গান্ধা। পালিত পুত্র কে ?

মক। হিংসা—তিনি আমার জ্যেষ্ঠ ভাই।

গান্ধা। আমি কার কি দেখে হিংসা করব ?

মক। রাজদণ্ড।

ত্রিপুর। না বাবা অমন কথা বল না, মহিষী আমার শিখ-  
ণ্ডিবাহনকে বড় ভাল বাসেন।

গান্ধা। তোমার মতিচ্ছন্ন ধরেছে।

মক। তা ঠকক কিন্তু আমি তোমার মত হিংস্রটে নই।  
আমি বাবার মত সরল, তাই শিখণ্ডিবাহনকে দেবতার মত পূজা  
করি।

ত্রিপুর। মা আপনি পাগলের কথায় কাণ দেবেন না।

গান্ধা। আমার কর্মান্তির ভোগ।

[মুশীলা এবং মকরকেতন ব্যতীত সকলের প্রস্থান।

মুশী। তোমার কথা গুলি বড় তেত।

মক। কিন্তু সত্য।

মুশী। সময় বিশেষে সত্যকেও গোপন করতে হয়।

মক। সেটি আমার স্বভাব বিরুদ্ধ।

মুশী। কেবল শৈবলিনী তোমার স্বভাব সিদ্ধ।

মক। আজ যে বড় তার নাম উচ্চারণ কল্যে ?

মুশী। পাগল হবার পূর্বে লক্ষণ, এত দিন হইনি এই  
আশ্চর্য্য।

মক। তুমি আমার গলায় মালা দিলে না ?

মুশী। একবার দিয়ে যে ফল পেইচি আর দিতে সাহস হয় না।

মক। জানবান্ শিখণ্ডিবাহন তোমার যে প্রশংসা করে  
বোধ হয় আমি তোমায় চিন্তে পারিচি না।

মুশী। আগে চিন্তে এখন ভুলে গিয়েছ।

মক। আজ তুমি মনে করে দিলে।

মুশী। কত দিন মনে করে দিইচি কিন্তু আমার ভাগ্যে  
তোমার স্মরণ শক্তিটি বড় দুর্বল।

মক। তুমি না হয় ফুলের মালা দিয়ে সবেল করে দাও।

মুশী। পতিরতা প্রণয়িনী—নিখিল জগতে

জীবন-ধারণ-পস্থা এক মাত্র যার

আনন্দভাণ্ডারপতিমুখ-দরশন—

নিপতিতা হয় যদি ছিন্ন লতা প্রায়

দৈবের বিপাকে নিজ কপালের দোষে

পতি অনাদর রূপ জ্বলন্ত অনলে,

কি যাতনা অনুভব অভাগা অবলা  
 বিষণ্ণ হৃদয়ে করে দিবা বিভাবরী  
 যে জেনেছে সেই বিনা কে বলিতে পারে ?  
 পূর্ণিমায় অন্ধকার; পূর্ণ সরোবরে  
 শুষ্ককণ্ঠে শীর্ণ মুখে মরে পিপাসায়;  
 সুখশূন্য সুলোচনা শূন্য মনে বসি  
 বিজনে বিষাদে কাঁদে যেন বিরাগিনী  
 দীননেত্রে নীরধারা বহে অবিরাম।  
 নারায়ণে সাক্ষীকরি, আনন্দ আশায়  
 আবার দিলাম মালা স্বামীর গলায়।  
 যুবতী জীবন পতি সংসারের সার;  
 এবার একান্ত নিধি একান্ত আমার।

(মালাদান।)

মক। সুশীলা তুমি সুশীলা। শিখণ্ডিবাহন যখন তোমার  
 সেনাপতি হয়েছেন তখন সত্বরে তোমার শত্রু ক্ষয় হবে। কিন্তু  
 সেনাপতি তারও আছে।

সুশী। তার সেনাপতি তুমি।

মক। আমি কেন হতে যাব।

সুশী। তবে কে?

মক। তার কবিতা-কলাপ।

সুশী। কবিতা প্রলাপ।

[সুশীলার বেগে প্রশ্নান।

মক। আহা! এমন সুমধুর কথাগুলি শুন্টিলেম, আপ-  
 নিই বন্ধ করে দিলেম। সুশীলার কাছে আমি থাকতে ভাল  
 বাসি কিন্তু শৈবলিনীর নাম কল্যেই সুশীলা রাগ করে উঠে  
 যায়। শৈবলিনীকে আর বাঁচান যায় না, চারি দিকে আগুন  
 জ্বলে উঠেছে—মাতা পাগলিনী, পিতা দুঃখিত, বনিতা বিরাগিনী,  
 শিখণ্ডিবাহন খজাহস্ত, বকেশ্বর বক্রচূড়ামণি।

[প্রস্থান।

দ্বিতীয় অঙ্ক।

প্রথম গর্তাক। কাছাড়, রাজপথপার্শ্বস্থ রাজপ্রাসাদের শিখর।

নীরদকেশী এবং সুরবালার প্রবেশ।

নীর। দেখ ভাই আমি কেমন ছাদের উপরে রাজসভা  
 সাজিয়েছি। রাজকন্যা বলেন আমরা এক তালার ছাদে বসে  
 যুদ্ধ দেখব আমি ভাই ছাদের উপর বিছানা করে এক খানি  
 সিংহাসন স্থাপন করিছি।

সুর। এখন রাজা মহাশয় এসে উপবেশন করলেই হয়।  
 মণিপুর রাজার কত তাঁবু দেখিচিস, যেন রাজহংসগুলি সার-  
 বেঁধে দাঁড়িয়ে রয়েছে; ষোড়সওয়ারই বা কত।

নীর। মহারাজ বলছিলেন মণিপুরের রাজা যখন এত  
 অশ্বসেনা জুটিয়েছে তখন যুদ্ধে কি হয় বলা যায় না।

সুর। এখনই জানা যাবে। (রণবাদ্য) যুদ্ধ আরম্ভ  
 হয়েছে।

নীর। এখান থেকে ভাল দেখা যাবে না, দোতালার ছাদে গেলে হত।

সুর। সেখানে রাণী আছেন রাজকন্যা তাই সেখানে যেতে চান না। রণকল্যাণীর নবীন বয়স, নতুন প্রাণ, ভরা যৌবন, রাত দিন রণ করে বেড়ায়, সে কি মায়ের কাছে মুখগুঁজড়ে বসে থাকতে পারে।

নীর। রণকল্যাণীর চকের মত চকু তাই কখন দেখিনি, কেমন উজ্জ্বল, কেমন ডাগর, কে যেন কাণ পর্যন্ত তুলি দিয়ে টেনে দিয়েছে; শাস্ত্রে যে বলে “ইন্দীবরাক্ষী” রণকল্যাণী আমাদের তাই।

পুরমহিলাদ্বয় সমভিব্যাহারে রণকল্যাণীর প্রবেশ।

রণ। কিলো সুরবালা কি যেন বলি বি বলি মত মুখখানা করে রইচিস্ বে।

সুর। তোমারি কথা হচ্ছিল

রণ। আমার কি কথা?

সুর। তোমার চকের কথা।

রণ। আমার চকের মাতাটা খাচ্ছিলে বুঝি?

নীর। বালাই আমরা কি তোমার চকের মাতা খেতে পারি?

সুর। একি মাচের চকু?

রণ। তবে কিসের চকু?

সুর। ঠারবের।

রণ। তবে তোমায় ঠারি।

সুর। আমার কেন?

রণ। তবে কাকে?

সুর। যার মুণ্ডু যুরে যাবে।

রণ। মুণ্ডু যুরাবার পাত্র কই?

সুর। দেবীপুরের রাজ পুত্র!

রণ। মদ্যপায়ী।

সুর। কুণ্ডলার যুবরাজ?

রণ। শেয়াল মারতে হাতি চায়।

সুর। বীরনগরের বীরেশ্বর?

রণ। অশ্ববিদ্যায় অষ্টবক্র।

সুর। মৈনাক বাসের নবীন রাজা?

রণ। শত্রুধারণে সতীলক্ষ্মী।

সুর। বনপাশের বিজয়?

রণ। জয়দেবের আততায়ী।

সুর। ময়রেশ্বরের মুক্তারাম?

রণ। পেটের ভাঁজে ইঁটুর থাকে।

সুর। তোমার কপালে বর নাই।

রণ। এ বর মন্দ নয়।

প্রথম, পুর। রাজার মেয়ে কত বর যুটবে।

সুর। যৌবন যে যায়,

তাকে আটকে রাখা দায়।

সোণার শেকল লোহার খাঁচা,

এর বেলাটি বিষম কাঁচা।

যৌবন জোয়ারের জল,

দেখতে দেখতে ঢলাঢল,



নাব্লে বারি রয়না আর,  
ফুটলে কলি ফকিকার।

রণ। মনে যৌবন যার,  
ভাবনা কোথা তার ?  
মাতায় পাকা চুল,  
খোঁপায় ঘেরা ফুল।  
এক একটি দন্ত খসে,  
প্রেম লতাটি গজয়ে বসে।  
কাল যদি যায় মনের সুখে,  
মধুর হাসি শুকন মুখে।

সুর। থাকতে বেলা নবীনবালা  
প্রেম বাজারে যায়,  
গেলে কুড়ি খুবড় বুড়ি  
কেউনা ফিরে চায়।

রণ। মনের মণি গুণমণি  
মনের দিকে মন,  
নমান বলে, সকল কালে  
সুখ মাধনের ধন।

(প্রাসাদতলস্থ রাজপথ দিয়া সৈনিকগণের গমন)

দ্বি, পুর। আজ কত সৈনিক যে যাচ্ছে তা গণে সংখ্যা করা  
যায় না।

রণ। (সিংহাসনে উপবেশন এবং সৈনিকগণের মস্তকে ফুল  
নিক্ষেপ।) আমাদের সৈন্য কেমন সুসজ্জিত হয়েছে, যেন  
দেবতারা তরবারি হস্তে করে গমন কচ্চেন। পুরুষ হওয়ার  
চাইতে আর সুখ নাই।

নার। শত শত পুণ্য কল্যে তবে পুরুষ হয়।

সুর। মেয়েদের পদসেবা করবের জন্যে।

রণ। সেও যে একটা সুখ।

সুর। সে সুখভোগ ইচ্ছে কল্যে করতে পার।

রণ। কেমন করে ?

সুর। নিৰ্জ্বনে বসে “প্রাণ প্রেয়সি” বলে আপনার টুকু-  
টকে পা জুখানিতে হাত বুলাও।

রণ। আমিত পুরুষ নই।

সুর। খাবার সময় গরম ছোট কর।

রণ। তা হলেই বুঝি পুরুষ হল ?

সুর। অনেক মেয়ে ডাগর গরমের অনুরোধে নত পরা ছেড়ে  
দিয়েছে।

রণ। তোমার মুণ্ডু।

প্রথ, পুর। পুরুষ হলে পাঁচ রকম দেখা যায়।

রণ। পুরুষেরা যখন মাতায় পাগড়ি, কোমরে কিরিচ, হাতে  
তলয়ার, অঙ্গে কবচ, পৃষ্ঠে ঢাল ধরে ঘোড়ায় চড়ে যায়, আমার  
বড় হিংসে হয়। অশ্বারোহী সৈন্য অতি মনোহর। আমাদের  
দেশে যদি স্ত্রীলোক দিগের সৈনিক হবার রীতি থাকত আমি একটি  
প্রবল বামাসৈন্য সঙ্কলন করতাম, অয়ং তার সেনাপতি হতাম।

সুর। কি হতে ?

রণ। সেনাপতি।

সুর। সেনাপত্নী।

রণ। তোমার পিণ্ডি। আমি কি ভাই মন্দ বল্চি, আমরা পুরুষদের চাইতে কিসে কম, আমরা শূরবীর পেটে ধরতে পারি আর শূরবীরের মত অস্ত্র ধরতে পারি না! আমাদের বুদ্ধি আছে, বিদ্যা আছে, কৌশল আছে, যেখানে বলে না পারি সেখানে কৌশলে সারি। বলতে কি আমার ভাই ইচ্ছা কচ্ছে এই দণ্ডে রণসজ্জায় সজ্জীভূত হয়ে অশ্বারোহণে সমরক্ষেত্রে গমন করি।

নীর। লোকাচার বিরুদ্ধ বলে লোকে দুষতে পারে।

রণ। লোকাচার ত লোকে করে; লোকাচার হয়ে গেলে লোকে দোষ দেখতে পারে না।

সুর। বামাসৈন্যের একটি বিশেষ দোষ আছে।

রণ। সভাপণ্ডিত মহাশয়ের মীমাংসা শুন।

সুর। কখন কখন ষোড়শূল দম্কেটে প্রাণঘায় বলে কেঁদে উঠবে আর কচ্ছপের মত চলতে থাকবে।

রণ। কখন ?

সুর। যখন সৈনিকগণের অঞ্চি হবে।

রণ। তুমি অরুচির রুচি,

কচ্মচে করুকচি,

ইচ্ছা করে তোমার নাক্টি কেটে

করি কুচি কুচি ॥

(নাসিকা ধারণ, হস্ত হইতে পদ্মকুলের মালা পতন।)

সুর। (মালা তুলিয়া দিয়া) তুমি এমন মালা কোথায় পেলে ?

রণ। গাঁথলেম।

সুর। মালায় যে বড় মন গেল ?

রণ। মন উচাটন হলে কেউ গান করে, কেউ কবিতা লেখে, কেউ ভ্রমণ করে; কেউ মালা গাঁথে।

সুর। মালা ছড়াটি দেবে কাকে ?

রণ। যাকে বিয়ে করব।

সুর। তবে আমার গলায় দাও। পুরুষের সঙ্গে তোমার বিয়ে হবে না। বর ভায়ার হার মেনে হাল্ ছেড়ে দিয়েছেন।

রণ। না পেলে প্রেমের নিধি প্রেম কতু হয় লো ?

ভাবের অভাব হয় সদা মনে ভয় লো।

কামিনী-কোমল-প্রাণ কমলের কলি লো,

সরল স্বভাব স্বামী অনুকূল অলি লো।

প্রথ, পুর। দুটি অঞ্চ সৈনিক এই দিকে আসচে—ও বাবা এমন বেগে অঞ্চচালান ত কখন দেখিনি, আকাশ হতে যেন দুটি তারা খসে পড়চে।

রণ। তাই ত, কিছু ত চেনা যাচ্ছে না কেবল দৌড় দেখা যাচ্ছে, ষোড়া ত পায় চলচে না, যেন বাতাসে উড়ে আসচে।

(রাজপ্রাসাদ তলস্থ পথে ব্রহ্মদেশের সেনাপতির অশ্বারোহণে প্রবেশ এবং বেগে প্রস্থান, শিখণ্ডিবাহন অশ্বারোহণে পশ্চাৎ পশ্চাৎ ধাবমান।)

সুর। আমাদের সেনাপতিমহাশয় যে।



রণ। ভয়ে পালাচ্ছেন না কি?  
 সুর। অঙ্গে রক্তের চেউ খেলচে।  
 নীর। কি সর্বনাশ, সেনাপতি বুঝি যুদ্ধে হেরে গেলেন।  
 রণ। তাঁকে তাড়িয়ে নিয়ে গেল উট কি?  
 দ্বি, পুর। বোধহয় মণিপুর রাজার সহকারী সেনাপতি  
 শিখণ্ডিবাহন।

রণ। যিনি ছোড়া চড়ে নদী পার হন।  
 সুর। বয়স্ ত অধিক নয়।  
 রণ। কি চমৎকার চুল।  
 নীর। আহা! একটা ছোঁড়ার কাছে সেনাপতি পরাজিত  
 হলেন।

প্রথ, পুর। পরাজিত হবেন কেন, বোধহয় কৌশল করে  
 অবোধ শত্রুকে আপন কোটে নিয়ে এলেন।

রণ। যে তেজে আমাদের দলে প্রবেশ করেছে ও সৈনিকটি  
 অবোধ নয়; ও আপন বীরত্বে নির্ভর করে এত দূর পর্যন্ত  
 এসেছে—

সুর। আবার এই দিকে আসুচে।

ব্রহ্মদেশের সেনাপতি এবং শিখণ্ডিবাহনের  
 প্রবেশ এবং যুদ্ধ।

শিখ। একে বলি বীরত্ব—সম্মুখ যুদ্ধ কর—পলায়ন করা কি  
 সেনাপতিকে সাজে?

ব্রহ্ম, সেনা। তুমি অতি শিশু, তোমায় বধ করতে আমার  
 মায়ী হয়।

শিখ। শিশুর হাতে পুতনা বধ হয়েছিল।

ব্রহ্ম, সেনা। ভবে রে শাম্বর, ছোট মুখে বড় কথা, এই  
 তোমার শেষ। (অস্ত্রাঘাত, শিখণ্ডিবাহনের ঢাল দিয়া রক্ষা।)

শিখ। তোমায় প্রাণে মারা আমার অভিপ্রায় নয়। যদি  
 পারি তোমায় জীবিত পরাজিত করব। দেখ দেখি হার মান কি  
 না। (অস্ত্রাঘাত)

ব্রহ্ম, সেনা। বীর পুরুষ স্থির হও, আমি নিরস্ত্র হলেম।  
 (তরবারি পতন) সহকারী সেনাপতি তুমি ধন্য, আমার প্রাণ  
 যায়, আমি মলেম।

কামিনীগণ। পড়লেন যে, পড়লেন যে।

শিখ। আমি থাকতে বীর পুরুষ ভূমিশায়ী হবেন। (অর্থ  
 হইতে ব্রহ্ম সেনাপতিকে আপনার অশ্বে লইয়া সেনাপতিকে  
 বগলে ধারণ)

ব্রহ্ম, সেনা। জল না খেয়ে মরি—জল—জল—ছাতি কেটে  
 গেল।

শিখ। পিপাসা হয়েছে। (দস্তে বলগা ধারণানন্তর জিনের  
 ভিতর হইতে জলপূর্ণ স্বর্ণপাত্র বাহির করিয়া সেনাপতির মুখে  
 ধারণ, সেনাপতির জল পান। রণকল্যাণীর হস্ত হইতে পদ্মের  
 মালা শিখণ্ডিবাহনের মস্তকে পতন)

সুর। ঠিক পড়েছে।

শিখ। (গলায় মালা ধারণ, রণকল্যাণীর মুখাবলোকন,  
 উষ্ণীয় পতন)

ইন্দীবর বিনিন্দিত বিশাল নয়ন

মুখ সুখ সরোবরে ভাসিছে কেমন!

[বেগে অশ্বারোহণে সেনাপতিকে লইয়া প্রস্থান।

নীর। ও বাবা এমন জোর ত কখন দেখিনি, সেনাপতি মহাশয়কে কচি খোকার মত নিয়ে গেল।

প্র, পুর। পদ্মের মালা যেমন অবলীলাক্রমে নিয়ে গেল সেনাপতিকেও তেমনি।

সুর। ছুটি জিনিষ নিয়ে গেল, না তিনটি?

নীর। দুটি।

সুর। তিনটি।

দ্বি, পুর। তিনটি কই?

সুর। সেনাপতি—কমল মালা—আর একজনের কোমল মন।

রণ। কার লো?

সুর। যার মনে মন নাই।

রণ। তোমার মুখে ছাই।

সৈনিকদ্বয়ের প্রবেশ।

প্র, সৈ। সেনাপতির বোধ হয় মৃত্যু হয়েছে।

দ্বি, সৈ। তা হলে কেবল মাতা টা কেটে নিয়ে যেত।

প্র, সৈ। আজকের যুদ্ধে আমাদের হার বলতে হবে।

দ্বি, সৈ। কেন সেনাপতি গেলে কি আর সেনাপতি হয় না? কত যুদ্ধে রাজা পরাজিত হয়েছে তবু দেশ পরাজিত হয় নি।

আমরা নূতন সেনাপতি করে আবার যুদ্ধ করব।

প্র, সৈ। সেনাপতি মহাশয়ের অশ্বটি এখানে দাঁড়িয়ে কাঁদছে।

দ্বি, সৈ। ঘোড়াটি নিয়ে যাই।

রণ। সুরবালা পাগড়ি টা কুড়িয়ে দিতে বল।

সুর। ও গো ঐ পাগড়ি টা তুলে দাও।

প্র, সৈ। দুঃখের বিষয় মণিপুত্রের সহকারী সেনাপতি পাগড়ি

কেলে গিয়েছেন যাতে পাগড়ি থাকে সেটি কেলে যান নাই।  
( শিখণ্ডিবাহনের উষ্ণীয় প্রদান )

রণ। ( উষ্ণীয় ধারণ ) কেমন ধরিচি।

[ অশ্ব লইয়া সৈনিকদ্বয়ের প্রস্থান।

সুর। কি সুন্দর কাজ!

রণ। সোণার চুম্বকিগুলি বড় কোঁশলে বিন্যাস করেছে—আমি এরূপ পারি—ও সুরবালা মণিপুত্রায় কেমন অক্ষর তুলেছে দেখ।

সুর। বোধ হয় শিল্পকারের নাম—“সুশীলা”।

রণ। সু—শী—লা। (দীর্ঘ নিশ্বাস। হস্ত হইতে উষ্ণীয় পতন।)

[ রণকল্যাণীর চঞ্চল চরণে প্রস্থান।

প্র, পুর। যুদ্ধে হার হয়েছে বলে রাজকন্যা বড় ব্যাকুল হয়েছেন।

নীর। চকু দুটি ছল ছল কক্ষে, জল যেন পড়ে পড়ে।

দ্বি, পুর। তা হতেই পারে, যুদ্ধে হার হওয়া সহজ অপমান

নয়।

সুর। এক দিনের যুদ্ধেই জয় পরাজয় স্থির হয় না। আমরা আজ হারলেম্ হয় ত কাল জিৎব। রণকল্যাণীর চকে যে জন্যে

জল এসেচে তা আমি বুঝিচি।

নীর। বলনা ভাই।

সুর। পাগড়িতে সুশীলার নাম দেখে।

নীর। সুশীলা কে?

প্র, পুর। বোধ হয় ঐ ছোঁড়ার মাগ্।

বি, পুর। ছোঁড়া বেয়াড়া মাগ মুখ, তাই মেগের নাম  
মাতায় করে যুদ্ধ করে। লোকে কথায় বলে—

মাগ্ মাগ্ মাগ্  
মাগ্ মাতার পাগ্।

ছোঁড়া কাজে তাই করেছে।

রণকল্যাণীর পুনঃ প্রবেশ ।

রণ। সুরবালা বল্ দেখি আমি কোথা গ্যাছলুম ?

সুর। চক্ মুহুতে।

রণ। তুই পাগ্ ডিটা নিয়ে আয়্।

সুর। সুশীলা হয়ত শিম্পকারের বউ, পাগ্ ডি বেচে খায়।

রণ। তুই তার কাছে একটা পাগ্ ডির বায়না দিস্।

সুর। তোমার ত ইচ্ছে, এখন সে নিলে হয়।

মাগর তলে রতন রয়,

সুখের পথ টা সহজ নয়।

হাতির মাতায় মুক্তা থাকে,

বার করে লয় মানুষ তাকে,

যত্নে পড়ে বনের পাকী,

চেষ্টা কল্যে না হয় কি ?

[প্রস্থান।

দ্বিতীয় গর্তীক। কাছাড়। বিষ্ণুপ্রিয়া বসিবার কক্ষ।

বিষ্ণুপ্রিয়া এবং বীরভূষণের প্রবেশ।

বিষ্ণু। ছোটরাণী আমাকেও খেলে রাজ্যটাও খেলে।  
ছোটরাণীর কুককে যদি না পড়তে এমন সর্বনাশ হত না।

বীর। সর্বনাশ কি ?

বিষ্ণু। রণে পরাজয়।

বীর। সেনাপতি পরাজিত হয়েছেন বলে কি আমি পরাজিত  
হলেম ? সেনাপতির সহোদরকে সেনাপতি করেছি।

বিষ্ণু। সেনাপতিকে যে ধরে নিয়ে গেছে, সে বেঁচে থাকতে  
যুদ্ধে জয় হবে না।

বীর। আপাততঃ যুদ্ধ রহিত করবের প্রস্তাব করিছি। আমি  
মণিপুরের রাজাকেও ভয় করি না, তার সেনাপতিদিগকেও ভয়  
করি না। মনে করি ত মণিপুর ছার খার করে চলে যেতে পারি।  
কাছাড়ের ভদ্রলোকেরা আমার অনুগত, কিন্তু তারা শালার  
অধীনে থাকতে অপমান বোধ করে।

বিষ্ণু। তারা ত আর ছোটরাণীর প্রেমের অধীন নয় যে  
তার ভয়ের অধীন হয়ে সুখ পাবে।

বীর। আমি সেই জন্যে সন্ধির সূচনা করছি। এখন বোধ  
হচ্ছে আমার এ আড়ম্বর করা পরামর্শ সিদ্ধ হয় নি।

বিষ্ণু। তখন কি না মাতাল হয়ে ছিলে।

বীর। আমি মদের বিদেবী, আমার ধরে মদ আসে না।

বিষ্ণু। জন্মায়।

বীর। কোথায় ?

বিষ্ণু। ছোট রাণীর অধরে।



বীর। তবে আমি সুধাও পান করে থাকি।

বিষ্ণু। কোথায়?

বীর। বড় রাণীর রসনায়।

বিষ্ণু। তুমি পারিষদের সঙ্গে পরামর্শ করলে না, মন্ত্রীর মন্ত্রণায় কাণ দিলে না, সময়সভার উপদেশ নিলে না। কুহকিনী কাণে ফুঁ দিলে আর যুদ্ধ করতে বেয়্যে এলে।

বুড় বয়েসে নবীন নারী,

জ্বর বিকারে বিলের বারি।

আদমরা তার নয়ন বাণে

দেখতে পাইনে চকে কাণে।

বীর। সেনাপতি মণিপূরের রাজাকে সর্বদাই অবজ্ঞা করতেন। তিনিই ত লিপির উত্তর স্বরূপ মুখিক শাবক পাঠিয়ে ছিলেন।

বিষ্ণু। সেনাপতি ইঁদুর ভাতে ভাত রেঁধেছেন, এখন নরপতি অহার করুন।

বীর। তুমি ত আমার প্রমাদ নইলে খাও না, লেজটি তোমার জন্যে রাখবো, তুমি ডাঁটার মত কচুমচিরে চিবিরে খেও।

বিষ্ণু। আমি কেন খেতে যাব। যে তোমায় এমন রান্না শেখালে সেই খাবে।

বীর। মণিপূরীরা জানত সেনাপতি মুখিক প্রেরণের মূল, সুতরাং আমার অতিশয় আশঙ্কা হয়েছিল মণিপূর শিবিরে সেনাপতির বিশেষ দুর্গতি হবে, কিন্তু সুখের বিষয় তিনি সেখানে সুখে অছেন।

বিষ্ণু। মণিপূর রাজার বড় মহত্ব।

বীর। রাজার মহত্ব নয়।

বিষ্ণু। তবে কার?

বীর। বীরকুল পূজনীয় শিখণ্ডিবাহনের। সকলে একমত হয়ে স্থির করেছিল সেনাপতির নাসিকায় মুখিক বেঁধে দোর দোর নিয়ে বেড়াবে, শিখণ্ডিবাহন বল্যেন “মৃত যুগরাজকে পায় দলনা করা শৃগালের কার্য, বীরপুরুষের অবমাননা কাপুরুষের লক্ষণ; সেনাপতিকে সম্মানে রাখলে ত্রক্ষাধিপতির মুখিক প্রেরণের প্রচুর পরিশোধ হবে”। শিখণ্ডিবাহন সেনাপতিকে মহোদরস্নেহে আপন শিবিরে নিয়ে রেখেছেন। শিখণ্ডিবাহন প্রকৃত শিখণ্ডিবাহন।

বিষ্ণু। সেনাপতিকে শিখণ্ডিবাহন যখন ঘোড়ার উপর তুলে নিলেন সে সময় তাঁর দাক্ষণ পিপাসা, তিনি তখনই পিপাসায় প্রাণত্যাগ করতেন যদি শিখণ্ডিবাহন জিনের ভিতর হতে জল বার করে না খাওয়াতেন।

বীর। শত্রুর মুখে জলদান বীরত্বের পরাকাষ্ঠা।

বিষ্ণু। আমার রণকল্যাণী ত পাগলী; সেই সময় শিখণ্ডিবাহনের মাতায় পদ্মের মালা ফেলে দিলে।

বীর। বেসু করেছে। রণকল্যাণীর মহৎ অন্তঃকরণের চিহ্ন এই। বীরত্ব শত্রুতেই হউক আর মিত্রেতেই হউক সমান পূজনীয়।

বিষ্ণু। কিন্তু সেনাপতির সেই দশা দেখা অবধি বাছা আমার বিরস বদন হয়ে আছে। রাতদিন হেসে বেড়ায়, সেই অবধি বাছার মুখে হাসি নাই।

বীর। তাই বুঝি রণকল্যাণী আমার কাছে আসে না, পাছে আমি লজ্জাপাই।

বিষ্ণু। নীরদকেশী বল্যে রণকল্যাণী মনে বড় ব্যথা পেয়েছে; কেবল একা বসে ভাবে, সময়ে নায় না, সময়ে খায় না, রেতে চকের পাতা বুজে না।

বীর। মা আমার বড় যুদ্ধপ্রিয়। আমার কাছে বসলে কেবল যুদ্ধের গল্প হয়। মহাভারত রামায়ণ রণকল্যাণীর মুখস্থ। সে দিন বলছিল অর্জুনের চাইতে কর্ণের বীরত্ব অধিক, ইন্দ্র আর নারায়ণ সহায়তা না কল্যে অর্জুন কর্ণকে মারতে পারতেন না। লক্ষ্মণ শক্তিশেলে পড়লে রামচন্দ্রের বিলাপ বর্ণনা করে, আর রণকল্যাণীর পদ্মচক্ষে জলের উদয় হয়।

বিষ্ণু। রণকল্যাণীর যুদ্ধ দেখতে বড় সাধ।

বীর। রণকল্যাণী যখন চার বছরের তখন একদিন আমার কিরীট মাতায় দিয়ে আর আমার তলয়ার দুই হাতে ধরে বলেছিল “বাবা আমি তোমার খন্নে নলাই কলি”।

বিষ্ণু। তুমি কোলে করে আমায় এনে দেখালে।

বীর। কাছাড়ের যুদ্ধ উপস্থিত শুনে রণকল্যাণী বল্যে বাবা আমি যুদ্ধ দেখতে যাব। সেই জন্যে সপরিবারে কাছাড়ে এলেম। রণকল্যাণী আমার যে আব্দার নেয় আমি তাই করি। শ্বেতহস্তীরজন্যে আমায় পাগল করে দিচলো কত কষ্টে শ্বেতহস্তী জুটয়ে ছিলেম।

বিষ্ণু। এখন একটা মনের মত পাত্র জুটলে বাঁচি।

বীর। সেত আর তোমার আমার হাত নয়।

বিষ্ণু। কত পাত্র এল, কত পাত্র গেল।

বীর। অপাত্রে বিবাহ হওয়া অপেক্ষা চিরকুমারী থাকা ভাল। মেয়ের মনোমত পাত্র পেলেই বিয়ে দেব।

বিষ্ণু। সেটা মুখের কথা, কাষের সময় বলে বসবে রাজ-নিয়ম অতিক্রম করে কি কুলদ্বার হব।

বীর। কু পিতা হওয়া অপেক্ষা কুলদ্বার হওয়া ভাল।

বিষ্ণু। কুলের গৌরবে কত পিতা প্রতিকূল,  
না বিচারি বালিকার জীবনের হিত,  
অবহেলে ফেলে কন্যা কমল কলিকা,  
অবিরত পাপে রত অপাত্রে অনলে।  
দুহিতা স্নেহের লতা জানে ত জনক,  
তবে কেন কুলমান অভিমান বশে  
সম্প্রদানে স্বর্ণলতা শমনে অপর্ণে?  
সুযতনে তনয়ীর বিদ্যা কর দান,  
সদাচারে রত রাখ দেহ ধর্ম জ্ঞান।  
পরিণয় কালে তায় দেহ অমুমতি,  
আপনি বাছিয়া লতে আপনার পতি।

রণকল্যাণীর প্রবেশ।

রণ। বাবা মন্ত্রী মহাশয় এই লিপি খানি আপনার হাতে দিতে বলেছেন। বোধ হয় মনিপুর-রাজার লিপি।

বীর। (লিপি গ্রহণ।) আমি রাজসভায় যাই।

বিষ্ণু। এত ব্যস্তই কি?

রণ। বাবা পত্র খান পড়ুন না।

বীর। রণকল্যাণীর আব্দার শুন।

বিষ্ণু। আমারও শুনতে ইচ্ছা হচ্ছে।

বীর। রণকল্যাণী তোর ইচ্ছে কি, “নলাই” না সন্ধি?



(রণকল্যাণী লজ্জাবনত মুখী।) কথা কওনা কেন মা? তুমি যে ছেলেকালে বলতে “বাবা তোমার ধম্মে নলাই কলি”।

বিষ্ণু। রণকল্যাণীর কি হয়েছে। ওঁর সঙ্গে এত গম্প করেন, এত রূপকথা বলেন, এখন একটা কথার জবাব দিতে পারেন না।

বীর। রণী যা বলবে তাই করব। যুদ্ধ না সন্ধি?

রণ। সন্ধি।

বীর। তুই ভয় পেইচিস্!

রণ। না বাবা। আমাদের যে পদাতি আছে আমরা মণিপুর তুলে ব্রহ্মদেশে নে যেতে পারি।

বীর। দেখলে রণীপাগলীর কেমন সাহস। তবে যে সন্ধি করতে বল্চিস্।

রণ। এই পত্রে হয়ত সন্ধির কথা লেখা আছে।

বীর। তুমি পড় আমরা শুনি।

রণ। (লিপি গ্রহণানন্তর পাঠ।)

পুণ্য পুঞ্জ বিভূষিত মহাবল পরাক্রমশালী  
রাজশ্রীমহারাজ বীর ভূষণ ব্রহ্মদেশাধিপতি  
অখণ্ড প্রবল প্রতাপেয়ু।

ভ্রাতঃ।

আপনার অনুগ্রহ লিপি প্রাপ্ত হইয়া যার পর নাই মুখী হইলাম। অশ্বাদির প্রতীতি হইয়াছিল ব্রহ্মরাজধানীর নিয়মানুসারে লিপির দ্বারা লিপির উত্তর দেওয়া অতীব গর্হিত। কিন্তু পরাজয় পরবশ সমাগত ব্রহ্মসেনাপতির অনুকূলতায় অবগত হইলাম সে নিয়ম অভিমানাক্রান্তার জারজ, প্রকৃত রাজনিয়ম নহে।

আপনি সপ্ত দিবসের নিমিত্ত সময় রহিত রাখিবার প্রার্থনা করিয়াছেন। সম্মান সহকারে পরমমুখে ভবদীয় প্রার্থনায় সম্মতি দিলাম। আপনি যদি রাজনীতি প্রতিপালনে পরাধুখ না হয়েন, সপ্তদিবসের নিমিত্ত কেন চিরকালের জন্য সময়ানল নির্ঝাপিত করিতে আমি প্রস্তুত। সন্ধি সম্পাদন সম্বন্ধে অশ্বদের অখণ্ডনীয় প্রস্তাব—কাছাড় সিংহাসনে শ্যালক মহোদয়ের পরিবর্তে শ্রীমান্—শ্রীমান্—

বীর। তার পর।

রণ। বড় জড়ানে লেখা।

বীর। দেখি—(লিপি পাঠ।)

শ্রীমান্ শিখণ্ডি বাহনের অধিবেশন।

রাজশ্রীগুপ্তীর সিংহ।

কখন হবে না। আমার জেদ্ যদি না রইল তাঁরও জেদ্ থাকবে না—“অখণ্ডনীয় প্রস্তাব”।

বিষ্ণু। তবে যে তুমি বল্যে “শিখণ্ডিবাহন প্রকৃত শিখণ্ডিবাহন”।

বীর। শিখণ্ডিবাহন জারজ। কাছাড়ের একজন প্রধান অমাত্য আমায় বলেচে ওর বাপের চিকু নাই।

বিষ্ণু। তুমি ত আর তার সঙ্গে মেয়ের বিয়ে দিচ্চ না।

বীর। জারজকে মেয়ে দিতে পারি কিন্তু রাজ্য দিতে পারি না।

বিষ্ণু। এটা জেদের কথা।

বীর। কাছাড়ের প্রজারা আপত্তি করবে।

[বিষ্ণুপ্রিয়া এবং বীরভূষণের প্রস্থান।

রণ। শ্রেয়াংসি বহু বিদ্বানি—“ক্রীমান্ শিখণ্ডিবাহনের  
অধিবেশন—” আমার কি রাজরাণী হতে বাসনা—তা হলে ত  
এত দিন হতে পারতেন। আমার ইচ্ছা ধর্মপত্নী হই। “শিখণ্ডি-  
বাহন প্রকৃত শিখণ্ডিবাহন”—বাবা আমার গুণগ্রাহী। মণি-  
পুরের মহারাজ এত বড় লিপি লিখলেন আর সুলীলা শিখণ্ডি-  
বাহনের কেউ নয় এ সংবাদ টি লিখতে পারলেন না।

অবলা রমণী অরবিন্দ মনে  
কত কীটক ভীষণ, ভীত গণে।  
বিপদে লননা কি উপায় করে,  
কুল-পিঞ্জর-কন্দর কেশ ধরে।  
অভিলাষ সদা অভিরাম জনে,  
পথ সঙ্কুল কণ্টক রীতি গণে।  
কুরুরী নয়নে কত কাঁদি বসে,  
নাহি আপনি আপন ভাব বশে।

[প্রস্থান।

তৃতীয় গর্তাঙ্ক। কাছাড়। শিখণ্ডিবাহনের শিবির।

শিখণ্ডিবাহনের প্রবেশ।

শিখ। ব্রহ্মেশ্বর আমাকে জারজ বলেছেন—ব্রহ্মাধিপতি  
সেই ইন্দীবর নয়না অরবিন্দ মুখী রণকল্যাণীর পিতা—অবধ্য।  
ব্রহ্ম নরপতির প্রতি আমার বিদ্বেষ নাই—আমার কঠিন রূপাণ  
কলেবরে স্নকোমল কমলরাজি বিকসিত হয়েছে। যুদ্ধে জলা-  
ঞ্জলি—জীবনেও বা দিতে হয়। নীলাম্বুজ নয়নার অশুভমালা  
আমাকে জীবিত রেখেছে। হে ব্রহ্মেশ্বর! আমার পূজনীয় তরবারি  
তোমার পাদপদ্মে নিপাতিত করলাম—কাছাড় রাজ্য তোমাকে  
দিলাম—পৃথিবী তোমাকে দিলাম—অমরাবতী তোমাকে দিলাম—  
বিষ্ণুলোক তোমাকে দিলাম—ব্রহ্মলোক তোমাকে দিলাম—  
তুমি এক মহর্ষের নিমিত্ত তোমার কল্যাণময়ী রণকল্যাণীর মুখ  
চন্দ্রমা আমাকে দেখিতে দাও। কবি বিরচিত ইন্দীবরাক্ষী  
সংসারে বিরাজমানা। ব্রহ্ম সেনাপতি বলেন রাজা, রাজপুত্র,  
রণকল্যাণীর মনে ধরে নি—রণকল্যাণী অবিবাহিতা।

রাজা, শশাঙ্কশেখর, সমরকেতু এবং সর্বেশ্বর  
সার্কর্ভোমের প্রবেশ।

রাজা। শিখণ্ডিবাহন তুমি এমন ত্রিয়মান কেন? তোমার  
বীরত্ব-বিফারিত নয়ন উজ্জ্বলতাহীন—তোমার স্মবচনগর্ত রমনা  
অবশ্য—তুমি কি শত্রুর কটু জ্বিতে সঙ্কুচিত হয়েছ?

শিখ। আজ্ঞে না।

বীর। কাছাড়ের প্রজারা আপত্তি করবে।

[বিষ্ণুপ্রিয়া এবং বীরভূষণের প্রস্থান।

রণ। শ্রেয়াংসি বহু বিদ্বানি—“শ্রীমান্ শিখণ্ডিবাহনের অধিবেশন—” আমার কি রাজরাণী হতে বাসনা—তা হলে ত এত দিন হতে পারতেন। আমার ইচ্ছা ধর্মপত্নী হই। “শিখণ্ডিবাহন প্রকৃত শিখণ্ডিবাহন”—বাবা আমার গুণগ্রাহী। মণিপুরের মহারাজ এত বড় লিপি লিখলেন আর স্মৃশীলা শিখণ্ডিবাহনের কেউ নয় এ সংবাদ টি লিখতে পারলেন না।

অবলা রমণী অরবিন্দ মনে  
কত কীটক ভীষণ, ভীত গণে।  
বিপদে লননা কি উপায় করে,  
কুল-পিঞ্জর-কন্দর কেশ ধরে।  
অভিলাষ সদা অভিরাম জনে,  
পথ সঙ্কুল কণ্টক রীতি গণে।  
কুরুরী নয়নে কত কাঁদি বসে,  
নাহি আপনি আপন ভাব বশে।

[প্রস্থান।

তৃতীয় গভর্নাক। কাছাড়। শিখণ্ডিবাহনের শিবির।

শিখণ্ডিবাহনের প্রবেশ।

শিখ। ব্রহ্মেশ্বর আমাকে জারজ বলেছেন—ব্রহ্মাধিপতি সেই ইন্দীবর নয়না অরবিন্দ মুখী রণকল্যাণীর পিতা—অবধ্য। ব্রহ্ম নরপতির প্রতি আমার বিদ্বেষ নাই—আমার কঠিন রূপাণ কলেবরে স্নুকোমল কমলরাজি বিকসিত হয়েছে। যুদ্ধে জলাঞ্জলি—জীবনেও বা দিতে হয়। নীলাম্বুজ নয়নার অম্বুজমালা আমাকে জীবিত রেখেছে। হে ব্রহ্মেশ্বর! আমার পূজনীয় তরবারি তোমার পাদপদ্মে নিপাতিত করলাম—কাছাড় রাজ্য তোমাকে দিলাম—পৃথিবী তোমাকে দিলাম—অমরাবতী তোমাকে দিলাম—বিষ্ণুলোক তোমাকে দিলাম—ব্রহ্মলোক তোমাকে দিলাম—তুমি এক মহর্ষের নিমিত্ত তোমার কল্যাণময়ী রণকল্যাণীর মুখ চন্দ্রমা আমাকে দেখিতে দাও। কবি বিরচিত ইন্দীবরাক্ষী সংসারে বিরাজমান। ব্রহ্ম সেনাপতি বলেন রাজা, রাজপুত্র, রণকল্যাণীর মনে ধরে নি—রণকল্যাণী অবিবাহিত।

রাজা, শশাঙ্কশেখর, সময়কেতু এবং সর্কেশ্বর  
সার্কভোমের প্রবেশ।

রাজা। শিখণ্ডিবাহন তুমি এমন ত্রিয়মান কেন? তোমার বীরত্ব-বিস্ফারিত নয়ন উজ্জ্বলতাহীন—তোমার স্রবচনগর্ভ রসনা অবশ—তুমি কি শত্রুর কটুক্তিতে সঙ্কুচিত হয়েছ?

শিখ। আজ্ঞে না।



সর্কে। অসম্ভব নয়। শত্রুর শস্ত্র অঙ্গ বিক্ষত করে, শত্রুর কটুক্তিতে হৃদয় বিকল।

সম। আমরা সন্ধি করিব না—আমরা যুদ্ধ দ্বারা পণ রক্ষা করিব। দুর্মতি ব্রহ্মাধিপতি সম্যক্ পরাজিত হয়েও স্বভাব পরিত্যাগ করিতে পারেন নাই—এত বড় আত্মপক্ষা, মণিপুর মহারাজের সহকারী সেনাপতি বিজয় মণ্ডিত শিখণ্ডিবাহনকে জারজ বলে। সাতদিন পরে সমর আরম্ভ হউক; শিখণ্ডিবাহন যেমন সেনাপতিকে পরাজিত করে শিবিরে এনেচেন আমি তেমনি দান্তিক ব্রহ্মভূপতিকে মহারাজের শিবিরে আনয়ন করব। আমি পুনর্বার বলিতেছি আমি সন্ধি চাই না যুদ্ধ চাই। ব্রহ্মভূপতি বাঙনিপ্তি না করে শিখণ্ডিবাহনকে সিংহাসনে সংস্থাপন করিতে স্বীকৃত হন, সন্ধি, নতুবা যুদ্ধ—যুদ্ধ, যুদ্ধ, যুদ্ধ। সমকক্ষ সত্রোটে সত্রোটে সন্ধি হয়, পরাজিত পামরের সঙ্গে সন্ধি শশবিষাণের ন্যায় অসম্ভব। পরাজয়-পরিপীড়িত ভূপতির সন্ধির প্রস্তাব করা নিতান্ত অসংগত—প্রাণ তিক্ষা প্রার্থনা করাই তার কর্তব্য কর্ম।

শশা। আমরা জয়লাভ করিচি, ব্রহ্মসেনাপতি আমাদের শিবিরে আবদ্ধ রয়েছেন, আমাদের উতলা হইবার প্রয়োজন কি। ব্রহ্মেশ্বর একটি কৌশল অবলম্বন করেছেন; তিনি স্বয়ং শিখণ্ডিবাহনকে জারজ বলেন না, তিনি কাছাড় রাজধানীর কতিপয় অমাত্যের দ্বারা এ আপত্তি উত্থাপন করিয়েছেন। মণিপুর মহারাজের প্রতিজ্ঞা আছে প্রজার অনভিমতে কাছাড়ের রাজা মনোনীত করিবেন না; অতএব অমাত্য গণের আপত্তি খণ্ডনে যত্নবান হওয়া কর্তব্য। সাতদিন সময় আছে, সেনাপতি সমরকেতু যদি আমায় সাহায্য করেন, শিখণ্ডিবাহন যে জারজ নয় তাহা আমি প্রমাণ করে দিতে পারি।

সম। দিতে পারি, কিন্তু দেব কেন? শিখণ্ডিবাহন ত ব্রহ্মাধিপতির কন্যার পাণিগ্রহণ কচ্ছে না যে কুলজির আবশ্যিক। তলয়ারে তলয়ারে মীমাংসা তাতে আবার জন্ম বৃত্তান্ত কি? বাহুবলে রাজ্য গ্রহণ তাতে জারজের কথা আসবে কেন? অমাত্য গণের যদি কোন আপত্তি থাকত তাহলে তারা আবেদন পত্রে ব্যক্ত করত। ব্রহ্মেশ্বরের কুপরামর্শে এ আপত্তির সৃষ্টি—খণ্ডন করতে ইচ্ছা করেন আমার আপত্তি নাই।

রাজা। মন্ত্রীর প্রস্তাবে আমি সম্মত।

সর্কে। শিখণ্ডিবাহন যখন সেনাপতি সমরকেতুর নিকটে শস্ত্রবিদ্যা শিক্ষা করতেন তখন লোকে তাঁর জন্মকথা আন্দোলন করত, এখন শিখণ্ডিবাহনকে সকলে রাজার মত পূজা করে, কার সাধ্য সে কথা মুখে আনে। ব্রহ্মাধিপতির যে কুটিল স্বভাব আমাদের প্রমাণ অগ্রাহ্য করতে পারেন।

সম। তলয়ারের প্রমাণ গ্রাহ্য করবেন।

[ শিখণ্ডিবাহন ব্যতীত সকলের প্রস্থান।

শিখ। লোকে বলে ব্রহ্মদেশ হতে সূর্য্যদেব ব্রহ্মমূর্তি ধারণ করে উদয় হন—একথা অলীক না হবে, নইলে অমন প্রভাত সূর্য্যরূপিণী তপতি তুল্যা রণকল্যাণীর আবির্ভাব হল কেমন করে।

পরান কাতর, নবীন বাসনা

হৃদয়ে উদয়, অবশ রসনা,

পদ্বের প্রলয় দিলে পদ্মাসনা,

কি তাবি জানিব কেমনে মনে।

প্রেম পরিপূর্ণ পুত পরিগর,  
মেদিনী মণ্ডলে মকরন্দ ময়,  
সম্পাদিত শুভক্ষণে যদি হয়,  
সুনীল নলিনী নয়না সনে।

মকরকেতন, বকেধর এবং বয়স্য চতুর্ভয়ের প্রবেশ।

মক। ছল করে জেদ্ বজায় রাখবেন।

বকে। এক একটা ইঁদুর কলে পড়েও কুটুর কুটুর করে  
চাল ভাজা খায়। ব্রহ্মনরপতি কলে পড়েছেন তবু হল  
ছাড়েন না।

শিখ। ব্রহ্মভূপতি আমাদের প্রস্তাবে অস্বীকার নন।  
বোধ হয় সন্ধি হবে।

বকে। তাহলে আমার রণসজ্জা ত বৃথা হবে। আমি যে  
অসিলতা উঠিয়েছি তা এখন কেঁলি কোথা?

মক। কদলী বৃক্ষের বকে।

বকে। না—পরশুরামের প্রাণসংহারের জন্যে শ্রীরামচন্দ্র যে  
বান টেনে ছিলেন তা ছাড়লে পরশুরাম পঞ্চ পুত্র পেতেন। পরশু-  
রাম প্রাণভিক্ষা চাইলেন। রামচন্দ্রের উভয় শঙ্কট, এদিকে  
টানা বাণ রাখা যায় না, ওদিকে গোরিব ব্রাহ্মণের প্রাণনষ্ট।  
ভেবে চিন্তে পরশুরামের স্বর্গারোহণের পথে বাণটি নিক্ষেপ  
কল্যেন। আমি সেইরূপ করব।

মক। তুমি কোথায় ফেলবে?

বকে। মকরকেতনের শৈবলিনী রূপ স্বর্গারোহণের পথে।

মক। দাদা শৈবলিনীর সংবাদ শুনেছ।

শিখ। শৈবলিনীর সংবাদে আমি কাণ দিই না।

মক। শৈবলিনী আমার পরিত্যাগ করেছে।

বকে। বিচ্ছেদ বাঘের হাতে  
প্রাণ বাঁচানো ভার,  
খাঁচা খুলে কাদা খোঁচা  
পালিয়েছে আমার।

মক। দাদা এই লিপি খানি পড়, শৈবলিনীর কি উদার  
মন জানতে পারবে।

শিখ। আমি তার হাতের লেখা পড়তে পারি না।

মক। আমি পড়ি। (লিপি পাঠ।)

প্রাণেশ্বর!

তোমাকে প্রাণেশ্বর বলিতে আর আমার অধিকার নাই,  
তবে অভ্যাস নিবন্ধন বলিতেছি। সহৃদয় মহদাশয় শিখণ্ডিবাহন  
তোমাকে যে ভৎসনা করেছেন তাহাতে আমার সম্পূর্ণ বিশ্বাস  
আমি তোমার প্রতি অহিতাচরণ করিতেছি। সুশীলা তোমার  
সহধর্মিণী; সুশীলা তোমার স্নেহময় তনয়ের গর্ভধারিণী; তুমি  
সুশীলার হৃদয় মৃগালের পবিত্র পদ্ম, সে পদ্মে বিসোহিত হওয়া  
আমার স্বার্থপরতার পরাকাষ্ঠা।

ধর্মশীলা সরল-স্বভাবা সুশীলার হৃদয়-মৃগাল ভঙ্গ করিয়া  
পবিত্র পদ্ম গ্রাস করিতে বারবিলাসিনীর মনেও করণ রসের  
সঞ্চারণ হয়—আমি লোকাচারে বারবিলাসিনী বস্তুতঃ বারবিলাসিনী  
নই। আমি স্পষ্টাক্ষরে ধর্ম সাক্ষী করিয়া বলিতেছি আমি  
তোমাকে বিবাহিত পতি বলিয়া জানিতাম। আমি যে বারবি-



লাসিলী নই একথা আর কেহ বিশ্বাস করিবে না, কেনই বা করিবে, কিন্তু তুমি বিশ্বাস করিবে।

একশত বার, যাবজ্জীবন। (লিপি পাঠ।) আমি সুশীলার সরল মনে ব্যথা দিয়া মহাপাপ করিয়াছি। সেই পাপের পাবন স্বরূপ আপনার নির্কাসন বিধান করিলাম। চতুর শিপণ্ডিবাহন পরিচারিকার মুখে আমার অভিপ্রায় বুঝিতে পারিয়া আমাকে এক তোড়া স্বর্ণমুদ্রা প্রেরণ করিয়াছিলেন। তোড়াটি পেটিকায় রহিল, তাঁহাকে প্রতি অর্পণ করিয়া বলিবে, বারবিলাসিনী, নীচকুলোদ্ভবা শৈবলিনী, যদি হৃদয় পেটিকার রত্নরাশি পরিত্যাগ করিয়া জীবিত থাকে, সামান্য স্বর্ণাভাবে তার ক্রেশ হইবে না। আমি ভিখারিণীর বেশে প্রস্থান করিলাম। ইতি।

তোমার সংজ্ঞাশূন্য শৈবলিনী।

শিখ। এমন চমৎকার লিপি আমি কখন দেখিনি। শৈবলিনীর অতিশয় উচ্চ মন। আমি যদি আগে জান্তেম তোমার সঙ্গে একদিন তার নিকটে যেতাম।

মক। তুমি তার নাম কল্যে বেশ্যা বলে উড়িয়ে দিতে তা তার কাছে যাবে কেমন করে। এখন সে তপস্বিনী হয়ে বেয়রে গেল, এখন তোমার ইচ্ছে হচ্চে তার সঙ্গে বাক্যালাপ কর।

বন্ধে। আম্ শুক্য়ে আম্‌সি, জল শুক্য়ে পঁাক্,  
রুদ্ধা বেশ্যা তপস্বিনী, আগুন মরে থাক্।

মক। দেখ দেখি দাদা, বকেশ্বর ককণ রসের সঙ্গে কোঁতুক রস মিশ্রিত করে।

বন্ধে। আনারসে লবণ কণা,  
খেয়ে তৃপ্ত তন্ত জনা।

প্রথ, বয়। তুমি যে এমন লিপি পেয়ে জীবিত আছ এই আশ্চর্য্য।

মক। আমার ত আর সে ভাব নাই। সে দিন মঙ্গল ঘণ্টের সম্মুখে লক্ষ্মী জনার্দনকে সাক্ষী করে সুশীলা আমার গলায় মালা দিয়েছে, সেই অবধি আমি সুশীলার একায়ত্ত।

শিখ। (দীর্ঘনিশ্বাস।) অমন করে মালা দিলে কে না বশীভূত হয়। সে কি পদ্মের মালা?

মক। পদ্মের মালা।

শিখ। জগৎ সংসারে রমণীরত্ন সাররত্ন। রমণী না থাকলে পৃথিবী অন্ধকার ময় হত। রমণী জীবন ধারণের মূল।

মক। কি দাদা প্রণয়ের পদ্ম কলিটি ফুটলো নাকি? তোমার মুখে স্ত্রীলোকের এমন প্রশংসা কখন ত শুনি নি। সে দিন তুমি ব্রহ্ম রাজার অন্তর মধ্যে প্রবেশ করেছিলে, বোধ হয় স্বজাতি সূর্য্য প্রভা পেয়ে থাকবে।

শিখ। আমি শৈবলিনীর মনের উচ্চতা অনুধাবন করছি।

মক। শৈবলিনী সুশীলার হিতের জন্য সর্বত্যাগী। আমি কি সাথে তার প্রণয়-পিঞ্জরে বদ্ধ ছিলাম। শৈবলিনীর বর্ণ-বিন্যাস টা দেখলে নত। পত্র খান আর একবার পড়।

বন্ধে। আর পড়তে হবে না, খেঁড় কল্যেই শিকারি কুকুর বলে বুঝা যায়। পণ্ডিত রেখে লেখা পড়া শেখালে বকেশ্বরও বিদ্যাবাগীশ হতে পারেন।



মক। দাদা স্বাক্ষরটা দেখেছেন “তোমার সংজ্ঞা শূন্য শৈবলিনী”।

বকে। তোমার ডকা মারা কলঙ্কিনী।

শিখ। প্রমদা স্বভাবতঃ প্রেমদা, বারাক্ষণ হলেও মধুরতা শূন্য হয় না।

মক। বকেখর তোমার সাধু শিখণ্ডিবাহনের ব্যাখ্যা শুন।

বকে। স্মৃশীলা রাণীর জয়। স্মৃশীলার কাছে শৈবলিনী-বধ কাব্য পাঠ করব আর ডোল পুরে চন্দ্রপুলি খাব।

মক। শৈবলিনী কি তোমায় খেতে দিত না?

বকে। দিত কিন্তু ঔষধ গেলার মত খেতেম। শৈবলিনীর সন্দেস খাওয়া উচিত নয়।

দ্বি, বয়। তবে খেতে কেন?

বকে। ক্ষিদে পেত বলে।

সজ্জদোষে ভাই,

বেশ্যা বাড়ী খাই,

গোট্ মজ্জে জিজির মজে সন্দেহ তার নাই।

মক। বকেখর বড় জ্বালাচ্চ, মৃগয়ায় নিয়ে গিয়ে এর শোধ দেব।

বকে। হৃদ গয়া হবে আর কি?

মক। দাদা তুমিই আমার চরিত্র সংশোধনের মূল, তুমি যদি আমায় ভাল না বাসতে তা হলে আমি ছাব্বাধারে বেতেম্।

[ শিখণ্ডিবাহন ব্যতীত সকলের প্রস্থান।

শিখ। মকরকেতনের কাছে ধরা পড়েছিলাম আর কি—

মকরকেতনের যেমন মিষ্ট স্বভাব তেমনি তীক্ষ্ণ বুদ্ধি—ওর কাছে আমার মনের ভাব ব্যক্ত করা উচিত, ওর মত বিশ্বাসী বন্ধু আমার আর কে আছে। স্মৃশীলার স্মৃখের সীমা নাই—পদ্মের মালা বড় পয়মন্ত—পদ্মের মালা ছড়াটি একবার গলায় দিই। ( গলদেশে পদ্মের মালা প্রদান। )

একজন পদাতিকের প্রবেশ।

পদা। এক মাগী বৈষ্ণবী আপনার কাছে আসতে চায়।

শিখ। তোমরা কি যুদ্ধ শিবিরের রীতি জান না, যে সে আসতে চাইবে আর আমায় এসে সংবাদ দেবে? তোমরা তাকে অগ্নি অগ্নি বিদায় করে দিতে পার নি। ভিক্ষা চায় ভিক্ষা দিয়া বিদায় করে দাও।

পদা। আমরা তাকে অগ্নি অগ্নি বিদায় করে দিতেম, কিন্তু সে আপনার পাগুড়ি এনেচে।

শিখ। আমার পাগুড়ি? আমার পাগুড়ি?

পদা। আজ্ঞা হাঁ।

শিখ। আসতে দাও, একাকিনী আসতে দাও।

[ পদাতিকের প্রস্থান।

তবে রণকল্যাণী পাগুড়ি তুলে লনু নি। আমি ভেবে ছিলাম মালা দান স্মৃলক্ষণ, পাগুড়ি তুলে লওয়া তার পোষকতা।

স্মরবালার বৈষ্ণবীর বেশে প্রবেশ।

স্মর। গোপীজনমনোরঞ্জন, বৃষভানুহুলারীকালেনয়নাঞ্জন, ত্রিভুবন-ভব-ভয় ভঞ্জন, বৃন্দাবন স্বামী, তৌহারি মঙ্গল করে। দরিদ্র বৈষ্ণবী ভূধী হৌ। হে গুণধাম মোরি মুখ পব আপ্ কা

নেহারিয়ে? দর্পণ নহি, এহমে নেত্র হয়, নাকু হয়, কাণ্  
হয়, ওষ্ঠ হয়, দন্ত হয়।

শিখ। তুমি কে?

সুর। ব্রজবালা।

শিখ। কুলবালা।

সুর। (গলদেশ অবলোকন করিয়া।) কুলবালার কমল মালা।

শিখ। সুরবালা।

সুর। সোনার বালা।

শিখ। কার হাতের?

সুর। আজো কারো হাতে পড়েনি।

শিখ। তোমার বেশে বেস্ চাকে নি। তোমার অধর  
কোণে হাসি রাশ বেঁধে রয়েছে। আর বঞ্চনা কর কেন আমার  
পরিচয় দাও।

সুর। আমি ভিক্ষা জীবী বৈষ্ণবী, ভেকের জন্যে ভেসে  
বেড়াচ্ছি!

শিখ। ভেকু কেন নাও না?

সুর। মানুষ কই?

শিখ। মোট্ বইবের মানুষ জোটে আর তোমার ভেকের  
মানুষ জোটে না?

সুর। বাঁশবাগানে ডোম্ কাণা,  
দেখি সর্ব শালারা গুণ্ টানা,  
আছে একটা নিধি মনের মত,  
তার গুণের কথা কইব কত,

সে রণ করে রমণী মারে,  
পালায় লয়ে পদ্ম হারে।

শিখ। আমি কি এক শালা?

সুর। তা নইলে সিংহাসনে উঠতে চাও।

শিখ। আমার সহোদরা নাই।

সুর। শূরতা আছে।

শিখ। তুমি কি পাগ্ ডি দিতে এসেচ?

সুর। পাগ্ ডিও দেব পাগ্ ডির বায়নাও দেব।

শিখ। কাকে?

সুর। উষ্ণীষরচরিত্রী শিখ্ণকারবালা স্মশীলাকে।

শিখ। স্মশীলা সেনাপতি সমরকেতুর সরলস্বভাবা হুহিতা,  
যুবরাজ মকরকেতনের সহধর্মিণী, আমার ধর্মভগিনী।

সুর। চিরজীবিনী হু।

শিখ। তুমি স্মশীলার প্রতি যে বড় সদয়।

সুর। স্মশীলা মৃতসঞ্জীবন মন্ত্র জানেন।

শিখ। বোধগম্য হল না।

সুর। স্মশীলার নামটি শিলাখণ্ডবৎ প্রচণ্ডবেগে এক কুমারীর  
মস্তকে পতিত হয়েছিল। তিনি সেই অবধি মুচ্ছিতাবস্থায়  
আছেন। স্মশীলা শিখণ্ডিবাহনের ভগিনী শুনলে পুনর্জীবিতা  
হবেন।

শিখ। নামে এমন ভয়?

সুর। শিখণ্ডিবাহনের শিরোভূষণে লেখা বলে।

শিখ। তাতে হল কি?

সুর। তাতে হল স্মশীলা শিখণ্ডিবাহনের মাগ্।



শিখ। শিখণ্ডিবাহনের গুরুকন্যা, ধর্মভগিনী।

সুর। তা আমরা জানুব কেমন করে? আমাদের দেশে মাগু মাতায় করা রীতি আছে, ভগিনী মাতায় করা রীতি নাই।

শিখ। ত্রহাসেনাপতি আমায় বল্যেন রাজকন্যা রণকল্যাণীর সহচরী সুরবালা যেমন মিষ্টিভাষিণী তেমনি বিদ্যাবতী। তার প্রমাণ পেলেম।

সুর। আমায় আপনি জোর করে স্বর্গে তুলছেন। আমি স্বর্গমহিলা নই।

শিখ। তুমি স্বর্গের সেতু।

সুর। তা হলে সকলেরই হরিষচন্দ্রের স্বর্গ হবে।

শিখ। কেন?

সুর। আমি ফুলের ভরুটি সহিতে পারি না।

শিখ। তবে আমায় ফুলের মাল্য দেওয়া হল কেন?

সুর। সুপাত্র ভেবে।

শিখ। কমলমাল্য কখন পারিজাতমালা, কখন কাল ভুজঙ্গিনী।

সুর। পারিজাতমালা কখন?

শিখ। যখন ভাবি মালাদান পরিণয়ের চিহ্ন।

সুর। কালভুজঙ্গিনী কখন?

শিখ। যখন ভাবি আমার রাজবংশে জন্ম নয়।

সুর। রাজবংশে জন্ম হলে রাজবংশী হয়। অনেক রাজবংশী নিরাশ সাগরে নৌকার দাঁড়ি হয়েছেন। রাজবংশপ্রস্ফোর করে প্রাণ সমর্পণ।

শিখ। সুরবালা! তুমিও মৃতসঞ্জীবন মন্ত্র জান।

সুর। শুভকার্য প্রায় সম্পাদন। বিশেষর পাত্ পেতে বসে, অন্নপূর্ণা অন্নহস্তে দণ্ডায়মানা, বাকি ভোজন।

শিখ। তুমি তার মূল।

সুর। আমি ঘটকী। এখম একটা দর দিলে প্রস্থান করি।

শিখ। আমি কেন দর দেব?

সুর। যেমন কাল পড়েছে; পূর্বকালে পরিণয়ের হাটে কন্যা বিক্রয় হত, এখন ছেলে বিক্রয় হয়। এখন মেয়ের ত বিয়ে নয় সত্যভামার ত্রত করা, বরের ওজনে স্বর্গদান, ষোলটাকার দর পাকা সোনা, কবে লব।

শিখ। তুমি আমায় বিনা মূল্যে কিনে লও।

সুর। তা হলে ক্রিয়া শুদ্ধ হবে না। কিছু মূল্য দিই।

শিখ। কি?

সুর। পাগল করা পাগুড়িটি। (উকীষপ্রদান।)

শিখ। আমি যুদ্ধে জলাঞ্জলি দিইচি।

সুর। তবে এখন কচেন কি?

শিখ। বিরস বদনে,  
সজল নয়নে,  
বসিয়ে বিজনে,  
নিরখি মনে।

সে বিধু বদন,

সে নীল নয়ন,



সে মালা অর্পণ,  
আনন্দ সনে।

সুর। করিলাম পণ,  
পাবে দরশন,  
হইবে মিলন,  
বিবাহ পাশে।

পাগল হৃদয়  
যার জন্যে হয়  
সে হলে সদয়  
অমনি আসে।

শিখ। সুরবালা! এই পুস্তক খানি নিয়ে যাও। (পুস্তক দান।)

সুর। রণকল্যাণী “জয়দেব” প্রিয়া স্বপ্নে জানলেন না কি?

শিখ। সেনাপতি বলেছেন।

সুর। বৈষ্ণবী তবে ভিক্ষায় গমন করুক।

শিখ। কবে আসবে?

সুর। আপনি এখন খুব পাগল হুনি তাই “কবে” বলছেন, পাগল হলে বলতেন কখন আসবে।

শিখ। আজ কি আসতে পারবে?

সুর। বলুন না কেন আজ যাব।

শিখ। তা কি ঘটতে পারে?

সুর। সুরবালা না পারে কি?

[প্রস্থান।

চতুর্থগর্তীক। কাছাড়। রাজধানীর অন্তরের কুম্ভকানন।

রণকল্যাণীর প্রবেশ।

রণ। যার মন উচাটন তার কুম্ভকাননে করবে কি। কেনই বা মন উচাটন হয়—এক হাতে তালি বাজে না। এক হাতে তালি বাজে না বলেই ত মন উচাটন হয়। শিখণ্ডিবাহনকে দেখবের আগে আমি যে রণকল্যাণী ছিলাম, সে রণকল্যাণী আর হতে পাব না। হয় ত ভাল হব। জীবনটা একটানা স্রোতের তরণীর মত এক রুকম চলে যাচ্ছিল বেসু। বড় ধাক্কা লাগল—চড়ায় ঠেকেচে, গতি শক্তি হীন। আর কি নৌকা চলবে? কেন মালা দিলেম? কি বীরত্ব, কি মহত্ব, কি সহৃদয়তা, কি অশ্বসঞ্চালন। শিখণ্ডিবাহন প্রকৃত শিখণ্ডি-বাহন। আমি কি মালা দিলেম? মালা নিয়ে মন উড়ে গেল। না ঘটে নাই ঘটবে, আর ভাবতে পারিনে। চিরকুমারী হয়ে থাকুব। কিন্তু সে রণকল্যাণী আর হতে পাব না। না ঘটবেই বা কেন? অমন্ ব্যস্ত তবু স্থিরনেত্রে আমার নিরীক্ষণ কল্যেন। অমন্ ব্যস্ত তবু আমার সমক্ষে কমলমালা গলায় দিলেন। সুরবালা শিখণ্ডি-কারের মেয়ে। সুরবালা শীঘ্র আসবে বলে গেল এখন এল না। সে যতশীঘ্র পারে আসতে আমার বিলম্ব বোধ হচ্ছে। প্রেম-পিপাসায় দণ্ড দিন।

## গীত ।

রাগিণী ধাম্বাজ, তাল কাওয়ালী ।

কি হেরিলাম আহা মরি  
কিবা রূপের মাধুরি,  
আসিতে না পারি ফিরে এলেম ধীরে ধীরে ।  
দেখিতে রূপ প্রাণ ভরে,  
পারি নাহি লাজভরে,  
যদি বিধি দয়া করে,  
পুনরায় দেখায় তারে,  
লাজের মুখে ছাই দিয়ে  
চাইব ফিরে ফিরে ।

সুরবালার প্রবেশ ।

সুর । বৃন্দাবন স্বামী তৌহারি মঙ্গল করে, দরিদ্র বৈষ্ণবী,  
ভুখী হৌঁ ।

রণ । বৈষ্ণবীর বেশে এলে, মেয়েরা দেখলে বলবে কি ।

সুর । বলবে সুরবালা ভেকু নিয়েচে ।

রণ । সমাচার কি ?

সুর । সুরবালা গর্ভবতী ।

রণ । তোমার পোড়ার মুখ ।

সুর । এত সমাচার এনিচি, আমার পেটে ধুচে না ।

রণ । বোধ হয় যমক হবে ।

সুর । না, অনুপ্রাস ।

রণ । সুশীলা কে ?

সুর । সুশীলা শ্রীমান্ শিখণ্ডিবাহনের বনবিহঙ্গবাদিনী,  
বিজলিবরণা, বিমলেন্দুবদনা, বিলম্বিতবেণীবিত্তুষ্ণিতা, বিবাহিতা  
বনিতা ।

রণ । অনুপ্রাসের জন্ম হল যে ।

সুর । কিন্তু জারজ নয় ।

রণ । জারজ না হলে তোমার জীবিতা পেতাম না ।

সুর । প্রসূতির কথায় তোমার বিশ্বাস হয় না ?

রণ । তোমার আনন্দমাখা নয়ন বলচে জারজ, তোমার  
হাসিবিকসিত অধর বলচে জারজ, তোমার জারজ বলচে  
জারজ ।

সুর । এটা তোমার গরজ ।

রণ । এখন বল সুশীলা কে ?

সুর । সুশীলা শিখণ্ডিবাহনের অভিসারিকা ।

রণ । তোমার মরণ । তা আমি দেখলেও বিশ্বাস করিতে  
পারি না ; শিখণ্ডিবাহন সংসারকাননে পুণ্যতরু ।

সুর । রণকল্যাণী মুক্তিলতা ।

রণ । সুরবালার মাতা ।

সুর । অভিসারিকায় তোমার মন যায় না ?

রণ । রক্ষে ইতি কর ।

সুর । তবে সত্য ইতিহাস বলি ।

রণ । আদ্যোপাস্ত ।

সুর । শিখণ্ডিবাহন ভাই বড় চতুর । আমি এত গোপা-  
জনমনোরঞ্জন বলেয়ম, এত বৃন্দাবনস্বামী তৌহারি মঙ্গল

করে বেল্যে, কিছুতেই ভুল্যে না, আমার খপু করে ধরে  
কেল্যে।

রণ। তুমি অগ্নি টেঁচিয়ে উঠলে ?

সুর। আমি কি ঘটকালি করতে গিয়ে বিয়ে কল্যে  
না কি ?

রণ। তার পর।

সুর। বেল্যে তুমি সুরবালা।

রণ। মাইরি ?

সুর। সেনাপতির কাছে বসে বসে আমাদের সব খবর  
নিয়েছেন।

রণ। তবে তিনিও উচাটন।

সুর। তাঁর হার জিত দুই হয়েছে।

রণ। হারলেন কিসে ?

সুর। রণকল্যাণীর নয়নবাণে।

রণ। সুরশীলা কে ?

সুর। শিখণ্ডিবাহনের বনু।

রণ। তোমার মুখে ফুল চন্দন।

সুর। সহোদরা নয়।

রণ। তবে কি ?

সুর। সুরশীলা সেনাপতি সমরকেতুর মেয়ে, যুবরাজ মকর-  
কেতনের প্রী, শিখণ্ডিবাহনের গুরুকন্যা, ধর্মভগিনী।

রণ। বেল্যে কি ?

সুর। বেল্যে রণে জলাঞ্জলি দিয়ে কেবল মনের নয়নে  
রণকল্যাণীর মুখাবলোকন কর্চি।

রণ। রণকল্যাণী ভাগ্যবতী।

সুর। রণকল্যাণীর কমলমালা অবিরল গলদেশে দিরা  
আছেন।

রণ। রণকল্যাণীর জীবন সকল।

সুর। বেল্যে রাজবংশে জন্ম নয় বলে আশঙ্কা হয়।

রণ। রাজ বংশের সৃষ্টিকর্তার মুখে একথা ভাল শুনায় না।

সুর। রণকল্যাণীর সম্প্রীতি জন্যে একখানি পুস্তক দিয়ে-  
ছেন। (পুস্তকদান।)

রণ। জয়দেব। এ সেনাপতি বলে দিয়েছেন, তিনি আমার  
পদ্মাবতী বলে উপহাস করতেন। এমন সুন্দর লেখাত ভাই  
কখন দেখিনি, যেন নবদূর্বাদলশ্যামাবলি—

ললিত লবঙ্গ লতা পরিশীলন কোমল মলয় সমীরে  
মধুকর নিকর করম্বিত কোকিল কুজিত কুঞ্জ কুটীরে।

সুর। শিখণ্ডিবাহনের স্বহস্তে লেখা।

রণ। (পুস্তক বক্ষে ধারণ।) সুরবালা আমার সুখের সীমা  
মাই—সুরবালা আমার জীবনভরণী এত দিন পরে প্রেমসাগরে  
ভাসল—

সুর। তোমার চক্ষে জল কেন ভাই—আর ত কাঁদবের কারণ  
নাই। (আলিঙ্গন।)

রণ। সুরবালা তুমি আমার সহোদরা, তুমি আমার বড় মেহ  
কর। আমার প্রাণ শুকিয়ে গ্যাছল—তুমি আমার মৃত মুখে  
অমৃত দান করলে—আমি আনন্দে কাঁদি—

প্রাণ যারে চায়,

প্রেম পিপাসায়,



সে যদি আমার,  
আপনি চায়।  
অখিল সংসার  
সুখের ভাণ্ডার,  
প্রেম পারাবার  
ভাসিয়ে যায়।

সুর। মণিপুর শিবিরে রাসলীলার বড় ধুম।

রণ। রণজয়ের চিহ্ন।

সুর। রাজা অনুমতি দিয়েছেন, সাতদিন যুদ্ধ বন্ধ রইল,  
সকলে আনন্দ করে বেড়াও।

রণ। রাসমঞ্চ হবে কোথায়?

সুর। রাজার পটমণ্ডপের সম্মুখে। কি সুন্দর রাসমণ্ডপ  
প্রস্তুত করেছে যেন একটি রাজহত্র। চন্দ্রাতপটি সুগোল, লাল  
বর্ণ, তার ঝালরে তবকে তবকে পদ্মমালা। খুঁটি গুলি কাটের  
কি বাঁশের তা বলতে পারি না। খুঁটির গায় পদ্মের মালা এমন  
ঘন করে জড়িয়ে দিয়েছে খুঁটির গা দেখা যাচ্ছে না। রাসমণ্ড-  
পের মধ্যস্থলে পদ্মের সিংহাসন। পদাতিক প্রহরী রয়েছে নইলে  
একবার রাধিকা হয়ে বসে আসতেম।

রণ। কৃষ্ণ সাজবে কে?

সুর। রাজবাড়ীর রাসলীলায় যুবরাজ মকরকেতন কৃষ্ণ সাজ-  
তেন, তাঁর বিয়ে হয়েছে, এখন শিখণ্ডিবাহন কৃষ্ণ সাজেন।

রণ। রাধিকা?

সুর। রাজবালা।

রণ। রাজি বালা কে?

সুর। নাগেশ্বরের রাজকন্যা, মণিপুররাজার ভাগিনী, রণ-  
কল্যাণীর সতীন।

রণ। সুরবালার শালী।

সুর। রাজবালা রাধিকা সাজতে রাজি নয়—

রণ। কেন?

সুর। শিখণ্ডিবাহন কৃষ্ণ সাজবেন বলে।

রণ। শিখণ্ডিবাহনের উপর যে অভিমান?

সুর। শিখণ্ডিবাহন যা করতে নাই তাই করেছেন।

রণ। কি?

সুর। যাচা কন্যা কাচা কাপড় পরিত্যাগ।

রণ। তা হলে সুশীলা রাধিকা হবে।

সুর। তুমি স্বপ্ন দেখছ না কি? সুশীলার যে বিয়ে হয়েছে,  
বিয়ের পর মেয়েরা ত রাসলীলায় সাজে না।

রণ। তবে তুমি রাধিকা সাজ।

সুর। সাজবে কেন? যার শ্যাম সেই রাধা হবে।

রণ। সুরবালা শিখণ্ডিবাহনকে না দেখলে আমিত আর  
বাঁচিনে। চলনা কেন আমরা রাসলীলা দেখতে যাই।

সুর। এখন ত সন্ধি হয় নি।

রণ। আমরা পুরুষ সেজে যাব।

সুর। দুটি কমলে বাচুর চাই।

রণ। তোমার কমলে বাচুর হবে না, তোমার জন্যে একটি  
ষাঁড় চাই।

সুর। তোমার জন্যে একটি হাতী চাই।

রণ। নিশ্চয় যাব।

সুর। ধাত্রী যদি অনুকূল হন আমি আর একটি সংবাদ প্রসব করি।

রণ। তুমি সাত্‌ ব্যাটার মা হও।

সুর। তা হলে কি শরীরে কিছু থাকবে?

রণ। চিরযৌবনার ভয় কি?

সুর। মহিলাশিবিরে গিয়েছিলেম। বেছে বেছে একটা বুড়ী দাসীকে বশীভূত করলেম। আমি বলেম এ মায়ি বৃন্দাবন-স্বামী ভৌঁহারি মঙ্গল করে। সে বল্যে “বৈষ্ণবঠাকুরাণি নমস্কার আমার বয়ের ছেলে হয় না কেন?” আমি বলেম তুই আঁতুড় বাঁধ আমি তোর বয়ের ছেলে করে দিচ্ছি। বুলি হতে এক খানি ভাঙ্গা হলুদ বাস্ করে বলেম, যশোময়ী মা যশোদা এই হরিদ্রা অঙ্কে লেপন করে পঞ্চামৃত ভক্ষণ করেছিলেন, এই হরিদ্রা বেটে তোর বয়ের পেটে মাখিয়ে দে, হরিদ্রা শুক না হতে হতে উদরক্ষীত হবে। মাগী হরিদ্রা খানি আঁচলে বেঁধে ভ্যানর্ ভ্যানর্ করে পরচে পাড়তে লাগল।

রণ। হরিদ্রা পেলে কোথা?

সুর। যাবার সময় হরিদ্রা, কেলোধান, আতপচাল, গাঁটে কড়ি, কুমিরের দাঁত সংগ্রহ করে গ্যাছলেম।

রণ। তুমি এখন ভ্যানর্ ভ্যানর্ করে পরচে পাড়।

সুর। মনিপুর রাজার দুই রাণী ছিল। বড় রাণী মরে গিয়েছেন, ছোট রাণী বেঁচে আছেন। বড় রাণীর একটি ছেলে হয়। ছেলে ত নয় যেন চাঁপা ফুলের কলিটি; কপালে রাজদণ্ড। রাজপুরী আনন্দে উথলে উঠল, রাজা স্বয়ং হৃতিকাগারে এসে সুবর্ণকোটীর সহিত গজমতির মালা দিলেন। ছোটরাণী হিংসায় কাঁকুড় ফাটা। ধনমণি ধাত্রীর সহযোগে সোণার কটো শুদ্ধ

মতির মালা আর বড়রাণীর হৃদয় কটোর মতিটি নদীর জলে নিক্ষেপ কল্যেন। শোকে হৃতিকাগারে বড়রাণীর প্রাণত্যাগ হল।

রণ। সপত্নীর ঘেব কি ভয়ঙ্কর!

সুর। কেউ কেউ বলে শিখণ্ডিবাহন বড় রাণীর সেই সোনার চাঁদ।

রণ। তা হলে কি এত দিন অপ্ৰকাশ থাকে।

সুর। ছোটরাণীর ভয়ে কেউ কি একথা মুখে আন্তে পারে।

[প্রস্থান।

### তৃতীয় অঙ্ক।

প্রথম গর্তাঙ্ক। কাছাড়। শিখণ্ডিবাহনের পটমণ্ডলের সম্মুখ প্রাঙ্গণ।

রাজা। শশাঙ্কশেখর এবং সর্বেশ্বর সার্কভোমের প্রবেশ।

শশা। শিখণ্ডিবাহন যে তাঁর গর্তজাত নয় তা তিনি স্বীকার করেছেন।

রাজা। ত্রিপুরাঠাকুরাণী আমার সমক্ষে আসতে অসম্মতা কেন?

শশা। তিনি শিখণ্ডিবাহন কে কোথায় কি প্রকারে প্রাপ্ত হয়েছিলেন তা আমাদের কাছে বলতে অস্বীকার, কিন্তু মহারাজ



জিজ্ঞাসা কল্যে অস্বীকার করতে পারবেন না বলে মহারাজের সম্মুখে আসতে অস্বীকার।

সর্কে। ত্রিপুরাঠাকুরাণী সেনাপতি সমরকেতুকে বড় ভক্তি করেন, তাঁর কাছে কোন কথা গোপন করবেন না।

শশা। ত্রিপুরাঠাকুরাণী ভুবনপাহাড়ে শৈলেশ্বর দর্শন করতে গিয়েছেন সেনাপতি স্বয়ং তাঁকে আনতে গিয়েছেন।

রাজা। বোধ করি তাঁরা কাল আসতে পারেন।

পারিষদ চতুর্ভয়ের প্রবেশ।

প্র, পারি। শিখণ্ডিবাহন আর মকরকেতন বড় কোঁতুক করেছেন। যুগয়ায় বকেশ্বরকে ছোড়া চড়িয়ে নিয়ে গিয়েছিলেন।

রাজা। পড়ে গেছে না কি?

প্র, পারি। আজ্ঞা না।

রাজা। তবে ভাল। বকেশ্বর পাগল হকু যা হকু ওর মনটি বড় ভাল।

দ্বি, পারি। বকেশ্বরের অজ্ঞাতসারে এঁরা পঞ্চাশ জন মনিপুরের অশ্বসৈনিককে ব্রহ্মদেশের অশ্বসৈনিক সাজিয়ে বলে দিলেন, তাঁরা যখন যুগয়ায় রত থাকবেন সৈনিকেরা তাঁহাদের আক্রমণ করিবে। শিখণ্ডিবাহন এবং মকরকেতন বেগে অশ্বসঞ্চালন করে পালিয়ে আসবেন, বকেশ্বরের চক্ষুঃবন্ধন করে ব্রহ্মশিবিরের নাম করে মনিপুর শিবিরে ধরে আনবে।

শশা। বকেশ্বর ত ছোড়া চড়ে না।

প্র, পারি। সে কি ছোড়া চড়তে চায়, মকরকেতন অনেক যত্নে ছোড়ার পিটে একটি গাঁজ বসিয়ে দিলেন তবে সে ছোড়ায় উঠল।

রাজা। বকেশ্বর যে ভীক তার যদি প্রতীতি হয় যে তাকে ব্রহ্মশিবিরে ধরে এনেচে সে ভয়েতেই মরে যাবে।

মকরকেতন, শিখণ্ডিবাহন এবং বরষপঞ্চের প্রবেশ।

মক। বকেশ্বরকে যখন সৈনিকেরা বেঁটন করে চক্ষু বাঁধিতে লাগল বকেশ্বরের যে কান্না, বল্যে “ও শিখণ্ডিবাহন! এই তোমার বীরত্ব! পাগলটাকে শত্রুহস্তে কেলে পালালে”।

শিখ। সৈনিকদের বল্যে “বাবা সকল! আমায় ছেড়ে দাও আমি যোদ্ধা নই, আমি পাচকব্রাহ্মণ। বাবাসকল তোমাদের মহারাজ সাত দিন যুদ্ধ বন্ধ রেখেছেন তাই আমি এত দূর এইচি, নইলে মহিলাশিবিরের সীমা অতিক্রম কব্তেম না”।

পদ্মাতিকগণে বেক্ষিত অধারোহণে বকেশ্বরের প্রবেশ।

বকে। বাবাসকল আমার ভাষা তোমরা না বুঝতে পার, আমার চক্ষের জলে ত বুঝতে পাচ্চ আমি তোমাদের কাছে প্রাণ ভিক্ষা চাচ্চি।

প্র, পদা। রেরাণ্ডি বয়রাণ্ডি দেকুলাছলা খেইলু, মেইটা মিটি মহিটা কেরকা কেলটা কাং ফুই, তেম্পুরাণ্ডি পেম্পরালে পিণ্ডিলু।

বকে। আমি কেবল তোমাদের পিণ্ডি বুঝতে পাল্যেম। তোমাদের শিবিরে কি দোভাষী নাই।

প্র, পারি। এ বর্কর কে?

বকে। আহা! মাতৃভাষার বর্করটিও মধুর। বাবা আমি কোথায় এলেম?

প্র, পারি। মহারাজ রাজাধিরাজ ব্রহ্মমহীপতির শিবিরে।

বকে। মহারাজ কোথায়?

প্র, পারি। তোমার সমক্ষে, ছোড় করে প্রণাম কর।



বকে। আমি মস্তক নত করে প্রণাম করি। (মস্তক নত করিয়া প্রণাম।)

প্র, পারি। তুই ব্যাটা ভারি পাষণ্ড, মহারাজের নিকটে ঘোড় কর করতে পার না?

বকে। ঘোড়কর কেন আমি ঘোড়পায় লাফ দিতে পারি। আমি দুই হাতে গোঁজ্ ধরে রইচি আমার ঘোড় কর করবের কি যো আছে?

প্র, পারি। ঘোড়ার পাছায় খুব জোরে চাবুক মার ত, ঘোড়াটা ছুটে যাক।

বকে। (চীৎকার শব্দে) বাবা পড়ে মরবে, বাবা হাড় ভেঙ্গে যাবে, বাবা আমার পলকা হাড়। (প্রগাঢ় রূপে গোঁজালিঙ্গন।)

প্র, পারি। মার না এক চাবুক। (অশ্বের পৃষ্ঠে চাবুক প্রহার, পদাতিকের অশ্বের বলগা ধরিয়া বেগে অশ্ব সঞ্চালন।)

বকে। সাত দোহাই মহারাজ, ব্রহ্মহত্যা হয়, পড়লেম, পড়লেম, শালার ব্যাটা শালাদের মায়ী দয়া কিছু নাই। (অশ্ব হইতে পদাতিকদ্বয়ের হস্তে পতন।)

রাজা। (জনাস্তিকে) নীরব হয়ে রইল যে, পঞ্চত্ব হল না কি?

বকে। বাবা তোমাদের শিবিরে যদি বৈদ্য থাকে, ডেকে আমার হাতটা দেখাও, আমার বোধ হয় নাড়া ছেড়ে গিয়েছে; হাড় গুলি বোধ হয় আস্ত আছে। (হাড় টিপিয়া দেখন।)

দ্বি, পারি। তোর আছে কে?

বকে। আমার তিন কুলে কেউ নাই। আমি ধর্মের ঝাঁড়, নাম বকেশ্বর।

দ্বি, পারি। তবে এক খান তলয়ার পেটে পুরে দিয়ে ব্যাটাকে মেরে ফেল।

বকে। সাত দোহাই বাবা, পেটের ভিতর তলয়ার পুরে দিলে নাড়া কেটে যাবে। আমার কাঁদবের লোক আছে।

দ্বি, পারি। কে আছে?

বকে। আহা মরি, বিচ্ছেদে প্রাণ কেটে যায়। এত ভাল বাসা, এমন মধুর স্বভাব, এমন কোমলাঙ্গ, এমন খেতারবিন্দ বর্ণ, সকলি ব্যর্থ হল।

দ্বি, পারি। কার কথা বল চিস্।

বকে। আহা! আমা অবর্তমানে হৃদয়বিলাসিনী আমার কার মুখ পানে চাইবেন? আহা আমা অবর্তমানে আদরিণীকে কে তেমন আদর করবে?

দ্বি, পারি। তার নাম কি?

বকে। চন্দ্র পুলি।

তু, পারি। তুই আমাকে চিনিস্?

বকে। যাকে চিনি না, তাকে চক্ষু খোলা থাকলেও চিন্তে পারি না, এখন ত চক্ষু বাঁধা।

তু, পারি। আমি কাছাড়ের নবাভিষিক্ত নবীন রাজা।

বকে। চিন্লেম, আপনি শ্যালক-কুলতিলক—

তু, পারি। ব্যাটাকে মশানে নিয়ে কেটে ফেল আমাকে এমন কথা বলে।

বকে। বাবা তুমি মাতুল মহাশয়।

তু, পারি। তবে যে শালা বল্লি।

বকে। অভ্যাস বশতঃ।

তু, পারি। তোমায় আমি ব্রহ্মদেশের জল খাওয়াব।

বকে। আপাততঃ একটু কাছাড়ের জল দাও মামা, আমি পিপাসায় মরি।

রাজা। (জনাস্তিকে) জল দাও। (পারিষদ দ্বারা বকে-  
শ্বরের সম্মুখে জল পাত্র রক্ষা।)

তু, পারি। জল দিয়েছে খানা, তাব্চিস কি?

বকে। মামার বাড়ী শুধু জলটা খাব।

তু, পারি। তবে চাস্ কি?

বকে। কাহ্ন চাক্ রসমুণ্ডি।

তু, পারি। হা কর্ আমি তোমর গালে রসমুণ্ডি দিই।

বকে। মাতুল, আমি হা করে করে খাই তুমি দিতে থাক।  
যদি ছোট্টারে হয় তবে বুড়ি ধরণে দাও। (হা করণ।) কতক্ষণ  
হা করে থাকুব। (রসমুণ্ডি ভক্ষণ।) বাবা, মামা জল দাও গলায়  
বাদ্চে। (জল পান।) মামা তোমার জন্মেরও ঠিক নাই হাতেরও  
ঠিক নাই, জলে মুখ চক্ ভাস্য়ে দিলে বাবা।

তু, পারি। বকেশ্বর, আর কিছু খাবি?

বকে। আমার এক রকম খেয়ে তৃপ্তি হয় না। রকম ফের  
কল্যে ভাল হয়।

তু, পারি। তবে এক খান খির চাঁপা দিচ্ছি প্রাণভরে  
খাও। (এক খান পুরাতন ছিন্ন পাত্কা বকেশ্বরের হস্তে  
প্রদান।)

বকে। (হস্ত দ্বারা পাত্কা স্পর্শ করিয়া।) মামা দেশ  
বিশেষে আহার ব্যবহার কত ভিন্ন হয়।

তু, পারি। কেনরে।

বকে। এ গুল আপনারা নিজে খান, আমাদের দেশে এ  
গুল কুকুরে খায়! আপনারা এরে বলেন খির চাঁপা, আমরা  
বলি ছেঁড়া জুত। (পাত্কা স্পর্শ করিয়া।) মামা খির চাঁপা  
যে মস্তক হীন, প্রসাদ করে দিলেন না কি?

তু, পারি। তুই খানা,— খির চাঁপা বড় সুশাদ্য।

বকে। মামা আপনি কাছাড়ের রাজা হয়েছেন আপনাকে  
খির চাঁপা কিনে খেতে হবে না। একটু ইন্ধিত কল্যেই প্রজারা  
আপনাকে খির চাঁপার চাপা দিয়ে রাখবে।

তু, পারি। তোমার বড় নষ্ট বুদ্ধি। তোমাকে আমি কোড়া  
দিয়ে সরল করে দিচ্ছি।

বকে। সাত্ দোহাই মামা, মেরনা বাবা, আমি রসমুণ্ডি  
খেতে পারি কিন্তু মার খেতে পারি না, মার গুল একটুও মুখপ্রিয়  
নয়। (এক ঘা কোড়া প্রহার। চীত্কার শব্দে।) বাবারে শালায়  
ব্যাটা শালা মেরে ফেলেছে।

তু, পারি। তুই আমার শালা বল্লি।

বকে। আপনি মাতুল মহাশয়, আপনাকে কি আমি শালা  
বলতে পারি।

তু, পারি। তবে কারে বল্লি।

বকে। ঐ কোড়া গাছটাকে।

চতু, পারি। ওরে বর্ষের বোদ্ধাধম বকেশ্বর!

বকে। মহাশয় আমি বোদ্ধা নই, আমি শুধু বকেশ্বর।

চতু, পারি। তবে যে শুন্লেম তুমি মহিলাশিবিরের রক্ষক।

বকে। সেটা উভয়তঃ।

চতু, পারি। উভয়তঃ কি?

বকে। কখন মেয়েরা আমায় রক্ষা করেন, কখন আমি  
তাদের রক্ষা করি।

চতু, পারি। তবে তোমাকে কি গুণে মহিলাশিবির রক্ষক  
কল্যে?

বকে। রসবোধ কম বলে।



চতু, পারি। তোমাকে আমি গুটিকত সংবাদ জিজ্ঞাসা করি ; যদি সত্য বল তোমার নিস্তার, নতুবা তোমার গলায় পাতর বেঁধে জলে ফেলে দেব।

বকে। আমি অসময়ে মিথ্যা বলিনা।

চতু, পারি। মিথ্যা বল কখন ?

বকে। প্রাণের দায়ে আর পেটের দায়ে।

চতু, পারি। তোমাদের রাজা কেমন ?

বকে। মনিপুরের মহারাজা বদান্যতার বারিষি, পরাক্রমের হিমগিরি, যশের হরিণ-পরিহীন-হিমকর, ধর্মের শ্বেতপুণ্ডরীক, প্রজা পালনে রামচন্দ্র, অরাতি দলনে পরশুরাম।

রাজা। (জনাস্তিকে।) জিজ্ঞাসা কর কোন দোষ আছে কি না।

চতু, পারি। তুই আমাদের কাছে ভাটের মত গুণ বর্ণনা করতে এইচিস্ ? (কোড়া প্রহার।)

বকে। মেরে ফেল্যে বাবা, বড় লেগেচে। আমি দিবি কচ্চি বাবা, আর সত্য বলব না।

চতু, পারি। রাজার দোষ আছে কি না তাই বল।

বকে। রাজার একটা দোষ আছে, সেটা কিন্তু মহৎ দোষ। সে দোষটা আজ কাল বড় লোকের মধ্যে সাধারণ।

চতু, পারি। কি দোষ ?

বকে। বোঁও।

[ সলাজে রাজার প্রশ্নান।

চতু, পারি। তোমাদের মন্ত্রী কেমন ?

বকে। মন্ত্রীমহাশয় কুমন্ত্রণার জাম্বুবান্। জাম্বুবানের পরা-

মর্শেই রাজত্বের এত অমঙ্গল ঘট্চে। ঐ জাম্বুবানের কুমন্ত্রণায় আপনাদিগের এমত হুগতি হয়েছে।

চতু, পারি। তোদের সভাপণ্ডিত কিরূপ।

বকে। বিদ্যার কুপ। সাত বৎসরে শিবের ধ্যান মুখস্থ করেছেন। ব্যাকরণে বন্য কুকুট, শাস্ত্রমত আহাৰ করা যায়। “বুদ্ধস্য তৰুণী ভার্য্যা” করে তাঁরও নাম বেয়য়েছে, ছাত্রদেরও নাম বেয়য়েছে !

চতু, পারি। তাঁর কি নাম ?

বকে। গোঁতম।

চতু, পারি। ছাত্রদিগের ?

বকে। সহস্রলোচন।

চতু, পারি। যুবরাজ মকরকেতনের বিষয় কিছু বলতে পার ?

বকে। ওটা পাগল, ছাগল, ভোগল। লম্পটের চুড়ামণি, উনি রাজা হলে প্রজারাও সব রাজা হবে।

চতু, পারি। কেন ?

বকে। ঘরে ঘরে রাজ পুত্রের আবির্ভাব।

চতু, পারি। মকরকেতনের সঙ্গে শিখণ্ডিবাহনের সম্পর্ক কি ?

বকে। খুড়ভগ্নীপতি।

চতু, পারি। ঠাট্টা ? (কোড়া প্রহার।)

বকে। আপনাদের যেমন প্রশ্ন। মকরকেতন হল রাজপুত্র, আর শিখণ্ডিবাহন হল ছোটলোক ; ওদের ভিতর আবার সম্পর্ক কি ?

চতু, পারি। শিখণ্ডিবাহন না কি বড় যোদ্ধা !



বকে। তা যুগায় প্রমাণ হয়েছে। পাশুটা এমনি পাজি, গোরিব ব্রাহ্মণকে শত্রু-হস্তে ফেলে পালাল। লোকে বলে সেনাপতি সমরকেতুর প্রধান শিষ্য, প্রধান গর্ভস্রাব। ছোঁড়ারে ধরে এনে আপনারা শূলে চড়িয়ে দেন।

চতু, পারি। শিখণ্ডিবাহনের চরিত্র কেমন?

বকে। আস্ত ছিল সম্প্রতি একটি বড় রকম ছিদ্র হয়েছে।

চতু, পরি। বিশেষ করে বল!

বকে। মকরকেতন রূপ শ্যাওড়া গাছে বহুকাল হতে শৈবলিনী রূপ একটা পেত্নী বাস করত। শিখণ্ডিবাহন চালপড়া খাইয়ে পেত্নীটে নাবালেন। শিখণ্ডিবাহন বড় বিশ্বাসঘাতক। মকরকেতন ওকে দাদা বলে। দাদার মত কাজ করেছেন। উপভাদ্রবধুর উপবঁধু হয়েছেন। রাজ্যদিন সেই পচা পেত্নীর পাধোয়া জল খাচ্ছেন।

চতু, পরি। প্রমাণ কি?

বকে। তার দত্ত পদ্মমালা গলায় দিয়ে বসে থাকেন।

মক। তুরাতুণ্ডি কল্পকেণ্ডি কাকুণ্ডি। (বকেশ্বরের পৃষ্ঠে দুই কিল।)

বকে। মেরে ফেলেছে বাবা—শালার হাত যেন হাতুড়ি। তোমরা কিলকে বুঝি কাকুণ্ডি বল?

শিখ। চেপ্পাচণ্ডু চউচাত্। (বকেশ্বরের মস্তকে চপেটাঘাত)।

বকে। তোমাদের চউচাত্ বুঝি চপেটাঘাত? তোমাদের ভাষাটা ঠেকে শিখ্টি।

মক। মুরারণ্ডি মুক্কি মুগু। (গলাটিপ।)

বকে। তোমাদের মুগু বুঝি গলাটিপ। বাবা চাপাচাপি কল্যে তুলে যাব, তাতে আবার আমার মেধা কন্।

চতু, পারি। তুই এখন চাস্ কি?

বকে। আমার চক্ষু খুলে দাও আমি রাজ দর্শন করে মনিপুর শিবিরে যাই।

চতু, পারি। তোমায় ছেড়ে দিতে পারি যদি তুমি অঙ্গীকার কর যে একটি মনিপুর মহিলা আমাদের নিকট পাঠিয়ে দেবে।

বকে। একটা কেন, একটা মহিলা শিবির পাঠিয়ে দেব।

চতু, পারি। আর তোমার ষোড়াটা রেখে যেতে হবে।

বকে। ষোড়াটাকে আমি বড় ভাল বাসি, ওর একটা বিশেষ গুণ আছে, ফেলে দিয়ে দাঁড়িয়ে থাকে। মহারাজের ইচ্ছা হয় রেখে যাচ্ছি।

চতু, পারি। আর তোমার তলয়ার রেখে যেতে হবে।

বকে। যে আজ্ঞে।

চতু, পারি। আর তোমার নাসিকাটি রেখে যেতে হবে।

বকে। যে আজ্ঞে—আজ্ঞা না, ওটা সেখানে গিয়ে পাঠিয়ে দেব।

মক। কুস্তিকন্দা কাকুণ্ডি।

বকে। কি বাবা কাকুণ্ডি বল্চ যে, আর এক চোট কিল ঝাড়বে না কি?

মক। আমি তোমার চক্ষের বন্ধন মোচন করে দিই। (চক্ষের বন্ধন মোচন।)

বকে। বাবা চক্ষু বুঝি গিয়েছেন, অন্ধকার দেখছি যে—(সকলের মুখাবলোকন করিয়া।) আমি এখানে!

মক। বকেশ্বর এতক্ষণ কি কচ্ছিলে!

বকে। তোমাদের বুকে বসে দাড়ি তুলছিলেম।

মক। কেমন জদ।

বকে। দশচক্রে ভগবান্ ভূত।

মক। কাকুণ্ডি আহার করবে?

বকে। কিল্ গুলি বুঝি তোমার? এমন খোসুখৎ আর কে লিখতে পারে। মহারাজ কোথায়?

সর্কে। রাজা মহাশয় তোমার কথাতে বড় সন্তুষ্ট হয়েছেন, তাই শুনেই বাড়ীর ভিতরে গিয়েছেন।

মক। সার্ভোম ঠাকুরদা গোঁতম হয়েছেন।

সর্ক। কিন্তু আমার অহল্যা নাই তোমার অহল্যাকে দিয়ে নাম রক্ষা করতে হবে।

[ সকলের প্রস্থান।

দ্বিতীয় গভাক। কাছাড়। রাজার পটমণ্ডপের সম্মুখ। রাসমণ্ডপ।

রাজা, শশাঙ্কশেখর, সর্কেশ্বর সার্কভোম, মকরকেতন,  
বকেশ্বর, পারিষদগণ, বয়স্রগণ এবং  
পদাতিকগণের প্রবেশ এবং  
উপবেশন।

রাজা। অতি পরিপাটি রাসমণ্ডপ নির্মিত হয়েছে।

শশা। শিখণ্ডিবাহনের শিষ্পনৈপুণ্য। শিখণ্ডিবাহন রাস  
লীলায় আমোদ করতেন না। কিন্তু এবার তাঁর সে ভাব নাই।  
আনন্দে পরিপূর্ণ। রাসলীলা স্মসম্পন্ন করবের জন্য বিশেষ  
যত্নবান্।

রাজা। শিখণ্ডিবাহন এমন ভয়ঙ্কর সমরে জয়লাভ করেছেন,  
হৃদয় প্রফুল্ল না হবে কেন?

সর্কে। সকলেরই হৃদয় প্রফুল্ল হয়েছে।

রাজা। আমার হৃদয়-প্রফুল্লতা সম্পূর্ণ হয় নাই। যে দিন  
শিখণ্ডিবাহনকে কাছাড়ের সিংহাসনে সংস্থাপন করব সেই দিন  
আমার হৃদয়-প্রফুল্লতা সম্পূর্ণ হবে। সে দিন আমি স্বয়ং  
রাসমণ্ডপ প্রস্তুত করব।

বকে। বকেশ্বর ক্রম সাজবেন।

রাজা। নৃত্যটা তোমার স্বভাবসিদ্ধ। তোমার হাঁট নাই নাচনা।

বকে। যখন রণবাদ্য হয় তখন আমি একা একা নৃত্য করি।

রাজা। কোথায়?

বকে। মহিলাশিবিরের পশ্চাতে।

রাজা। তোমাকে কাছাড়ারিপতির মন্ত্রী করব।

শশা। উপযুক্ত জাম্বুবান্ বটে কেবল লাস্কুল অভাব।

বকে। মন্ত্রী মহাশয় লাস্কুলকাণ্ড অধ্যয়ন করেন নাই, তাই  
লাস্কুলের অভাবে আক্ষেপ কছেন।

রাজা। লাস্কুলকাণ্ডে লেখে কি?

বকে। লক্ষাকাণ্ডের পর শ্রীরাম চন্দ্র অযোধ্যার সিংহাসনে  
অধিরূঢ় হলে মন্ত্রী জাম্বুবান্ বলেন ঠাকুর আমি কোথায় যাই।  
রামচন্দ্র বলেন তুমি মরে কলিতে রাজাদিগের মন্ত্রী হবে।  
জাম্বুবান্ বলেন কলিতে রাজসভায় মনুষ্যের মত বসতে হবে  
কিন্তু কক্ষতলে লাস্কুল থাকলে সেরূপ বসিবার ব্যাঘাত ঘটবে।  
রামচন্দ্র বলেন জন্মান্তরে লাস্কুল স্থানভ্রষ্ট হবে, স্বস্থান পরিত্যাগ  
করে লাস্কুল মন্ত্রীদিগের মনের সঙ্গে মিশে যাবে। সেই জন্য  
মন্ত্রীদিগের মন লাস্কুলবৎ চিরবক্র।

রাজা। তবে তোমার মন্ত্রী হওয়া দুষ্কর।

বকে। কেন মহারাজ?



রাজা। তোমার মন অতিশয় সরল।  
বকে। মন্ত্রী হলেই বাঁকা হবে।  
প্র, পারি। ত্রক্ষাধিপতি বড় বিপদে পড়েছেন। তিনি  
বলেছিলেন কাছাড়ের অমাত্যেরা শিখণ্ডিবাহনকে জারজ বলে,  
এখন কোন অমাত্য সে কথা বলতে স্বীকার কচ্ছে না।  
রাজা। সাত দিন গত হলেই সকল বিষয় সীমাংসা হবে।  
খোল করতাল লইয়া বাদ্যকরণের প্রবেশ এবং বাদ্য।  
বকে। রাসলীলা নবনলিনী, খোলকরতাল তার কাঁটা।  
সর্কে। সখীগণ সমভিব্যাহারে রাধিকা সঙ্গীত করতে করতে  
আগমন কছেন।

নেপথ্যে সঙ্গীত।

রাগিণী ধাম্বাজ, তাল একতাল।  
কি হল কাছাকে জিজ্ঞাসিব বল  
কোথা গেল শ্যাম আমারি।  
জান যদি বল আমাকে, তমাল, কোকিল,  
ওরে শুক শারি।  
হয়তো এমেকি গুণমণি,  
নাহি নিরখিয়া কুঞ্জ কমলিনী,  
ভাবিয়া চিন্তিয়া শেষে চিন্তামণি  
গিয়াছে আপনি আনিতে প্যারি।  
অসিত নিশিতে নিকুঞ্জে আসিতে  
নিশিতে মিশিল বুঝি নীলমণি।

ঘনশ্যামের, অমুমানি, ঘনশ্যামে  
বাড়িল যামিনী যৌবন যামে।  
ফিরে দাও ফিরে দাও গুণধামে  
রজনী তোমার চরণে ধরি।

রণকল্যাণীর রাধিকাবেশে. সুরবালার দ্বিতীয় বেশে এবং  
অপরূপের বাল্যগণের সখীবেশে প্রবেশ।

রণকল্যাণীর পদ্মাসনে উপবেশন।  
পদ্মাসন বেঞ্জন করিয়া সখীগণের নৃত্য।

সঙ্গীত। রাগিণী ধাম্বাজ; তাল একতাল।

কি হল কাছাকে জিজ্ঞাসিব বল—ইত্যাদি।

রাজা। রাধিকার কি চমৎকার রূপ! এমন মুখের শোভা  
আমি কখন নয়নগোচর করি নাই। বাছার নয়নযুগল যেন  
ছুটি নববিকাশিত ইন্দীবর। এ রূপরাশি লাভণ্যময়ী কমলিনী  
না জানি কোন্ ভাগ্যবানের হুহিত।

বকে। কাছাড়নিবাসী ভাট বানদেবের মেয়ে। ওরা হুজু  
এসেছে।

শশা। এমন মনোমোহিনী কমলিনী কস্মিন কালে কেহ  
দেখে নাই। আমার বোধ হয় আমাদের রাসলীলার কমলাসনে  
স্বয়ং কমলিনী বিরাজিত।

সর্কে। বাছার মুখচন্দ্রমা স্বভাবতঃ লজ্জাবনত। রক্তোৎপল-  
বিনিন্দিত ওষ্ঠাধর। সুকুমার-আভা-বিস্ফারিত-বিশাল-লোচন-  
দ্বয়ে ছুটি সন্ধ্যা তারকা শোভা পাচ্ছে। আমার বোধ হয় কমলা-  
সনে সর্বলোক ললামভূতা বিষ্ণুপ্রিয়া কমলা আবিভূতা।



প্র, পারি। কাছাড় প্রদেশে এমন অলৌকিক রূপলাবণ্য সম্পন্ন রমণী রত্নের আবির্ভাব অসম্ভব; আমার বোধ হয় জনক-নন্দিনী জানকী পদ্মসিংহাসনে উপবেশন করেছেন।

বকে। আমার বোধ হয় ব্রহ্মরাজের রাজলক্ষ্মী পরাজয়ে লজ্জা পেয়ে বিজয়ী শিখণ্ডবাহনকে সম্প্রীত করতে রাধিকার বেশে রাসলীলায় সমাগত।

রাজা। বাছার কবরীচক্রে কমলমালা, গলদেশে কমলমালা, করকমলে কমলমালা, কমলাসনে উপবেশন; আমার বোধ হয় রাইকমলিনী “কমলেকামিনী”।

সকলে। কমলে কামিনী।

সর্কে। মহারাজ অতি রমণীয় নাম দিয়েছেন—রাইকমলিনী “কমলে কামিনী”।

বকে। লীলার সময় যায়।

সুর। প্যারি! প্রেমবিলাসিনি! পীতবাস-হৃদয়াঙ্কুজবাসিনি! সাত আদরের কমলিনি! পাগলিনীর ন্যায়, মণিহারী ফণিনীর ন্যায়, যুথভ্রষ্টা হরিণীর ন্যায়, যোড়া ভাঙ্গা কপোতীর ন্যায়, বিবগ্নমনে, বিরস বদনে, জলধারাকুললোচনে, বিজন বিপিনে, একাকিনী যামিনী যাপন করতে হল।

রণ। দূতি শিখ—(লজ্জাবনত মুখী।)

সুর। শিখিপুচ্ছ চূড়া শিরে বলতে বলতে চুপ কল্যে কেন?

রণ। দূতি কৃষ্ণের চরণারবিন্দে আমি কুল দিয়েছি, মান দিয়েছি, সরম্ব দিয়েছি, স্মনাম দিয়েছি, যোবন দিয়েছি, জীবন দিয়েছি; কৃষ্ণ আমার কত যত্নের নিধি তা আমি জানি আর আমার প্রাণ জানে।

সুর। প্যারি, প্রেমময়ি, অবোধিনি! তুমি কালের মত কার্য্য

কর নাই। তুমি সাতরাজার ভাণ্ডার দিয়ে মাণিক ক্রয় কল্যে, তোমার হাতে এসে বেলে পাত্তর হল, তুমি কিনলে কোকিল, তোমার পিঞ্জরে এসে হল কাক; তুমি সাধুর মূল্য দিলে হয়ে পড়ল লম্পট। তুমি বহুমূল্য দানে রত্ন ক্রয় করবের সময় কাছাকে জানালে না, কাছাকে দেখালে না, একবার যাচাই করে নিলে না।

রণ। সখি, পরের চক্রে কি প্রেম হয়, মনোমধ্যে সন্দেহের অণুমাত্র সঞ্চার হলে কি মন বিমোহিত হয়। সখি আমার শ্যাম-সুন্দর মদনমোহন কি যাচাই করবের রত্ন? আমি দেবতাহুজ্জ্বল নবদুর্বাদলকটি যশোদাতুল্যকে নিরীক্ষণ করলেম আর আমার হৃদয় বিয়ুগ্ন হয়ে গেল, অমনি পরমানন্দ সহকারে বরমালা প্রদান কল্যেম।

সুর। প্যারি! তুমি কৃষ্ণের কুহকে পতিতা হয়েছিলে, তোমায় ইন্দ্রজালে বন্দীভূতা করেছিল, তোমার সর্বস্বধন ভুলায়ে লয়ে গিয়েছে।

রণ। সখি! ত্রিভুবননাথ চক্রপাণির কুহকচক্রে অখিল-ব্রহ্মাণ্ড বিমোহিত, আমি অবলা কুলবালা সেই চক্রপাণির কুহকে ভ্রমপ্রমাদে পতিত হব আশ্চর্য্য কি? কিন্তু সখি বলতে কি আমার ভ্রম হয় নাই, আমার সর্বস্বধনের বিনিময়ে আমি তার সহস্রগুণে ধন প্রাপ্ত হয়েছিলেম; ভুলোক, নাগলোক, গন্ধর্বলোক, দেবলোক, ব্রহ্মলোক যে পদ সহস্রবৎসর কঠোর তপস্য্য করে প্রাপ্ত হয় না, সেই পাদপদ্ম আমি বক্ষে ধারণ করেছিলেম। শ্যাম আমার অমূল্য নির্মল অরক্ষান্ত মণি, আমি হৃদয়কন্দরে যত্ন করে লুকায়ে রেখেছিলেম, চোরে হৃদয় বিদীর্ণ করে অপহরণ করেছে।

সুর। প্যারি, শ্যামসোহাগিনি! তুমি সরলতার সরোজিনী  
পীতাম্বরের প্রবঞ্চনা তোমার বিশ্বাস হয় না?

রণ। না দূতি।

সুর। নটবরের লম্পটতা তোমার বিবেচনায় অসম্ভব?

রণ। হাঁ দূতি।

সুর। যামিনীর যৌবন গত, দীপমালার আভা মলিন,  
ভাস্কুল তিক্ত, তোমার বক্ষঃস্থ কমলমালা রসহীন, কুঞ্জদ্বারে  
কোকিলি কুজনে নিশি অবসানবার্তা প্রচারিত; ক্লম্ব তবে কোথায়  
গেলেন?

রণ। জানুব কেমন করে?

সুর। শ্যামের আসার আশা কি এখন আছে?

রণ। নইলে কি আমি জীবিত থাকতেম।

সুর। প্যারি, সুখময়ি, রাজনন্দিনি, আর আশা নাই, তুমি  
শয়ন কর। তোমার নুতন প্রেম, তোমার একটি প্রেম, তাই  
আজো প্রেম প্রবাহের চোরাবালি দেখতে পাও নাই, আমরা  
বহুকাল প্রেম করিছি, পাঁচ সাতটা হয়ে গেছে, আমরা আভাসে  
সব বুঝতে পারি। তোমার মদনমোহন মদনবাণে বারমহিলা-  
কক্ষে কাত হয়ে পড়ে আছেন।

রণ। সখি সে কি সম্ভব?

সুর। তুমি যখন আমাদের মত হবে তুমি তখন এমনি করে  
নবীন বিরহিণীদের উপদেশ দেবে।

রণ। সখি আমি করি কি?

সুর। নাসিকার ধ্বনি করে নিদ্রা যাও।

রণ। সখি যার মন উচাটন তার কি নিদ্রা হয়?

সুর। রাই কিশোরি তুমি আজো প্রেমের কলিকা, কার

মুখে শুনেছ মন উচাটন হলে নিদ্রা হয় না; আমরা দেখে  
শিখিছি, ভুগে শিখিছি। বিরহিণী মুখে বলেন আহার নাই  
কিন্তু ভোজন পাত্রের পার্শ্বে দেশের ডাঁটা চিবায়ে বিক্ৰ্যাচল  
নির্মাণ করেন, মুখে বলেন নিদ্রা নাই কিন্তু নাসিকাদ্বনিতে গর্ভি-  
ণীর গর্ভপাত হয়। তুমি চেষ্টা কর নিদ্রা হবে।

রণ। সখি আমি যদি শয়ন করি অচিরে অনন্তনিদ্রায় অভি-  
ভূতা হব।

সুর। একটা গোকচরণে রাখালের জন্যে? পোড়া কপাল  
আর কি! সূর্য উদয় না হতে হতে আমি তোমায় দ্বাদশটি  
রাখাল এনে দেব, বৎসরে বৎসরে তার একটা করে গেলেও দ্বাদশ  
বৎসর কেটে যাবে।

রণ। সখি ক্লম্ব আমায় পরিত্যাগ করেছেন আর আমি এ  
প্রাণ রাখব না। ক্লম্বপ্রেমে কুল দিয়েছি এখন প্রাণ উপহার  
দিয়ে ধরাশায়িনী হই।

সুর। সে কেমন প্রকাশ করে বল দেখি।

পদ্মাসন বেষ্টন করিয়া সখীগণের নৃত্য।

সঙ্গীত। রাগিণী ঝিঝিট, তাল একতাল।

প্রাণ যায়, প্রাণ যায়, প্রাণ যায়,

প্রাণ সজনি।

ক্লম্ব কই, ক্লম্ব কই, বল সই

বিফলে গেল যে রজনী।

প্রেম পিপাসায় নাশে প্রমদায়

কি উপায় করে রমণী।



দিলেই আপনা হতে কুলে কাপী,  
জলে বাঁধলেম বাঁধ দিয়ে বালি,  
মলে যদি এসে বনমালী,  
বল শ্যাম বলে মরিল ধনী ।

স্মর । প্যারি ! ঐশ্বর্যাবলম্বন কর, মরিবার জন্য এত ব্যস্ত  
কেন, মরা ত হাত ধরা, নিশ্বাস বন্ধ করা বইত নয় । তোমার কৃষ্ণ  
আসবেন । ( নেপথ্যে বংশীধ্বনি । ) ঐ শুন মুরলীবদন মুরলী-  
ধ্বনি করে মৃত জীবনে জীবন দিতেছেন ।

কৃষ্ণ বেশে শিখণ্ডিবাহনের প্রবেশ এবং নৃত্য ।

স্মর । মদন মোহন !  
মুরলী বদন !  
বল বিবরণ  
কোথায় ছিলে ।  
বাঁধি প্রেম জালে  
কে নিশি জাগালে,  
কে বল কপালে  
সিন্দূর দিলে ।  
নরেশ নন্দিনী,  
কুলের কামিনী,

বিপিন বাসিনী  
তোমার তরে ।

বিনা দরশন,  
বিষণ্ন বদন,

ফুলেছে নয়ন

রোদন করে ।

আর নিশি নাই,

কেঁদে কেটে রাই

সুমায়েছে ভাই,

তুলনা তায় ।

নীরবে শ্রীহরি !

কর হে শ্রীহরি,

উঠিলে সুন্দরী

ঘটিবে দায় ।

শিখ । (স্মরবালার মুখাবলোকন । জনান্তিকে স্মরবালার  
প্রতি । ) স্মরবালা তুমি দূতী ?

স্মর । রাজনন্দিনী কমলিনী, তোমার দর্শনলালসায় কুঞ্জ-  
বনে পদ্মাসনে জীবমৃত্যু ।

শিখ । দূতি আমি কমলিনীর নিকটে গমন করি ।

স্মর । অনুমতি লবে না ?



দিলেম আপনা হতে কুলে কালী,  
জলে বাঁধলেম বাঁধ দিয়ে বালি,  
মলে যদি এসে বনমালী,  
বল শ্যাম বলে মরিল ধনী ।

সুর । প্যারি ! ঐশ্বর্যাবলম্বন কর, মরিবার জন্য এত ব্যস্ত  
কেন, মরা ত হাত ধরা, নিশ্বাস বন্ধ করা বইত নয় । তোমার কৃষ্ণ  
আসিবেন । ( নেপথ্যে বংশীধ্বনি । ) ঐ শুন মুরলীবদন মুরলী-  
ধ্বনি করে যত জীবনে জীবন দিতেছেন ।

কৃষ্ণ বেশে শিখণ্ডিবাহনের প্রবেশ এবং নৃত্য ।

সুর । মদন মোহন !  
মুরলী বদন !  
বল বিবরণ  
কোথায় ছিলে ।  
বাঁধি প্রেম জালে  
কে নিশি জাগালে,  
কে বল কপালে  
সিন্দূর দিলে ।  
নরেশ নন্দিনী,  
কুলের কামিনী,

বিপিন বাসিনী  
তোমার তরে ।  
বিনা দরশন,  
বিষণ্ণ বদন,  
ফুলেছে নয়ন  
রোদন করে ।  
আর নিশি নাই,  
কেঁদে কেটে রাই  
সুমায়েছে ভাই,  
তুলনা তায় ।  
নীরবে শ্রীহরি !  
কর হে শ্রীহরি,  
উঠিলে সুন্দরী  
ঘটিবে দায় ।

শিখ । (সুরবালার মুখাবলোকন । জনান্তিকে সুরবালার  
প্রতি । ) সুরবালা তুমি দূতী ?

সুর । রাজনন্দিনী কমলিনী, তোমার দর্শনলালসায় কুঞ্জ-  
বনে পদ্মাসনে জীবন্ততা ।

শিখ । দূতি আমি কমলিনীর নিকটে গমন করি ।

সুর । অনুমতি লবে না ?

শিখ। আমি অনুমতির অপেক্ষা করতে পারি না।

সুর। শনিবারের জামাইয়ের মত ব্যস্ত হলে যে। তোমার কমলিনীর নিকটে তুমি যেতে চাইলে বাধা দেবে কে? কিন্তু তাই রাগে রগুরগে আঁচড়ালে কামড়ালে আমার দায় দোষ নাই।

শিখ। দূতি, তোমার রাজনন্দিনী কমলিনীর নখরনিকরে নিশাকর বিহরে, তোমার শিরীষকুম্মকিশোরমূলভ কিশোরীর দস্ত গুলি কুন্দকলি; নখর দশনে আমার চন্দ্রিকা কুম্ম পরশন হবে।

সুর। তোমার ঔষধ আছে।

শিখ। কি ঔষধ?

সুর। হাতা পোড়া।

শিখ। ( রণকল্যাণীর সম্মুখে দণ্ডায়মান। )

প্রাণপ্যারি প্রাণেশ্বরি,

অভিমান পরিহরি,

চেয়ে দেখ দয়া করি,

ইন্দীবরনয়নে।

আমি আশা তুমি ফল,

আমি তৃষ্ণা তুমি জল,

বনমালী অবিরল

প্রেমে বাঁধা চরণে।

রণ। ● অবলার মনে,

এমন বচনে,

কেন অকারণে,

হানছে বাণ।

স্বামীর চরণ,

সতীর জীবন,

সদা আরাধন,

পাইতে ত্রাণ।

কুলের রমণী,

আইল আপনি

হৃদয়ের মণি

দেখার আশে।

শেষ উপাসনা,

অতীত যাতনা,

পূরিল বাসনা

বস না পাশে।

( পদ্মাসনে রণকল্যাণীর পার্শ্বে শিখণ্ডিবাহনের উপবেশন, সকলের করতালি। )

শিখ। (জনাস্তিত্বে।) তুমি এখানে এলে কেমন করে?

রণ। আমি তোমায় একবার দেখবের জন্যে বড় ব্যাকুল হয়েছিলেম। (মুচ্ছিত হইয়া শিখণ্ডিবাহনের অঙ্কে নিপতিত।)

শিখ। কমলিনী সত্য সত্য মুচ্ছিত হয়েছেন।

সুর। (রগকল্যাণীর নিকটে গিয়া।) দেখি।

রাজা। মেয়েটি অমন হয়ে পড়ল কেন?

সুর। ভয় নাই ওর ওরূপ হয়ে থাকে। ভাটবামনের মেয়ে, গাছতলায় রাসলীলা করা অভ্যাস, রাজসভার শোভা দেখে আমি গিয়েছে। কৃষ্ণ মহাশয়! কমলিনীকে কোলে করে নাট্যশালায় লয়ে চলুন, মুখে চকে জল দিলেই সুস্থ হবে।

রাজা। আহা বিপ্রবালা অতি সুন্দর লীলা কচ্ছিল, আর বিলম্ব কর না লয়ে যাও।

[রগকল্যাণীকে বক্ষে করিয়া শিখণ্ডিবাহনের প্রস্থান।

রাজা। বাছা তোমাদের লীলায় আমি বড় সম্প্রীত হইছি, এই মুক্তার মালা ছুঁড়া তোমাদের দুজনকে পুরস্কার দিতে ইচ্ছা করি।

সুর। মহারাজ দুঃখিনী বিপ্রকন্যাদের লীলায় সম্প্রীত হয়েছেন এই আমাদের অপৰ্য্যাপ্ত পুরস্কার, রাসলীলা আমাদের ব্যবসায় নয়, মুক্তামালাগ্রহণে অস্বীকার মার্জনা করবেন।

[সুরবালার প্রস্থান।

রাজা। এ মেয়েটি বড় মিষ্টিভাষিনী।

বক্কে। এ বেটা কোন পুরুষে বামনের মেয়ে নয়।

রাজা। কেন বক্কেস্বর?

বক্কে। বামনের মেয়ে হলে ছান্‌লা তলায় মেয়ের মায়ের স্তূত গেলার মত কোঁত করে মালা গিলতো।

রাজা। তোমার শাশুড়ী স্তূত গিলেছিলেন না স্তূত গিলেছিলেন?

বক্কে। স্তূতও না স্তূতও না।

রাজা। তবে কি?

বক্কে। কেবল কলা।

[প্রস্থান।

চতুর্থ অঙ্ক।

প্রথম গভাক। কাছাড়। মহিষীর পটমণ্ডপ।

শয্যোপরি গান্ধারী অচেতনাবস্থায় শয়ানা,  
সুশীলা আসীনা।

সুশী। মহারাজকে কখন ডাকতে বলিছি। যে ভয়ঙ্কর কথা অজ্ঞান অবস্থায় প্রকাশ কচ্ছেন আর কাহাকে ত এখানে আসতে দিতে পারি না। সত্যপ্রিয় মকরকেতন সত্য কথা বলে এ সর্বনাশ কল্যেন—“পাপীয়সীর পেটে পাপাত্মার জন্ম”—আমার মকরকেতন ত পাপাত্মা নয়। মকরকেতনের চরিত্রে আর কোন দোষ নাই, মকরকেতন এখন পূজনীয় পুণ্যাত্মা। শৈবলিনীর নাম কল্যে বলেন “সুশীলা আমি পাপ হতে মুক্ত হইছি আর পাপ কথা বলে কেন আমায় লজ্জা দাও”।

গান্ধা। পাপীয়সী—পাপীয়সী—পাপীয়সীর গর্ভে পাপাত্মার জন্ম—মহুঁরা—

সুশী। কি সর্বনাশ! বাকুরোধ হয়ে মরতেন ভালই হত! মকরকেতন যে অভিমাত্রী, যদি বুঝতে পারেন তাঁর জননী



এমন ভয়ঙ্কর পাপ করেছেন, আত্মহত্যা করবেন। মকরকেতনের মন বড় সরল, এ গরলে বিকল হয়ে যাবে।

রাজা, সমরকেতু, এবং কবিরাজের প্রবেশ।

রাজা। এ কি ভয়ানক ব্যাধি; মহিষী নিদ্রিতা কি জাগ্রতা নির্ণয় করা যায় না। মহিষীর চক্ষু কখন উন্মীলিত কখন মুকুলিত। নিদ্রিতাবস্থায় ভ্রমণ করেন, নিদ্রিতাবস্থায় জাগ্রতের ন্যায় কথা কন।

কবি। নিদানশাস্ত্রে এ ব্যাধিটা মহারোগ বলে পরিগণিত। এ এক প্রকার উৎকট মনোবিকারজন্য উন্মাদ-বিশেষ, এর লক্ষণ এইরূপ নির্দেশ করিয়াছেন,—

“চিত্রং ত্রবীতি চ মনোভুগতং বিসংজ্ঞো গায়ত্যথো  
হসতি রোদিতি চাপি মুঢ়ঃ।”

আমাদের মহিষীর ঠিক এইমত লক্ষণই অনুভব হচ্ছে। কিন্তু এরোগে প্রাণের আশঙ্কা নাই। “চিন্তামণিরস” নামক মর্হেযধ সেবনে এ রোগের আশু প্রতিকার হবে। আমি ঐযধ সংগ্রহ করে আনি।

মকরকেতনের প্রবেশ।

মক। জননী আমার এমন অচেতন হয়ে রইলেন কেন? আমার জননীর জীবনের আশা কি নাই? আমি কি মাতৃহীন হলেম। মায়ের মনে আমি বড় কষ্ট দিইচি, সেই জন্যেই মা আমার এমন শকট রোগগ্রস্ত হয়েছেন।

কবি। প্রাণের কোন আশঙ্কা নাই। “চিন্তামণিরস” সেবন

করলেই অচিরাৎ আরোগ্য লাভ করবেন। চিন্তামণিরস ঐযধ সামান্য নয়। শাস্ত্রে ইহার আশ্চর্য্য গুণ বর্ণন করেছেন।

চিন্তামণি রসো নামা মহাদেবেন কীর্তিতঃ।

অস্ম স্পর্শনমাত্রেণ সর্বরোগঃ প্রশাম্যতি।

গান্ধা। কোশল্যার রামচন্দ্র, কৈকেয়ীর ভরত, ধুনি তুই সর্বনাশী—(গান্ধারীর মুখে স্নানীলার হস্ত প্রদান।)

রাজা। বাবা মকরকেতন তুমি রাজসভায় যাও। তোমাকে বাল্যেই অনেক সম্ভ্রান্ত লোক সমাগত, কাছাড়ের অমাত্যগণ উপস্থিত, সিংহাসনে বসে তাঁহাদের সম্ভাষণ কর।

মক। আমি মাকে এক বার দেখতে এলেম।

রাজা। আমি মহিষীর কাছে আছি, তুমি রাজসভায় যাও।

[ কবিরাজ এবং মকরকেতনের প্রস্থান।

রাজা। সমরকেতু আমার বিপদের সীমা নাই। মহিষী যে সকল কথা ব্যক্ত কচ্ছেন শুনলে হৃৎকম্প হয়। মকরকেতনের যে উগ্র স্বভাব শুনলে কি সর্বনাশ করবে আমি তাই ভেবে দশ দিক শূন্য দেখ্চি।

সম। মকরকেতন কোন কথা শুনেছে?

রাজা। কথার ত শৃঙ্খলা নাই। এখানকার একটা, ওখানকার একটা। কবিরাজ বলেন যত ব্যাধি বৃদ্ধি হবে তত কথার শৃঙ্খলা হবে। মকরকেতনকে আমি এখানে থাকতে দিই না, বিশেষ আমি এখানে থাকলে সে এখানে আসে না।

সম। ধুনি দাই জীবিতা আছে?

স্নানী। ধুনি বেঁচে আছে কিন্তু তাকে অনেক দিন দেখি নি।

মহিষী তাকে বড় ভাল বাসতেন কিন্তু কয়েক বৎসর সে মহিষীর চকের বিষ হয়েছে, তাই আর রাজবাড়ী এসে না।

গান্ধা। (গাত্রোস্থান এবং ভ্রমণ।) পাপীয়সী—পাপের তাপ কি ভয়ঙ্কর—প্রাণ পুড়ে গেল—পুড়ে ভস্ম হল না। পাপের আগুন পাজার আগুনের মত গোমে গোমে জ্বলে। জল দাও, এক কলসী জল দাও, সহস্র কলসী জল দাও—আরো জ্বলে। গৌমুখী হতে গন্ধাসাগর পর্যন্ত গন্ধার বত জল আছে একেবারে চলে দাও—ও মা! ও পরমেশ্বর! পাপানল নির্বাণ হয় না আরো জ্বলে। একটা প্রাণ পোড়াতে এত আগুন—খাণ্ডবদাহনে এত আগুন হয় নি। পাপের প্রাণ পোড়ে না কেবল পরিতপ্ত হয়। জ্বলে গেল, জ্বলে গেল, প্রাণ একেবারে জ্বলে গেল। জল দাও, জল দাও—অনন্তসীমা, অতলস্পর্শ, সমুদায় শীতলসাগর শুষ্ক করে জল দাও, পাপের আগুন নেবে না। হে স্নগীতল নীলাম্বুনিধি! পাপীয়সীর পাপানলে তোমার নির্বাপিকাশক্তি তিরোহিত হল! (পর্য্যঙ্কে উপবেশন এবং রোদন।)

রাজা। গান্ধারি তুমি রোদন কর কেন?

সম। অনুতাপতপ্ত মুখ কি অপূর্ব শ্রী ধারণ করে।

গান্ধা। কোশল্যা—বড়রাণী কোশল্যা—সপত্নীদেহ—মহুরার কুমন্ত্রণা—বামাবুদ্ধি—মহারাজ মার্জ্জনা কখন। পাপীয়সীকে পদাঘাত কল্যেন—পাপীয়সী পদাঘাতের পাত্রী, বেসু করেছেন।

রাজা। সমরকেতু আমি কি করি, কোথায় যাই, আমার প্রাণ বিয়োগ হল; গান্ধারী উৎকট পাপে কলুষিতা হলেও আমার অনাদরের যোগ্য নয়। গান্ধারী আমার জীবনাধার মকরকেতনের গর্ভধারিণী। গান্ধারী যদি কোন পাপ করে থাকেন এ ভীষণ অনুতাপে তার প্রচুর প্রায়শ্চিত্ত হয়েছে।

গান্ধা। আমি তোমার কনিষ্ঠা মহিষী গান্ধারী—ও কি, এমন ভীষণ মূর্ত্তি কেন? দস্তদ্বারা অধর কাটছেন কেন? আমি তোমার আদরমাখা গান্ধারী—ও কি মহারাজ, এমন আরক্ত লোচন কেন? পাপীয়সীকে মেরে ফেলবেন—মের না, মের না, মের না—স্ত্রীহত্যা কল্যে তোমার নির্মূল করকমল কলুষিত হবে।

রাজা। আমি এ যন্ত্রণা আর দেখতে পারি না। গান্ধারি আমি তোমায় কখন বড় কথা বলি না আমি তোমায় পদাঘাত করব?

গান্ধা। মহারাজ কোথায়—আমার হৃদয় বজ্রত কোথায়—আমার দশরথ কি রাম চন্দ্রের শোকে প্রাণ ত্যাগ করেছেন। এই যে মহারাজ পাপীয়সীর প্রাণ নষ্ট করবেন বলে অসি উত্তোলন করে দাঁড়িয়ে রয়েছেন। মহারাজ, আমার মনে আর দ্বেষ নাই, আমার মনে আর হিংসা নাই, আমার হৃদয় এখন যথার্থ বামাহৃদয়, একটি স্নেহের সরোবর। যদি সাধ্যাতীত না হত আমি এই দণ্ডে তোমার রামচন্দ্রকে মাতৃ স্নেহ সহকারে কোলে করে এনে তোমার কোলে দিতাম। বড়রাণী পুণ্যবতী কোশল্যা, আমি পাপমতি কৈকেয়ী, ধুনীদাই আমার মহুরা। বড়রাণীর সদ্যোজাত রাজদণ্ড স্নেহাভিত রামচন্দ্র দেখে আমার হিংসা হল—আঃ! হুর্ণিবার হিংসা, তুমি আর স্থান পেলে না, অভাগিনীকে চিরকলঙ্কিনী করবের জন্যে এই পোড়া হৃদয়ে উদয় হলে। (বক্ষে করাঘাত।) অর্থপিশাচী ধুনী সর্বনাশী বল্যে মহারাজ স্বর্ণ কোঁটাশুদ্ধ সর্বোৎকৃষ্ট গজমতির মালা দান করেছেন। হিংসায় অন্ধ হলেম, ধুনীর কুমন্ত্রণায় মহারাজের অমূল্য নিধি, বড়রাণীর বত্রিশ নাড়ীছেঁড়া ধন, সোনার কটো শুদ্ধ বিসর্জন দিলেম। আমার কি নরকেও স্থান আছে—বড়-



রাণী আমাকে জ্যেষ্ঠা ভগিনীর মত ভাল বাসতেন, আমি এমনি ছুরাচারিণী সেই শ্বেহময়ী সহোদরার হৃদয়ে অনল জ্বলে দিলেম, দিদি আমার পুত্র শোকে সূতিকাগারে প্রাণত্যাগ কল্যেন; প্রাণেশ্বর আমার, কত কাঁদলেন, পাগলের মত হয়ে কত দিন গিয়ে দেশান্তরে রইলেন।

সম। ধুনীকে এখনই আনতে হবে।

গান্ধা। প্রাণকান্তের কান্না দেখে আমার প্রাণ কেটে গেল। বাড়ী অন্ধকারময়। গর্ভিতা গান্ধারীর অহঙ্কার চূর্ণ—পাপের প্রায়শ্চিত্ত আরম্ভ হল, আমি মণিপুর মহারাজের প্রিয়া মহিষী, স্বর্ণ পর্য্যঙ্কে অবস্থান; মলিন বেশে, দীননেত্রে কাঁদিতে কাঁদিতে ধুনী দাইয়ের পর্ণ কুটারে গেলেম, ধুনী দাইয়ের পায়-ধরে কান্ধালিনীর মত কাঁদতে লাগলেম। বল্যেম ধুনি! মহারাজের জীবনাধার নব শিশু কোথায় রেখে এলি। ধুনী বল্যে বিন্দু সরোবরে। তার সঙ্গে বিন্দু সরোবরে গেলেম, কত খুঁজলেম বাছাকে পেলেম না। ধুনী বল্যে রাখিবামাত্র কে তুলে নিয়ে গিয়েছে।

রাজা। হরত আমার প্রাণ পুত্র অগ্যাপি জীবিত আছেন।

গান্ধা। সেনাপতি সমরকেতু ধুনীর মস্তক ছেদন কচ্চেন, মহারাজ বারণ করণ। অগ্যপ্রাণী দাইয়ের মেয়ে ওর অপরাধ কি। পাপীয়সী রাজমহিষী গান্ধারীকে বধ করতে বলুন। মের না, মের না, মের না, সাত দোহাই সেনাপতি! ধুনীকে বধ কর না, আমার মকরকেতনের অমঙ্গল হবে। মকরকেতনকে যে দিন কোলে কল্যেম সেই দিন বুঝতে পাল্যেম বড়রাণী কেন সূতিকাগারে প্রাণ ত্যাগ কল্যেন।

সুশী। বাবা ধুনীকে মারবেন্ না। তাকে মায়ে আমাদের অমঙ্গল হবে।

রাজা। মা তুমি কেঁদনা আমরা ধুনীকে কিছু বলব না।

গান্ধা। (কর যোড়ে।) বাবা রাম চন্দ্র! বাবা রঘুনাথ! বাবা শিখণ্ডিবাহন! আমার প্রাণ কান্তের প্রাণ পুত্র শিখণ্ডিবাহন! তুমি দুর্ভদ্রশাননকে নষ্ট করে সিংহাসনে উপবেশন করেছ; আমার হৃদয় আনন্দে পরিপূর্ণ—বিমাতার কথা বিশ্বাস হয় না—ছুরি দাও, আমি হৃদয় চিরে দেখাচ্ছি। (বক্ষে নখাঘাত।) শিখণ্ডিবাহন! তুমি আমার বুকু জুড়ানে ধন, বাবা তোমার মা নাই আমি আর কি তোমার বিমাতা হতে পারি? বাবা অভাগিনীকে একবার চাঁদমুখে মা বলে ডাক আমি পাপ হতে মুক্ত হই। ভয় কি যাহু তুমি আমার নির্ভয়ে মা বলে ডাক। আহা! হা! প্রাণ কেটে যায়, কেন এমন দুর্ভতি হয়েছিল—বাবা! তুমি অখিল ব্রহ্মাণ্ডের স্বামী বিষ্ণু অবতার, কেন হতভাগিনীকে চিরকলঙ্কিনী কল্যে।

সম। শিখণ্ডিবাহন কোথায়?

রাজা। জয়ন্তী পর্বতে বামজঙ্ঘা দর্শন করতে গিয়েছেন।

গান্ধা। মহারাজকে ডাক। (দণ্ডায়মানা!) মহারাজ, আর কেঁদনা, আমি তোমার হারানিধি কুড়ায়ে পেইচি, বিন্দু সরোবরে পড়ে ছিল, কোলে করে এনিচি, মায়ের মত কোলে করে এনিচি। মহারাজ একবার কোলে কর, মণিপুর সিংহাসনে বসাও। তোমার খোকার গলায় গজমতি মালা কেমন সুন্দর দেখাচ্ছে। ঐ দেখ কপালে রাজদণ্ড। শিখণ্ডিবাহনের কপালে রাজদণ্ড। বরণ করতে দেখতে পেলেম। মহারাজ আমি মুক্তকণ্ঠে বল্চি শিখণ্ডিবাহন তোমার বড়রাণীর গর্ভজাত সেই অমূল্য মাণিক।



রাজা। সমরকেতু! শিখণ্ডিবাহনকে আলিঙ্গন করবের জন্য আমার প্রাণ পাগল হল।

সম। আলিঙ্গনের সময় না হলে আলিঙ্গন করতে পারেন না। এটি সাধারণ ব্যাপার নয়।

গান্ধা। আহা মরি কি অপূর্ব শোভাই হয়েছে! শিখণ্ডিবাহন রামচন্দ্রের ন্যায় সিংহাসনে উপবেশন করেছেন, আমার মকরকেতন ভরতের ন্যায় রাজ হ্রদ ধরে দণ্ডায়মান। বাবা শিখণ্ডিবাহন তোমার কাছে আমার এক ভিক্ষা, তুমি আমার মকরকেতনকে পাণ্ডীসীর গর্ভজাত বলে ঘৃণা কর না। মকরকেতনকে তুমি কনিষ্ঠ সহোদরের মত ভাল বাসতে, এখন মকরকেতন তোমার সত্য সত্য কনিষ্ঠ সহোদর। পাণ্ডীসীর পেটে পাণ্ডার জন্ম হয় নি, পুণ্ডার জন্ম হয়েছে, মকরকেতন বল্যেন “মা আমি তোমার মত হিংস্রটে নই আমি বাবার মত সরল”। আমার মকরকেতন কোথায়, মকরকেতনকে ডেকে আনি। (পর্যঙ্কে শয়ন এবং নিদ্রা।)

সুশী। এই নিদ্রা ভাংলেই সহজ হবেন, ব্যাধির কোন চিহ্ন থাকবে না।

রাজা। আশ্চর্য্য পীড়া। এ পীড়ার ঔষধ কি?

সম। এ পীড়ার ঔষধ অনুতাপ।

[ রাজা এবং সমর কেতুর প্রস্থান। যবনিকা পতন।

দ্বিতীয় গর্তীক। কাছাড়, রণকল্যাণীর অধ্যয়ন কক্ষ।

নীরদকেশী এবং সুরবালার প্রবেশ।

নীর। এর নাম ছান্‌লা তলা পার, এত বিয়ে নয়। রাজার মেয়ের বিয়ে কত বাজি হবে, কত বাজনা হবে, নৃত্য গীত হবে,

তেল সন্দেশ খাল ঘড়া বস্ত্রালঙ্কার বিতরণ হবে, ও মা কিছুই না।

সুর। এত বিয়ে নয়, কেবল দুই হাত এক করা। মহারাজ বলেছেন শিখণ্ডিবাহনকে সঙ্গে করে ব্রহ্মদেশে নিয়ে যাবেন, সেখানে গিয়ে সমারোহ করবেন।

নীর। সেখানে গিয়ে বিয়ে দিলেই হত।

সুর। রণকল্যাণী যে প্রাণত্যাগ করে। রাসলীলায় শিখণ্ডিবাহনের বক্ষে উঠে পাগল হয়ে গেল। শিখণ্ডিবাহন কুসুমকানন পর্যন্ত আমাদের সঙ্গে এলেন, কানন দ্বারে রণকল্যাণী শিখণ্ডিবাহনের গলাধরে কাঁদতে লাগল, বল্যে তোমায় ছেড়ে দেব না; শিখণ্ডিবাহন বারবার মুখ চুম্বন কল্যেন, বারবার আলিঙ্গন কল্যেন, কত সান্ত্বনা কল্যেন তবে শিবিরে ফিরে গেলেন। শিখণ্ডিবাহনের হৃদয় ভাই স্নেহের সাগর।

নীর। শিখণ্ডিবাহন স্বর্গের ইন্দ্র। আমি তার কথা বলচি। আমি তাড়াতাড়ি বিয়ের কথা বলচি।

সুর। রণকল্যাণী শয্যায় শয়ন করে রোদন কর্তে লাগল, বল্যে “সুরবালা আমি শিখণ্ডিবাহনকে না দেখে থাকতে পারি না।” আমি মহিষীর কাছে সকল কথা বল্যেম, মহিষী আমায় সঙ্গে করে রাজার কাছে নিয়ে গেলেন, রাজা শুনে আনন্দ সাগরে ভাসতে লাগলেন, বল্যেন “বিষ্ণু প্রিয়ে আজ আমার জীবন সার্থক, অমন বীরকুল কেশরী কন্দর্পকান্তি শিখণ্ডিবাহন আমার জামাতা হলেন”। মহারাজ আমার কাছে শিখণ্ডিবাহনের মস্তকে কমল মালা নিক্ষেপ করা অবধি কুসুমকাননের দ্বারে শিখণ্ডিবাহনের বিদায় পর্যন্ত আদ্যোপান্ত সমস্ত বৃত্তান্ত আনন্দ প্রফুল্ল মুখে শ্রবণ কল্যেন। মণিপুরেশ্বর রণকল্যাণীকে “কমলেকামিনী” বলেছেন বলে মহিষীর বা কত হাসি, মহারাজের বা কত হাসি।

গান্ধার্ক বিবাহের অনুমতি দিলেন । আমি ষটক ঠাকুরগের বেশে শিবিরে গিয়ে শিখণ্ডিবাহনকে নিয়ে এলেম, কুম্ভ কাননে শুভ বিবাহ সুসম্পন্ন হয়ে গেল ।

নীর । বরকনে কোথায় ?

সুর । কুম্ভ কাননে । রণকল্যাণী আঙ্লাদে ফুলে দশটা হয়েছে, শিখণ্ডিবাহনকে পদ্মবন, তমালবন, নিধুবন, লতা কুঞ্জ, প্রভ্রবণ রাজি, হিমসরোবর, মনঃসরোবর, রাজহংস, কলহংস, নীল মৎস্য, পীত মৎস্য, দেখিয়ে নিয়ে বেড়াচ্ছে ।

নীর । আহা ! মনের মত স্বামী হওয়ার চাইতে রমণীর আর সুখ কি । রণকল্যাণী ভাগ্যবতী তাই এত রাজপুত্র ত্যাগ করে ছিল । রণকল্যাণীর সুখের জন্যেই এমন ভয়ঙ্কর যুদ্ধ উপস্থিত হয়েছিল ।

সুর । রণকল্যাণীর যেমন মা তেমনি বাপ । লোকে শিখণ্ডিবাহনকে জারজ বলে । মহারাজ বলেন জারজ হউক আর নাই হউক তা আমার জানিবার প্রয়োজন নাই, শিখণ্ডিবাহন সুপাত্র, রণকল্যাণী শিখণ্ডিবাহনকে ভাল বাসে, এই পর্য্যন্ত আমার জানা আবশ্যিক ।

নীর । শিখণ্ডিবাহনকে কাছাড়ের রাজা করবেন ?

সুর । তার আর সন্দেহ আছে । সৈন্য সামন্ত সব ব্রহ্মদেশে পাঠিয়ে দিলেন ।

রণকল্যাণীর প্রবেশ ।

সুর । একা যে ?

নীর । শিখণ্ডিবাহন কোথায় ?

সুর । কুম্ভকাননে মাধবীলতা কেড়ে নিয়েছে ।

রণ । সুরবালা আর কি সেভয় আছে, পরিণয় শৃঙ্খল পায়

দেইচি, যখন মনে করব শেকল ধরে টানব আর ছদয়ে এসে বিরাজ করবে ।

সুর । শেকল ধরে না কি খেলায় ?

রণ । ইচ্ছে কল্যে তাও পারি ।

নীর । বালাই অমন কথা কি বলতে আছে, স্বামী যে গুৰুলোক ।

সুর । স্বামীকে গুৰুলোক বলেই কেমন যেন সার্ভোম মহাশয় সার্ভোম মহাশয় বোধ হয় ; লম্বোদর, নামাবলিতে গাত্রাচ্ছাদন, আর্ককলালকৃত মস্তক, কোশা কুশি নিয়ে বিব্রত, তিথি নক্ষত্র দেখে মেগের কাছে আসছেন ; অমন স্বামীর পোড়া কপাল ।

রণ । তুমি কেমন স্বামী চাও ?

সুর । লড়ায়ে ম্যাড়ার মত । নেচে কুঁদে বেড়াবে, তুড়ি দিলেম খপু করে গায় এসে পড়ল, তার সময় অসময় নাই ।

রণ । সুরবালা শূরবীর । তুই তাই একটা লড়ায়ে ম্যাড়া ধরে স্বামী করিস । নীরদকেশীর মতে আমার মত, স্বামী গুৰুলোক ।

সুর । দেখ দিদি ভক্তিতাও সাবধান যেন গোকর গায় পা লাগেনা হাঙ্গা করে ডেকে উঠবে ।

রণ । তোমার পোড়ার মুখ । ( সুরবালার অলকা ধরিয়া টানন । )

সুর । ও কি তাই অলকাপহরণ কেন ?

রণ । গোক বাঁধা দড়া করব ।

সুর । ঘোবনের গামলা পূর্ণ থাকলে গোক বাঁধতে হয় না ।

রণ । ঘোবন কি বিচালি ?

সুর । স্বামী যেমন গোক লোক ।

নীর । শিখণ্ডিবাহন কোথায় গেলেন ।



রণ। বাবার কাছে বসে গল্প কচ্চেন। বাবার আনন্দের সীমা নাই! মাকে বলচেন আর ছোটরাগীকে তিরস্কার কর না, ছোটরাগীর কল্যাণে যুদ্ধ হল, যুদ্ধের কল্যাণে এমন সোনার চাঁদ জামাই পেলে। মা বলেন সপত্নী আমার সর্বমঙ্গলা।

নীর। যুদ্ধ না হলে রণকল্যাণী চিরকাল আইবুড় থাকত।

রণ। সুরবালা আমার সে কথা তোর মনে আছে?

সুর। তোমার কথা না আমার কথা।

রণ। তোমার কথা আমার কথা এক কথা, তোমায় আমার ভিন্ন কি? এক জীবন এক অধ্যয়ন এক শয়ন।

সুর। এক স্বামী।

রণ। ছুঁ পোড়া কপালী।

সুর। সুরবালা সকল বিষয়ে এক কেবল স্বামীর বেলায় সতীন।

রণ। শিখণ্ডিবাহন এখনি আসবে।

সুর। আমি এখনি আসব।

[ সুরবালার প্রস্থান।

নীর। তোমার সঙ্গে শিখণ্ডিবাহনের বিয়ে হয়েছে বলে সুরবালা আঙ্লান্দে গলে পড়্চে।

রণ। সুরবালা আঙ্লান্দে আট্‌চালা! সুরবালা না থাকলে আমি মরে যেতাম। সেনাপতির পুত্রের সঙ্গে সুরবালার বিয়ে দেব, ও তাকে বড় ভাল বাসে।

নীর। বড় সুন্দর ছেলে, মহারাজ তাকে পুত্রের মত মেহ করেন।

শিখণ্ডিবাহনের প্রবেশ।

বস ভাই এই সিংহাসনে বস তোমার বামপাশে রণকল্যাণীকে বসিয়ে দিই, যুগল রূপ দেখে নয়ন সার্থক করি। (শিখণ্ডিবাহন এবং রণকল্যাণীর সিংহাসনে উপবেশন।)

শিখ। সুরবালা কই?

রণ। (শিখণ্ডিবাহনের কুস্তল শিথিল করিয়া দিতে দিতে।) সুরবালার জন্যে দিশে হারা হলে দেখ্‌চি যে।

শিখ। সুরবালা সুরধুর হাসিনী, মকরন্দ ভাষিনী, সুরবালাকে দেখলে আমার বড় আনন্দ হয়।

নীর। রণকল্যাণীকে দেখলে তোমার আনন্দ হয় না?

শিখ। রণকল্যাণীকে আর ত আমি দেখতে পাই না। রণকল্যাণী আর শিখণ্ডিবাহন একাদ্ব হয়ে গৌরান্দ মহাপ্রভু হয়েছে।

রণ। তোমায় আমি ব্রহ্মদেশে নিয়ে যাব।

শিখ। বরের বাড়ী কনে যায় না কনের বাড়ী বর যায়।

নীর। আমি পাণ আনি।

[ নীরদকেশীর প্রস্থান।

রণ। (শিখণ্ডিবাহনের স্কন্ধে মুখ রাখিয়া।) যাবে ত, যাবে ত। আমি বাবাকে বলিচি শিখণ্ডিবাহনকে ব্রহ্মদেশে নিয়ে যেতে হবে।

শিখ। তুমি কাছাড়ের নবাভিষিক্তা নুতন রাজ্ঞী, রাজ্য বিশৃঙ্খল, এ সময় কি রাজ্যেশ্বরীর উচিত রাজ্য ছেড়ে যাওয়া।

রণ। আমায় তুমি সঙ্গে করে নিয়ে এস।

শিখ। মহারাজ ও তাই বলছিলেন।

রণ। তবে যাবে, বল, বল, বল।



শিখ। তুমি আবার ইন্দীবরাকী রাজলক্ষ্মী তোমার  
কথায় কি আশি না বলতে পারি। (নয়নচূষন।)

রণ। কাকে সঙ্গে নে যাবে?

শিখ। মকরকেতনকে।

রণ। আর সুশীলাকে। সুশীলার বড় শাস্তস্বভাব,  
সুশীলাকে আমি বুকে করে রাখব।

শিখ। মহারাজ সুশীলাকে বোধ হয় যেতে দেবেন না।

রণ। আমি মহারাজের কাছে বিনয় করে বলব মহারাজ  
তোমার দুঃখিনী “কমলে কামিনী” অমূল্য সুভামালা গ্রহণ করে  
নাই, সেই দুঃখিনী “কমলে কামিনী” এখন ভিক্ষা চাচ্ছে ভগিনী  
সুশীলাকে কিছু দিনের জন্যে “কমলে কামিনীর” আরাধ্যা  
সঙ্গিনী হতে দেন।

শিখ। “কমলে কামিনী” যদি এমন মধুর বচনে ভিক্ষা  
চান, কেবল সুশীলা কেন মহারাজ সর্বস্ব দিতে পারেন।

রণ। তবে স্থির হল, সুশীলা যাবে। বড় আনন্দ হবে।  
সুশীলাকে আমার শ্বেতহস্তী দেখাব, সে বড় শাস্ত হাতি, সুশীলা  
শ্বেতহস্তীর গায় হাত বুলাবে। তুমিও কখন শ্বেতহস্তী দেখনি,  
তোমাকেও আমি শ্বেতহস্তীর কাছে নিয়ে যাব। ব্রহ্মদেশে  
যেমন পুষ্প আছে এমন আর কোন দেশে নাই। সুশীলাকে  
কাঞ্চন টগর দেখাব, কন্দর্প চাঁপা দেখাব, স্থল পদ্ম দেখাব, শ্বেত  
পদ্ম দেখাব, নীলপদ্ম দেখাব।

শিখ। নীল পদ্ম এখানে আছে।

রণ। তোমার কাছাড়ে আর নীল পদ্ম হতে হয় না।

শিখ। তবে এ দুটি কি? (অঙ্গুষ্ঠদ্বয় দ্বারা রণকল্যাণীর  
নয়নদ্বয় ধারণ।)

রণ। ও বার নীল পদ্ম তার নীলপদ্ম, মকলের নয়।

শিখ। (দুই হস্তে রণকল্যাণীর কপোলযুগল ধারণ করিয়া  
নয়ন নিরীক্ষণ।) না প্রাণেশ্বর, তোমার নয়ন প্রকৃত নীলপদ্ম।

রণ। কবির নীল পদ্ম, প্রাণেশ্বর নীলপদ্ম, আমার শিখণ্ডি-  
বাহনের নীলপদ্ম; হয় ত মকরকেতনের বেগুণ ফুল।

শিখ। মকরকেতন কি অন্ধ।

রণ। তা নইলে শৈবলিনীর সঙ্গে সুশীলার বিনিময় হয়।

শিখ। মকরকেতনের চরিত্রে আর কোন দোষ নাই, সুশীলা  
এখন পরম সুখী।

রণ। তুমি আমাদের বউ দেখলে না?

শিখ। আমিও আর তোমাদের বয়ের প্রাণকান্ত নই যে  
আপনি গিয়ে ঘোঁড়া খুলব।

রণ। বউটি আমাদের বড় শাস্ত, এমন লজ্জাশীলা বোল  
বৎসর বয়েস হয়েছে আজ পর্যন্ত কেউ মুখ দেখতে পায় নি।

শিখ। কার বউ।

রণ। আমার খুড়তুত ভেয়ের বউ।

শিখ। তবে আমার করণীয় ঘর।

রণ। বুকখান যে পাঁচ হাত হয়ে ফুলে উঠল।

সুর বালা এবং নীরদকেশীর বউ লইয়া প্রবেশ।

সুর। ওকি ভাই আসতে চায়, কত খুন্সুড়ি কর্তে লাগল,  
বলে আমি পোয়াতি মানুষ, নন্দারের স্নমুখে যেতে পারব না,  
আবার বলে আমার ফুল নাই নন্দাই দেখে হাসবেন, আমার  
হাত দুখানা আঁচড়ে ফালা ফালা করে দিয়েছে—মহিষী কত  
ভৎসনা কল্যেন তবে এল।

রণ। কি দিয়ে বউ দেখবে?

শিখ। আমার গলার এই মুক্তামালা। (গলদেশ হইতে মুক্তামালা মোচন করিয়া হস্তে ধারণ।)

রণ। মুখ দেখাওনা?

সুর। আমাদের বড় ভাজ তোমার প্রণাম করা উচিত।

শিখ। শালাজ ছোটই কি আর বড়ই কি, প্রণামের পাত্রী। (প্রণাম।)

সুর। তবে চন্দনবিলাসীর চাঁদবদন খানি খুলে দিই। (অবগুণ্ঠন মোচন, সকলের হাস্য।)

শিখ। এ যে অশীবহরের বুড়ী। আঃ পোড়ার মুখ আবার জিব মেলয়ে রয়েছেন, পাকাচুলে শিঁতি পরেছেন, তোমাদের দিকির বউটি।

সুর। আর ভাই বড় হকু হাবড়া হকু দাদার কোল জোড়া হয়ে শুয়ে থাকে ত।

শিখ। দস্তুর নক্কে বহুকাল বিচ্ছেদ হয়েছে। কাদের বুড়ী?

সুর। যার খেয়েছ তালের মুড়ী।

রণ। বাবার খুড়ী আমাদের দিদি মা।

নীর। বউ দেখলে মুক্তার মালা দাও।

শিখ। তোমরা দিদি মাকে যে রত্নহারে বিভূষিতা করে এনেচ আমার এ মালা দিতে লজ্জা বোধ হয়।

সুর। তুমিত আর মালা বদল কচ্চনা।

শিখ। তোমার দাদার বউ হলে কত্বেম।

বউ। হ্যাঁলা রলকললি তোর এ কেমল বিয়ে?

রণ। দিদি মা আমার ওহু ছুঁড়ি তোর বিয়ে।

বউ। তারি মতল ত দেখ্চি। তুই আমার বীরভূমলের

একটি মেয়ে, কত বাজলা গাওলা হবে, লগরময় লবদ বসবে, ও মা কোল ঘট হলালা।

রণ। দিদি মা খুব ঘট হয়েছে।

বউ। কিসের ঘট?

রণ। হাসির ঘট।

বউ। সে কথা বড় মিথ্যা লা। তুই মলের মত লাগর পেয়ে আজ ছুদিল হেসে রাজধানীটে হাস্যালব করে ফেলিচিস।

রণ। দিদি মা তোমার নাৎজামায়ের কাছে বস।

সুর। দিদি মা বরের কোলে মিতবর ছিল না বলে নীরদ-কেশী বড় দুঃখ করেছে তুমি বরের কোলে বসে নীরদের দুঃখ নিবারণ কর।

বউ। নীরদ আমার বড় লত্রে, যত লক্ট সুরবালা আর রল-কললী, লাৎজামাই তুমি লবীল দলতে দুই শালীর লাক কাল কেটে লাও।

রণ। দিদি মা তুমি এক বার তোমার নাৎজামায়ের কোলে বস, আমার নয়ন সার্থক হক।

বউ। তোর লবকাল তের লবীল বয়েস ও কি আমার ভর সহিতে পারবে?

সুর। দিদি মা তোমাতে আর আছে কি কখন গোহাড় বহিত নয়। এস এক বার মিতবর হয়ে বস। (সুরবালা এবং রণকল্যাণী বউকে ধরিয়া শিখণ্ডিবাহনের অঙ্কে প্রদান।)

বউ। হল ত তোদের লয়ল ত জুড়াল। (সিংহাসনে উপবেশন) লাৎজামায়ের লামটি বড় লতুল, শিখল্লিবাহল। (শিখণ্ডিবাহনের চিবুক ধরিয়া) আমার রলকললীর শিখল্লিবাহল।



শিখ। দিদিমানটা কি তোমার নাগরের নাম তাই ধরে পার না?  
বউ। না তা আমার লাভজামাই, আমার রলকললী রবীল  
নাগর। আহা মুখে থাক, লবোটা রালী নিয়ে অললত কাল  
রাজ্য কর। রলকললী বড়রালীর বড় হুংখের ধল, তেমনি জামাই  
হয়েছে। বীরভূষণের আললদের সীমা লাই।

রণ। দিদিমা শিখণ্ডিবাহনের সঙ্গে একটু রসিকতা কর, তা  
নইলে আমি কাঁদব।

বউ। লাভ জামাই?

শিখ। কি বলচ দিদি মা?

বউ। রলকললীকে দিলে কি?

শিখ। মূল হতে আগা পর্যন্ত সমুদায় প্রাপটা।

বউ। রত্নভূষণ?

শিখ। রত্নভূষণের অভাব কি?

বউ। সাদায়ে লৌকা ছলি,  
বাখরগল্জে চাল ভরলি,  
করব মহাজলি,  
আলব গদমুক্ত কিলি,  
দিব লাকে করবে ধল মল,  
প্পাল্ আর হুটো মাস থাক।

শিখ। দিদি মা যে জোর করে প্পাল্ বলেন আমি ত  
তাই চমকে উঠিছি।

সুর। বুঝতে পেরেছ?

শিখ। কতক কতক।

সুর। সাজিয়ে নৌকা ছলি,  
বাখরগল্জে চাল ভরলি,  
করব মহাজলি,  
আলব গজ মুক্তা কিলি,  
দিব লাকে করবে ধল মল  
প্রাণ্ আর হুটো মাস থাক।

বউ। বসলত অশালত,  
বিলা প্পাল কালত  
একালত প্পালালত  
লিতালত মরি।  
বিরহ মলিল,  
বসলতে বাড়িল,  
ডুবিল ডুবিল  
যৌবলত্তরি।

সুর। দিদি মা পঞ্চবাণের শ্লোকটা বলবে কি?

রণ। না দিদি মা সে শ্লোক বলে কাজ নাই।

শিখ। কল্যাণ আমায় এখনি যেতে হবে।

রণ। তুমি আমার রণ ছেড়ে দিলে বুঝি।

শিখ। তুমি আমার কেবল কল্যাণ।

সুর। রণকল্যাণি তুমি শিখণ্ডি ছেড়ে দিয়ে শিখণ্ডিবাহনকে  
বাহন কর।



শিখ। আমি কল্যাণের বাহন ত হইচি।

সুর। অকল্যাণ কর কেন ভাই, তোমায় কি আমার রণ-  
কল্যাণীর বাহন হতে দিতে পারি।

শিখ। আমি কল্যাণের বাহন ভিন্ন আর কারো বাহন হতে পারি না।

সুর। তুমি দেবাদিদেব মহাদেবের বাহন।

নীর। তোমার মুখে আঙণ, কথার শ্রী দেখ।

শিখ। সুরবালা সামান্য শালী নয়।

সুর। এখন আমাকে অনেক শালা শালী বলবে।

শিখ। কেন ?

সুর। রণকল্যাণী দশদিকে শিখণ্ডিবাহন দেখতে।

নীর। কেন দিদি কাঁদ কেন ?

রণ। আমি শিখণ্ডিবাহনকে না দেখলে দশ দিক অন্ধকার  
দেখি। (মুখে অঞ্চল দিয়া রোদন।)

সুর। শিখণ্ডিবাহন তুমি বেও না। (রোদন।) রণকল্যাণী  
এখনি পাংগল হবে, আমি তাকে শাস্ত কর্তে পারব না।

রণ। (সুরবালার গলা ধরিয়া।) সুরবালা আমার বড়  
সাথের শিখণ্ডিবাহন—আমি ছেড়ে দিয়ে কেমন করে থাকুব—  
আমার ঘর এখনি অন্ধকার হবে।

সুর। চুপ কর দিদি, শিখণ্ডিবাহন আবার আসবেন—আর  
কেঁদনা দিদি—তুমি কেঁদে শিখণ্ডিবাহনকে কাঁদালে।

শিখ। সুরবালা প্রণয় কি কোমল, সৈনিকের কঠিন চক্ষে  
জল আনলে—

রণ। (শিখণ্ডিবাহনের গলা ধরিয়া।) কবে আসবে—  
তোমার কল্যাণ মরে রইল, তুমি এলে জীবিতা হবে।

শিখ। কল্যাণ, তুমি আমার প্রাণের কল্যাণ, তুমি আমার

জীবনযাত্রার কল্যাণ। (মুখচুম্বন।) তুমি আর কেঁদ না  
কল্যাণ, আমি যদি মহারাজকে বলতে পারি আমি কালই আসব।

সুর। মহারাজ বিবাহের কথা প্রকাশ কর্তে বারণ করে-  
ছেন। তিনি বলেছেন মণিপুর মহারাজ যখন তোমাকে কাছাড়  
সিংহাসনে বসাবেন সেই সময় বিবাহের কথা প্রকাশ করবেন।

শিখ। আমার সে কথা স্মরণ আছে। বিবাহের কথা  
প্রকাশ হবার সম্ভাবনা নাই; মহারাজ জানেন আমি জয়ন্তী  
পর্বতে বামজজ্ঞা দর্শন কর্তে এসিচি।

বউ। লাতজমাই বাম জম্বু দেখলে ভাল, শিখল্লিবাহনের  
দর্শনে পব্শলে মুক্তি।

শিখ। সুরবালার হাস্যমুখখানি চিকণ মেঘাবৃত শশধরের  
ন্যায় শোভা পাচ্ছে।

সুর। আর ভাই, তোমার যাওয়ার কথা শুনে আমার প্রাণ  
উড়ে গিয়েছে। রণকল্যাণীর কাঁচা প্রাণ তোমার অদর্শন  
একটুকু সহ্য কর্তে পারে না। পাঁচ বছরের বালিকার মত অরুণ,  
বুঝলে বুঝবে না, নাবে না, শোবে না, ঘুমাবে না, কেবল বসে  
কাঁদবে।

শিখ। কল্যাণ আমার পাছে অসুস্থ হন।

রণ। না শিখণ্ডিবাহন সুরবালা বাড়িয়ে বলতে।

[প্রস্থান।

তৃতীয় গর্ভাঙ্ক। কাছাড়। মণিপুর মহারাজের শিবির।

রাজা, এবং সমর কেতুর প্রবেশ।

রাজা। কবিরাজ মহাশয়ের আশ্চর্য্য ঔষধ। অদ্য মহিষী

একবারও মুর্ছিতা হন নি; মহিষী সম্যক্ সুস্থ হয়েছেন। পরমানন্দে মকরকেতনের ছেলেটি লয়ে খেলা কচ্চেন। সে সকল কথাই চিহ্নও নাই। সে সকল কথা যে বলেছেন তাও তাঁর কিছুমাত্র স্মরণ নাই।

সম। পরম সুখের বিষয়।

রাজা। শাস্তিরক্ষককে কি লিখেছ।

সম। ধূনী দাইকে ধৃত করে তার নিকট হতে আদ্যোপান্ত সমুদায় বৃত্তান্ত লিপিবদ্ধ করে লয় এবং সে সমুদায় অবিলম্বে আমার নিকটে অবিকল প্রেরণ করে, কেবল ছোট রাণীর স্থানে নষ্টলোক লেখে।

রাজা। তাতে অন্য লোকের চক্ষে ধূলা দেওয়া অসম্ভব নয়, অন্যলোকের চক্ষে ধূলা না দিতে পাল্যেও ক্ষতি নাই, কিন্তু তাতে কি আমার সত্যপ্রিয় মকরকেতনের চক্ষে ধূলা দেওয়া যাবে।

সম। চেষ্টাকরা যাক্ যত ছুর সকল হওয়া যায়। মকরকেতন শিখণ্ডিবাহনকে জ্যেষ্ঠ ভ্রাতার মত ভক্তি করে শিখণ্ডিবাহন তার ষপার্থ জ্যেষ্ঠ ভ্রাতা যদি প্রমাণ হয় সে আনন্দে উন্মত্ত হবে; অন্য কোন বিষয় আন্দোলন করবে না।

রাজা। শিখণ্ডিবাহন মকরকেতনকে কনিষ্ঠ সহোদরের মত স্নেহ করে, সতত মকরকেতনের মঙ্গলাকাজ্জী। কিন্তু মকরকেতনের উদ্ধৃত স্বভাব, যদি সূচ্যগ্রে তার গর্ভধারিণীর কোন দোষ গুণতে পায় সর্বনাশ করবে।

সম। মহারাজ নির্ভয়ে থাকুন। আমি মকরকেতনের স্বভাব বিশেষ রূপে পরিজ্ঞাত। সে পৃথিবীর কাহাকেও মানে না কিন্তু শিখণ্ডিবাহনকে পূজাকরে। শিখণ্ডিবাহন অনুরোধ কল্যে সে

নিজ মস্তক হেদন কর্তে পারে। শিখণ্ডিবাহনের স্নেহবাক্যে মকরকেতনের ঔদ্ধত্য সমতা প্রাপ্ত হবে।

রাজা। ত্রিপুরা ঠাকুরাণী কবে আসবেন?

সম। ত্রিপুরা ঠাকুরাণীকে আমি কল্য প্রাতে মহারাজের সমক্ষে উপস্থিত করব।

রাজা। শাস্তিরক্ষকের লিপি কবে প্রত্যাশা করেন?

সম। প্রত্যেক মুহূর্তে।

রাজা। শিখণ্ডিবাহন আমার পাটরাণীর গর্ভজাত প্রাণপুত্র যদি প্রমাণ হয়, আমার সুখের পরিদীপা নাই। আমি কাছাড় সিংহাসন শিখণ্ডিবাহনকে দিলাম, মণিপুর সিংহাসন মকরকেতনকে দিয়ে আমি রাজকার্য্য হতে অবসর হব।

সম। ব্রহ্মাধিপতির অভিসন্ধি কিছু বুঝতে পাচ্ছি না। তাঁর সমুদায় সেনা ব্রহ্মদেশে প্রতিগমন করেছে, তিনি এক প্রকার একা আছেন।

রাজা। সন্ধিকরা হয় বোধ হয় তাঁর স্থির সংকল্প।

শশাঙ্কশেখর সর্বেশ্বর সার্বভৌম শিখণ্ডিবাহন  
বকেশ্বর এবং পারিষদগণের প্রবেশ  
এবং উপবেশন।

শশা। মহারাজ এক খানি লিপি প্রাপ্ত হলেম।

রাজা। শাস্তিরক্ষকের?

শশা। আজ্ঞে না। ব্রহ্মদেশাধিপতি এই লিপি লিখেছেন।

রাজা। পাঠ কর।

শশা। (লিপি পাঠ।)



প্রণয়সরোবরপবিত্রপঙ্কজ, প্রজারঞ্জন, বিনয়বীরত্ব-  
বিভূষিত রাজশ্রী রাজাধিরাজ মহারাজ গভীরসিংহ  
অলৌকিক ভ্রাতৃস্নেহসাগরেযু।

ভ্রাতঃ!

অবিলম্বে অশ্মদের ব্রহ্মদেশে গমন করা নিতান্ত আবশ্যিক।  
ভবদীয় প্রস্তাবে কাছাড় রাজধানীর ষাবদীয় অমাত্য পরমানন্দ  
সহকারে সম্মতি দান করেছেন। অশ্মদ আপনার অনুগত,  
বশীভূত, পরাজিত; ভবদীয় প্রস্তাবে মদীয় অদেয় কি? শিখণ্ডি-  
বাহন প্রকৃত শিখণ্ডিবাহন; কাছাড় সিংহাসনে শিখণ্ডিবাহনের  
অধিবেশনে অশ্মদের অক্ষয় অভিমত। শিখণ্ডিবাহনের জন্ম  
সম্বন্ধে আমার বাঙনিষ্পত্তি নাই। হে ভ্রাতঃ এক্ষণে আপনার  
অনুগতানুজের প্রার্থনা শ্রবণ করুন, কল্যাণপ্রাপ্তে মদীয় দীনভাবে  
আপনি সপরিবারে স্বদল সমভিব্যাহারে আগমন করিবেন,  
শিখণ্ডিবাহনকে কাছাড় সিংহাসনে সংস্থাপন করিবেন, পরিশেষে  
উভয়রাজ্যের রাজকর্মচারী সমভিব্যাহারে উভয় রাজা একত্রে  
আহার করিবেন। একত্রে ভোজন বন্ধুতার জীবন। পত্রের  
দ্বারা নিমন্ত্রণ করিলাম। ইতি।

অনুগতানুজ রাজশ্রী বীরভূষণ।

রাজা। চমৎকার লিপি।

সম। ব্রহ্মাধিপতি সমুদায় সৈন্য সামন্ত ব্রহ্মদেশে প্রেরণ  
করেছেন, অবিস্থানের কারণ নাই।

রাজা। লিপিখানি সরলচিত্তে চিত্রিত।

শশা। পরাজিত ভূপতি কোশলাবলদী; লিপি খানি সম্পূর্ণ  
সন্দেহশূন্য না হতে পারে।

সম। আমাদের আশঙ্কার কারণ নাই।

রাজা। শিখণ্ডিবাহনের অভিপ্রায় কি?

শিখ। লিপি খানি সম্মানে পরিপূর্ণ; সরলতালেখনীতে  
লিখিত।

সর্কে। ব্রহ্মাধিপতি অনুতাপে পরিতপ্ত, সারল্যাবলম্বন  
অনুতপ্ত চিত্তের মুক্তি।

রাজা। সার্বভৌম মহাশয়ের সমীচীন সিদ্ধান্ত। বকেশ্বরের  
মুখে এত হাসি কেন?

বকে। ভালা লিপি লিখেছে মহারাজ; যে দুটোকথা  
পৃথিবীর সার সে দুটোই লিপিতে বিরাজমানা; সে দুটো কথাতে  
সম্মান আর সরলতা ফুটে বেরচ্ছে, ও দুটো কথার মূল্য দুই সহস্র  
স্বর্ণমুদ্রা।

রাজা। কোন্ দুটো?

বকে। “আহার” আর “ভোজন”। ব্রহ্মাধিপতির চমৎকার  
বর্ণবিভাস—“ভোজন বন্ধুতার জীবন”। ক্ষুদ্রবুদ্ধি সমালোচকেরা  
বলতে পারেন ব্রহ্মাধিপতির জীবন বলতে ভাল হত। সেটা যে  
ভাবে প্রকাশ তা তারা অনুভব করে না। ক্ষুদ্রবুদ্ধি সমালোচক  
কুটকুটে মাচি; কাব্য কলেবরে কত মনোহর স্থান আছে তাতে  
বসে না কোথায় নখের কোণে একটু ঘা আছে ভন্ করে সেই  
খানে গিয়ে কুট করে কামড়ায়।

সর্কে। “মণিময় মন্দির মধ্যে পিপীলিকাশিচ্ছদ্রমবেষণস্তি”।

রাজা। ব্রহ্মাধিপতি বলেন “একত্রে ভোজন বন্ধুতার  
জীবন”।



বকে। একা ভোজনেও বন্ধুতা হয়।

রাজা। কার সঙ্গে?

বকে। প্রাণের সঙ্গে। অশানে মশানে রাজদ্বারে আহারে ভোজনে যিনি সহায় তিনিই সত্যবন্ধু। ধর্মনীতিবেত্তারা বলেন।

সত্য বন্ধু হতে চাও,

মধ্যে মধ্যে ভোজন দাও।

সর্কে। লিপির পংক্তি গুলি সোঁহাদ্দাবলি।

বকে। লিপির পংক্তি গুলি চন্দ্রপুলি।

রাজা। নিমন্ত্রণ গ্রহণ করা সর্ববাদিসম্মত?

সকলে। সর্ববাদিসম্মত।

শশা। ব্রহ্মসেনাপতিকে কি অগ্রে প্রেরণ করা যাবে?

রাজা। ব্রহ্মেশ্বর সেনাপতির কোন কথা উল্লেখ করেন নাই।

শিখ। সেনাপতিকে আমি সমভিব্যাহারে লয়ে যাব।

[প্রস্থান।

### পঞ্চম অঙ্ক।

প্রথম দৃশ্য। কাছাড় রাজধানী।

রাজসভা। মধ্যস্থলে শূন্য সিংহাসন, দক্ষিণ পার্শ্বে বীরভূষণ, ব্রহ্মসেনাপতি, ব্রহ্মাধিপতির পারিষদ গণ এবং কাছাড়ের অমাত্যগণ

এবং বাম পার্শ্বে রাজা, শশাঙ্কশেখর, সর্কেশ্বর সার্কভোম,

সমরকেতু, শিখণ্ডিবাহন, মকরকেতন, বকেশ্বর এবং

মণিপুরের পারিষদগণ আসীন।

ব্রহ্মসেনা। (বীরভূষণের প্রতি।) মহারাজ! আমি

পরাজয়ে জয় লাভ করিছি; পরাজয়ের কল্যাণে বীর কুলাভরণ শিখণ্ডিবাহনের অকৃত্রিম প্রণয় লাভ হয়েছে। শিখণ্ডিবাহনের স্নমধুরস্বভাব যিনি অবগত হয়েছেন তিনি অবশ্যই স্বীকার করবেন, শিখণ্ডিবাহনের প্রণয়ের সঙ্গে একটা রাজত্বের বিনিময় হার নয়।

বীর। শিখণ্ডিবাহন তোমার প্রধান শত্রু, শিখণ্ডিবাহন তোমাকে রণে পরাজিত করে মণিপুর শিবিরে বন্দী করে রেখেছেন; তোমার মুখে যখন শিখণ্ডিবাহনের এমন বর্ণনা তখন শিখণ্ডিবাহন প্রকৃত শিখণ্ডিবাহন।

প্রা, অমা। মহারাজ! শিখণ্ডিবাহনের আন্তরিক মহত্ত্ব মুগ্ধ হয়েই ত আপনি অবিবাদে কাছাড় রাজত্ব শিখণ্ডিবাহনকে অর্পণ কর্তে সম্মত হলেন।

রাজা। মহতেই মহত্ত্বের অনুরাগী হয়। মহারাজ মহদাশয়, আপনার সম্মান এবং স্নেহগর্ভ আস্থানে আমি যার পর নাই অহুগ্ধীত এবং সম্প্রীত হইচি। আপনি আমাকে যাবজ্জীবন কৃতজ্ঞতা পাশে আবদ্ধ করলেন। আপনার আপত্তি অতীব অহুকুল।

বীর। শিখণ্ডিবাহনের জন্ম সম্বন্ধে আমার বাঙ নিষ্পত্তি নাই।

রাজা। কিন্তু আমার অনেক বক্তব্য আছে।

সম। ত্রিপুরা ঠাকুরাণী এই খানেই আগমন করবেন।

রাজা। তুমি কি সূবর্ণ কোঁটা দেখেছ?

সম। আজ্ঞে না। কিন্তু গুল্মে কোঁটাটি নষ্ট হয় নাই।

রাজা। আমি ভিন্ন সে কোঁটা আর কেহ খুলতে পারে না।

আমি যদি সে কোঁটা প্রাপ্ত হই আর তার ভিতরে যদি মণিপুর

রাজবংশের শ্রেষ্ঠ গজমতির মালা পাই তাহলে আমার আর কোন সন্দেহ থাকে না।

বীর। মহারাজের সকল কথা আমার বোধ গম্য হচ্ছে না।

রাজা। মহারাজ! সকলেই অবগত আছেন আমার জ্যেষ্ঠা মহিষীর গর্ভজাত পুত্র সূতিকাগার হতে অপহৃত হয়; ধুনী দাই এ অপহরণের মূল। ধুনী দাই জীবিত আছে। আমার অনুজ্ঞানুসারে মণিপুরের শাস্ত্রিরক্ষক ধুনী দাইয়ের নিকট সকল বৃত্তান্ত অবগত হয়ে লিপিবদ্ধ করে পাঠিয়েছে।

বীর। সে লিপি কোথা?

শশা। আমার নিকটে।

রাজা। সভার সমক্ষে লিপি পাঠ কর।

শশা। যে আজ্ঞা। (লিপি পাঠ।)

মান্যবর ত্রিপুরা সমরকেতু সেনাপতি মহোদয় অমিত  
প্রতাপেশ্বর।

অনেক অনুসন্ধানের পর ধনমণি ধাত্রীকে ধৃত করিয়াছি। আপনার দ্বিতীয় অনুজ্ঞা আগত না হওয়া পর্যন্ত ধনমণি বিহিত গ্রহণী পরিবেষ্টিত কারাগারে নিহিত। ধনমণি প্রায় ক্ষিপ্ত। রাজ পুত্রাপহরণ বৃত্তান্ত আনুপূর্বিক সমুদায় অগ্নানবদনে প্রকাশ করিল কিছু মাত্র সঙ্কোচ যোধ করিল না। ধুনী একাকিনী পশ্চিম পল্লির প্রান্তভাগে নিবসতি করিত। কাহারো সহিত কথা কহিত না, কেবল বিড় বিড় করে “কি সর্কনাশ করলেম কি সর্কনাশ করলেম” বলিত। ধুনীদাই যেরূপ বলিল তাহা অবিকল নিম্নে লিখিয়া দিলাম।

“আমার নাম ধুনীদাই। আমার বয়স সাড়েশতের গুণ। আমি রাজ বাড়ীর প্রায় সকলেরই সূতিকাগারে থাকিতাম। বড় রাণীর সূতিকাগারে আমি ছিলাম। বড় রাণীর প্রথম বিয়ে—শেষ বিয়ে বল্যেও হয়, কারণ তিনি এই বিয়েনের পরেই মরেন। বড় রাণী ময়ূর চড়া কার্তিক প্রসব করেছিলেন। রাজা সোনার কটো শুদ্ধ মুক্তার মালা দিয়ে ছেলের মুখ দেখলেন। হিংস্রটে কোন নফলোক আমাকে সোনার সাতনরী দিয়ে বল্যে সোনার কটো শুদ্ধ ছেলে জলে ফেলে দিয়ে আয়। আমি সোনার কটো শুদ্ধ ছেলে বিন্দু সরোবরে রেখে এলেম। বাড়ী এসে মন্টা কেমন কর্তে লাগলো, ভাবলেম ছেলে তুলে এনে বড়রাণীর কোলে দিয়ে আমি, তখন বিন্দু সরোবরে গেলেম, ছেলে পেলেম না। সোনার কটো শুদ্ধ ছেলে কে চুরি করে নিয়ে গিয়েছে। ছেলে স্থাল শকুনে খায় নি, তা হলে সোনার কটো পড়ে থাকত। নফলোক একটু পরে আমার কুঁড়ে ঘরে এসেছিলেন, আমায় বল্যেন ধুনী তোরে দর্শছড়া সোনার সাতনরী দিচ্ছি তুই ছেলে ফিরে নিয়ে আয়, তিনি আমার সঙ্গে বিন্দু সরোবরে গিয়ে কত খুঁজলেন, কত আমার পার্শ্বরে কাঁদতে লাগলেন, ছেলে পেলেম না, আমায় কত গাল দিলেন, বল্যেন সোনার কটোর লোভে তুই ছেলে মেরে ফেলিচিস। আমি কত দিকি কল্যেম তা তিনি শুনলেন না, আমি যদি ছেলে নফলোকের আমি তাঁকে তখন বলতেম, তখনও যদি বলতে ভয় কতম এখন বলতে ভয় কতম না, কারণ এখন আমি যমের বাড়ী যাবার জন্যে বড় ব্যস্ত হইচি, কেবল পথ পাচ্চি না।”

বীর। শিখণ্ডিবাহন কি ত্রিপুরা ঠাকুরাণীর গর্ভজাত পুত্র?

রাজা। সে কথা তাঁকে জিজ্ঞাসা কল্যেই ভাল হয়।



সর্কে। শিখণ্ডিবাহন ত্রিপুরা ঠাকুরাণীর গর্ভজাত পুত্র নন। ত্রিপুরা ঠাকুরাণী বিধবা হয়ে পাঁচ বৎসর পর্যন্ত মণিপুরে ছিলেন, তখন তাঁর কোন সন্তান ছিল না। তিনি পরে তীর্থ দর্শনে গমন করেন, পাঁচ বৎসর পরে গৃহে প্রত্যাগমন করলে দেখা গেল তাঁর অঙ্কে শিখণ্ডিবাহন তাঁর পুত্র স্বরূপ শোভা পাচ্ছেন।

সম। তখন শিখণ্ডিবাহনের নাম শিখণ্ডিবাহন ছিল না। ত্রিপুরা ঠাকুরাণী শিখণ্ডিবাহনকে কুড়ান চন্দ্র বলে ডাকতেন। আমার কাছে যখন ত্রিপুরা ঠাকুরাণী কুড়ান চন্দ্রকে শিক্ষার নিমিত্ত দিলেন আমি তার কার্তিকেয়ের মত রূপ এবং সাহস দেখে মোহিত হলেম এবং কুড়ান পরিবর্তে শিখণ্ডিবাহন নাম দিলাম। ত্রিপুরা ঠাকুরাণী উপস্থিতা, তাঁর নিকট সকল কথা জিজ্ঞাসা করুন।

ত্রিপুরা ঠাকুরাণীর প্রবেশ।

সর্কে। (ত্রিপুরা ঠাকুরাণীর প্রতি।) মা আপনি সভা-মণ্ডপে উপস্থিতা। মণিপুর মহীশ্বরের এবং ব্রহ্মদেশাধিপতির অবস্থানে সভা অমরাবতীর সভার ন্যায় শোভা পাচ্ছে। আপনি মহারাজদ্বয়ের সমক্ষে ধর্মসাক্ষী করে সত্য কথা ব্যক্ত করুন। শিখণ্ডি বাহন আপনার গর্ভজাত পুত্র কি না এবং যদি গর্ভজাত পুত্র না হন তবে কি প্রকারে শিখণ্ডিবাহনকে প্রাপ্ত হয়েছিলেন তাহা আনুপূর্বিক প্রকাশ করে বলুন।

ত্রিপুরা। আমি চিরদুঃখিনী, আমি বড় আশা করে রইচি শিখণ্ডিবাহনের বিয়ে দিয়ে বড় নিয়ে ঘর করব; আমি শিখণ্ডি-বাহনের বিয়ে দেবার কত চেষ্টা করলেম, একটি পাত্রীও বাবার মনোনীত হল না।

শিখ। মা আমি যদি আপনার গর্ভজাত পুত্র না হই তাতে আপনার সংসার স্নেহের ব্যাঘাত কি? আমি আপনার যে পুত্র সেই পুত্রই থাকব, আমি আপনাকে যাবজ্জীবন জননী বলে ভক্তি করব, আমার স্ত্রী আপনার দাসী স্বরূপ আপনাকে পূজা করবে।

ত্রিপুরা। বাবা শিখণ্ডিবাহন তোমার মিষ্টি কথা শুন্লে তুমি যে আমার গর্ভজাত পুত্র নও তা বলতে আমার বুক ফেটে যায়।

শিখ। মা যদি আপনার অন্তঃকরণে কষ্ট হয়, বলবেন না। আমি আপনার গর্ভজাত পুত্র বলে এত কাল পরিচিত, এখনও তাই থাকব। আমি দুঃখিনীর পুত্র, স্বীয় বাহুবলে রাজ্যলাভ করে দুঃখিনীমাতাকে রাজমাতা করে পরম সুখী হব।

ত্রিপুরা। বাবা তুমি চিরজীবী হয়ে থাক এই আমার বাসনা। তোমার মুখখানি দেখতে দেখতে আমার মৃত্যু হলেই আমার জীবন মার্থক, মরণকালে তোমার হাতের এক গণ্ডু জল আমার মুখে পড়লেই আমার স্বর্গলাভ হবে। বাবা আজকের রাজসভা আমার পক্ষে প্রভাস তীর্থ, যশোদার মত আজ আমি গোপাল হারালেম, এত সাধের শিখণ্ডিবাহন আজ আমার পর হল।

রাজা। দিদি ঠাকুরাণ! আপনি কাঁদেন কেন? আপনি সকল কথা প্রকাশ করে বলুন, শিখণ্ডিবাহন আপনার কখন পর হবে না।

শিখ। মা আপনার যদি মনে কষ্ট হয় আপনি কোন কথা প্রকাশ করবেন না।

ত্রিপুরা। বাবা আমার মনে কষ্ট হবার সম্ভাবনা, কিন্তু সকল কথা প্রকাশ করে বলতে তোমার মুখ উজ্জ্বল হবে, সেই জন্যেই মহারাজের সমক্ষে আমি সকল কথা ব্যক্ত কর্তে সম্মত হইচি।



শশা। মা আপনি ত সেনাপতি মহাশয়কে সকল কথা বলেছেন; এখন মহারাজের সমক্ষে আপন মুখে সেই সকল কথা প্রকাশ করে মহারাজকে সুখী করুন।

ত্রিপুর। শিখণ্ডিবাহন আমার গর্ভজাত পুত্র নন।

সর্কে। নীরব হলেন কেন? শিখণ্ডিবাহনকে তবে কি প্রকারে পেলেন।

ত্রিপুর। মহারাজ! বৈধব্য যন্ত্রণার মত আর যন্ত্রণা নাই, আমি বিধবা হয়ে পাঁচ বৎসর পর্য্যন্ত শয্যাগত ছিলাম, কাহারো বাড়ী যেতেম না, কাহারো সঙ্গে বাক্যালাপ কর্তেম না, কোন কথায় কান দিতেম না। পাঁচ বৎসর এইরূপ যন্ত্রণা ভোগ করে মনস্থ করলেম যে কদিন বেঁচে থাকি তীর্থ দর্শনে জীবন যাপন করব, আর সুখশূন্য ঘরে ফিরে আসব না। এই স্থির করে এক দিন রাত্রি যোগে একাকিনী তীর্থ যাত্রা করলেম। বিন্দু সরোবরের তীর দিয়ে গমন করছি এমন সময় সদ্যোজাত সন্তানের রোদন শব্দ শুন্তে পেলেম, একই অগ্রসর হয়ে দেখলেম একটি ছেলে পদ্মপত্রের উপর শুয়ে কাঁদছে, এবং ছেলের পাখে একটি সোনার কোঁটা রয়েছে। আমার হৃদয়ে মাতৃস্নেহের সঞ্চারণ হল, তৎক্ষণাৎ শিশুটি কোলে করে নিলেম, এবং সোণার কোঁটাটি তীর্থ যাত্রার ঝুলিতে বাঁধলেম। ছেলে কোলে করে পাঁচ বৎসর পর্য্যন্ত চন্দ্রনাথ, কামাখ্যা, কাশী, প্রয়াগ, বৃন্দাবন প্রভৃতি নানা তীর্থ পর্য্যটন করলেম। বাড়ীতে ফিরে আসবের বাসনা ছিল না। শিশুটি পাঁচ বৎসর বয়সে দশবৎসরের মত দেখাইতে লাগল, তার মিষ্ট কথা শুন্বের জন্যে অনেক লোকে তাকে কোলে করে লইত। এক দিন এক জন সন্ন্যাসী শিশুটি অবলোকন করে আমায় বল্যেন মা এ শিশু নিয়ে আপনার বৃন্দাবন-

বাসিনী হওয়া উচিত নয়, এ শিশুর কপালে যে রাজদণ্ড দেখছি এ শিশু নিশ্চয় রাজা হবে, আপনি বাড়ী ফিরে যান, শিশুকে উপযুক্ত শিক্ষা দেন, দেখবেন আমার উক্তি ফলবতী হবে। এই কথা শুনে আর শিশুর সকল সুলক্ষণ দেখে আমি বাড়ী ফিরে এলেম এবং সেনাপতি মহাশয়ের নিকটে শাস্ত্রবিদ্যা আর শস্ত্রবিদ্যা শিক্ষা কর্তে দিলেম। কুড়িয়ে পেয়েছিলাম বলে শিশুর নাম কুড়ান চন্দ্র রেখেছিলাম। সেনাপতি মহাশয় কুড়ানকে শিখণ্ডিবাহন নাম দিয়েছিলেন। সেনাপতি মহাশয় শিখণ্ডিবাহনকে এত ভাল বাসতেন আমার এক এক বার সন্দেহ হত, হয়ত শিখণ্ডিবাহন সেনাপতির পুত্র। শিখণ্ডিবাহন অল্পদিনের মধ্যে সকল বিদ্যায় নিপুণ হলেন, ক্রমে ক্রমে মহারাজের অনুগ্রহভাজন হলেন, সহকারী সেনাপতির পদ প্রাপ্ত হলেন, কাছাড় যুদ্ধে জয় লাভ করেছেন, আজ রাজত্বে অভিষিক্ত হবেন।

শশা। সোণার কোঁটাটি কোথায়?

ত্রিপুর। কত চেষ্টা করলেম সোণার কোঁটা খুলতে পারলেম না, বোধ হয় কোঁটাটি খোলা যায় না। তাবলেম শিখণ্ডিবাহনের স্ত্রীকে কোঁটাটি যেতুক দেব।

সম। কোঁটাটি এনেছেন ত?

ত্রিপুর। আমার নিকটেই আছে, এই নেন।

রাজা। কোঁটাটি আমার নিকটে দাও। (কোঁটাগ্রহণ।)

এ সুবর্ণ কোঁটাটি আমার, এক জন যুবা সুবর্ণকার স্ত্রীয় শিল্পনৈপুণ্য দেখাইবার জন্য এই কোঁটাটি প্রস্তুত করে আমায় দেয়, আমি তাহাকে সহস্র মুদ্রা পারিতোষিক দিই, কোঁটার চাবি নাই, কিন্তু যে জানে তার পক্ষে খোলা অতি সহজ। রাজবংশের সর্কোৎকৃষ্ট গজমতি মালা এই কোঁটার বন্ধ করে কোঁটাটি বড়

রাণীর হস্তে স্মৃতিকাগারে দিয়েছিলেম। ( কোঁটার মধ্যস্থলে টোকা মারণ এবং কোঁটার ভাল উদ্ঘাটন। ) এই দেখুন সেই গজমতি হার। আমার আর সন্দেহ নাই, শিখণ্ডিবাহন আমার পাটরাণী প্রমীলার গর্ভজাত পুত্র। (শিখণ্ডিবাহনকে আলিঙ্গন এবং শিখণ্ডিবাহনের গলায় গজমতি মালা প্রদান।) আমার প্রমীলা যদি আজ জীবিত থাকতেন, প্রাণপুত্রের মুখচুষন করে চরিতার্থা হতেন। বাবা শিখণ্ডিবাহন, তোমায় আমি পুত্র অপেক্ষাও ভাল বাসতাম। তুমি আমার ঔরষ জাত পুত্র সম্পূর্ণ প্রমাণ হল; তোমার রণ পাণ্ডিত্যে পরিতুষ্ট হয়ে তোমার গলায় এই গজমতি মালা দিতে বাসনা করেছিলেম, সেই মালা তোমার গলায় আজ প্রাণ পুত্র বলে দান করলেম। আমার স্মৃতির পরিসীমা নাই। কৃতজ্ঞ চিত্তে পরমেশ্বরকে সহস্র ধন্যবাদ করি।

সর্কে। আমরা অনেক দিন হতে সন্দেহ করতাম শিখণ্ডিবাহন পাটরাণী প্রমীলা দেবীর গর্ভজাত পুত্র। ব্রহ্মদেশাধিপতির আপত্তি খণ্ডন করতে গিয়ে শিখণ্ডিবাহন রাজপুত্র প্রমাণীকৃত হল। ব্রহ্মাধীশ্বর এ শুভ ঘটনার আকর, স্মরণ্য তিনীও আমাদের ধন্যবাদার্থ।

শশা। মহারাজ ব্রহ্মাধিপতি শিখণ্ডিবাহন জারজ সত্ত্বেও শিখণ্ডিবাহনকে রাজা করতে প্রস্তুত হয়েছিলেন, এক্ষণে প্রমাণ হল শিখণ্ডিবাহন মণিপূরের যুবরাজ, ব্রহ্মেশ্বর বোধ করি এখন শিখণ্ডিবাহনকে কাছাড় রাজ্যে অভিষিক্ত করতে পরম সূচী হবেন।

বীর। আমার একটি কথা জিজ্ঞাস্য। বড়রাণীর সদ্যোজাত শিশু কোন নষ্ট লোকের কুপরামর্শে অপহৃত হয়; সে নষ্ট লোকটা কে?

সম। তা জেনে প্রমাণের কোন পোষকতা হবে না, প্রমাণের পোষকতার কোন আবশ্যিকতাও নাই।

বীর। শিখণ্ডিবাহন মণিপূর মহীশ্বরের ঔরষজাত পুত্র তাতে আমার কিছুমাত্র সন্দেহ নাই, তার প্রচুর প্রমাণ হয়েছে। রাজবাড়ী হতে রাজপুত্র অপহরণ অতীব আশ্চর্য্য, এইজন্যে আমি পুনর্বার জিজ্ঞাসা করি নষ্টলোকটা কে?

শশা। নষ্টলোকের নাম বোধকরি ধুনী দাই ব্যক্ত না করে থাকবে।

বীর। ধুনীদাই বেরূপ অসঙ্কুচিত চিত্তে সত্য কথা বলেছে তাতে নষ্টলোকের নাম গোপন রাখা সম্ভব নয়।

সর্কে। নষ্টলোকের নাম উল্লেখ উপস্থিত বিষয়ের কোন উপকার হবে না, কিন্তু কাহারো না কাহারো মনে ব্যথা জন্মিতে পারে।

বীর। মহারাজ জানেন কি না? আপনার বদন অতিশয় বিরস হল, মার্জনা কব্বেন আমি প্রশ্ন রহিত করলেম।

মক। মণিপূর মহারাজ বিলক্ষণ জ্ঞাত আছেন নষ্টলোকটা কে, কেবল কলঙ্কের ভয়ে বলতে সাহস কচ্চেন না।

সম। মকরকেতন তুমি কি কথা না কয়ে থাকতে পার না; রাজায় রাজায় কথা হচে সেখানে তোমার বাক্য ব্যয়ের প্রয়োজন কি?

মক। প্রয়োজন পাপের প্রায়শ্চিত্ত—নষ্টলোক মণিপূর মহারাজের কনিষ্ঠামহিষী গান্ধারী, পাপাত্মা মকরকেতনের পাপীয়সী জননী—(ধরণীভলে পতন।)

রাজা। সমরকেতু আমি যে ভয় করেছিলেম তাই ঘটলো, মকরকেতন মুচ্ছিত হয়েছেন। (মকরকেতনকে ক্রোড়ে লইয়া।)



বাবা মকরকেতন তুমি স্থির হও, তুমি আমার সমক্ষে চক্ষের জল ফেল না, তোমার কাতর দেখলে আমার প্রাণ বিদীর্ণ হয়ে যায়।

মক। পিতা আমার মনে অতিশয় ঘৃণা হয়েছে, পিতা আমার আশা আপনি পরিত্যাগ করুন, আমি এ পাপজীবনে এই দণ্ডে জলাঞ্জলি দেব—আমায় অনুমতি দেন আমি পাপীয়সী জননীর মস্তক ছেদন করি। আমায় ছেড়ে দেন আমি নদীতে ঝাঁপ দিয়ে মরি। পিতা আমি সকল সহ্য কর্তে পারি, পুজনীয় শিখণ্ডিবাহনের ঘৃণা সহ্য কর্তে পারি না। (রোদন।)

শিখ। (মকরকেতনের গলা ধরিয়।) মকরকেতন তোমায় আমি কনিষ্ঠ সহোদরের ছায় ভাল বাসতেম, এখন তুমি আমার প্রকৃত কনিষ্ঠ সহোদর।

মক। দাদা, পাপায়নীর পেটে জন্ম বলে আমায় ঘৃণা করবেন না—আমি পাপাত্মা, তোমার সহোদরের ষোগ্য নই।

শিখ। মকরকেতন, নিতান্ত অশাস্ত হলে দেখুটি যে। তুমি স্থির হও। আমরা দুই ভেয়ে পরমস্থখে রাজ্য করব। তুমি মনিপুরের রাজা হবে, আমি কাছাড়ের রাজা হব।

মক। দাদা আমায় আর রাজ্যের কথা বলবেন না। আমি পাপাত্মা, আমার জননী—

শিখ। আবার ঐ কথা। তুমি কি আজ আমার উপদেশ অবহেলা কল্যে?

মক। দাদা আপনার উপদেশ আমার শিরোধার্য। আপনি আমার জ্যেষ্ঠ সহোদর, আপনাকে আমি পিতার মত ভক্তি করি, আপনি আমায় যা কর্তে বলেছেন আমি তাই করছি, আপনি আমায় যা কর্তে বলবেন তাই করব, কিন্তু

দাদা আমার এক ডিঙ্কা, আমায় কখন রাজা হতে বলবেন না; মণিপুর রাজ্যও আপনার, কাছাড় রাজ্যও আপনার, আপনি উভয় রাজ্যের সিংহাসনে উপবেশন করুন, আমি লক্ষ্মণের মত আপনার মস্তকে রাজছত্র ধরে দাঁড়াই।

শিখ। মকরকেতন তোমার অতি উচ্চ অন্তঃকরণ, তাই তুমি এরূপ কথা বলতেছ। আমি বাল্যকালাবধি তোমায় অতিশয় স্নেহ করি, তুমি রাজা হলে আমার মনে যত আনন্দ হবে আমি নিজে রাজা হলে তত হবে না। তাই, তোমার মলিন মুখ দেখে পিতার চক্ষু দিয়ে জল পড়তে, আর তোমার রোদন করা উচিত নয়।

মক। দাদা আপনি আমার জীবন রক্ষা করলেন।

রাজা। মহারাজ বীর ভূষণ সমুদায় স্বকর্ণে শুনলেন, এখন মহারাজ যা প্রতিজ্ঞা করেছেন তা সাধন করুন।

বীর। মহারাজ এক্ষণে কি আজ্ঞা করেন?

রাজা। যুবরাজ শিখণ্ডিবাহনকে কাছাড় রাজ্যের রাজা করুন।

বীর। আমি জীবিত থাকতে মণিপুরের যুবরাজ কখনই কাছাড়ের রাজা হতে পারেন না।

রাজা। প্রলাপ।

শশা। দ্বেষ।

সর্কে। ব্যঙ্গ।

বকে। হাঁড়ি গড়া কুমর।

বীর। সে কিরূপ বকেধর।

বকে। মাতায় করে বয়ে এনে পা দিয়ে ছানা।

বীর। তোমায় আমি ব্রহ্মদেশে লয়ে যাব।



বকে। মহারাজ যেতে দেবেন না।

বীর। কেমন?

বকে। আপনি আত্মনা করে যে জন্যে বর্ধা পনি অস্ত্র দেশে যেতে দেন না।

সম। মহারাজের কথার ভাব বুঝতে পাল্যেয় না। আপনি কি কোঁতুক কচ্চেন না প্রকৃত অভিপ্রায় ব্যক্ত কচ্চেন।

বকে। এ অভিপ্রায় কখন প্রকৃত হতে পারে না।

বীর। কেন?

বকে। তা হলে ফলারের যা আয়োজন করেছেন সব বৃথা হয়ে যাবে। আয়োজন ত সাধারণ নয়—চন্দ্র পুলির হিমাচল, খিরচাঁপার নৈমিষারণ্য, কাঁচাগোজার কুরুক্ষেত্র, রসমুণ্ডির রাম-রাবণে যুদ্ধ, পায়ের জলপ্লাবন, চিনির বালি আড়ি।

বীর। আমি প্রকৃত অভিপ্রায় ব্যক্ত করছি।

বকে। তার কি সময় অসময় নাই। পেটের পোড়ার মুখ, দাঁতের কাঁক দিয়ে পালাল—

সম। মহারাজ স্পষ্ট করে বলুন আমরা সেই রূপ কার্য করি।

বকে। মহারাজ এখন ভোজনের সময়, ভোজন সমাপন করুন তার পর ভোজনাশ্বে এ কথার মীমাংসা হবে।

বীর। এতে আমার আপত্তি নাই।

রাজা। কিন্তু আমার সম্পূর্ণ আছে।

সম। ব্রহ্মাধিপতির মতিচ্ছন্ন হয়েছে।

বকে। তা হলে অত চন্দ্রপুলি গড়ে উঠতে পারতেন না।

শশা। আপনার অভিপ্রায় কি প্রকাশ করে বলুন আমরা আমাদের শিবিরে চলে যাই।

বকে। না খেয়ে? মন্ত্রি মহাশয় মানুষ খুন কর্তে পারেন।

বীর। বকেশ্বর আমি প্রতিজ্ঞা করছি তোমায় আমি না খাইয়ে ছেড়ে দেব না।

বকে। মহারাজের কথা গুলিই চন্দ্র পুলি—মনে কপটতা থাকলে মুখ দিয়ে এমন সরল চন্দ্র পুলি নিঃসৃত হয় না। জগ-দীশ্বরের কাছে প্রার্থনা করি মহারাজের স্বল্প হতে দুই সরস্বতীকে দূরীভূত করুন, নিদেনে ভোজন পর্য্যন্ত।

সর্কে। যুবরাজ শিখণ্ডিবাহনকে কাছাড়ের অধিপতি করতে মহারাজের কি বখার্বই অমত?

বীর। সম্পূর্ণ।

রাজা। শিখণ্ডিবাহনের হাস্য বদন দেখে আমি বিস্মিত হচ্ছি। এরূপ রাজনীতি বিকল্প কার্য দেখে শিখণ্ডিবাহন যুদ্ধ আরম্ভ না করে প্রফুল্ল হয়ে বসে আছেন বড় আশ্চর্য্য।

শিখ। পিতা আমার সম্পূর্ণ বিশ্বাস হচ্ছে মহারাজ বীর-ভূষণ মণিপুর বীরপুরুষদিককে আপন ভবনে পেয়ে কোঁতুক কচ্চেন।

বকে। শিখণ্ডিবাহন ভালা লোক বাবা, আচ্ছা অনুধাবন করেছে। আমার বোধ হয় ভোজনের জায়গা হচ্ছে।

সম। মহারাজ কি আমাদেরকে আপন বাড়ীতে পেয়ে অবজ্ঞা কচ্চেন?

বীর। সম্মানের পাত্রকে কি কেউ অবজ্ঞা করে থাকে?

বকে। বিশেষ ভোজনের সময়।

সম। তবে মণিপুরের যুবরাজকে কাছাড় সিংহাসনে অধিকৃত হতে সম্মতি দান করুন।

বীর। জীবন থাকতে হবে না।

সম। (তরবারি নিকাশন করিয়া।) তবে যুদ্ধ করুন।

বীর। আমার সৈন্য সামন্ত কিছুই এখানে নাই।

সম। তবে কহবেন কি?

বীর। আমার জামাতাকে কাছাড়ের রাজা করব।

সম। আপনার জামাতা কে?

বীর। মণিপুর মহীশূরের ঔরসজাত পুত্র শ্রীমান শিখণ্ডি-  
বাহন—(মণিপুর রাজাকে আলিঙ্গন।) ভাই তুমি আমার  
বৈবাহিক, তোমার “কমলে কামিনী” আমার প্রাণাধিকা হুহিতা  
রণকল্যাণী। শিখণ্ডিবাহন শাস্ত্রমত আমার এবং মহিষীর সম্মতিতে  
রণকল্যাণীর পাণিগ্রহণ করেছেন।

রাজা। ভাই তুমি আমার স্নেহের সাগর উচ্ছলিত কল্যে।  
আমার “কমলে কামিনী” রাজকন্যা, আমার “কমলে কামিনী”  
ব্রহ্মদেশাধিপতির হুহিতা, আমার “কমলে কামিনী” প্রাণাধিক  
শিখণ্ডিবাহনের সহধর্মিণী, আমার পুত্রবধু? কি আনন্দ! কি  
আমোদ! ভাই মাকে একবার স্তম্ভমুখে আনয়ন কর, পুত্র-  
বধুর পবিত্র মুখ অবলোকন করে জন্ম সফল করি।

সর্বে। আজ আমাদের স্নেহের পরাকাষ্ঠা—“কমলে কামিনী”  
ব্রহ্মরাজের অঙ্গজা, যুবরাজ শিখণ্ডিবাহনের ধর্মপত্নী, কি  
আনন্দের বিষয়। সকল বিগ্রহের এইরূপ সন্ধি হলে ভূপতি  
গণের স্নেহের সীমা থাকে না।

বকে। এত সন্ধি নয়, কলহ নিমগাছে মিলন আশ্রয় ফল—  
না হবে কেন, নিমের গুঁড়িতে জগন্নাথের তুঁড়ি নির্মিত হয়, যাঁর  
কল্যাণে উদর পূরণে জেতের বিচার নাই।

রণকল্যাণী, সুরবালী এবং নীরদকেশীর প্রবেশ।

বীর। ও মা রণকল্যাণী তুমি অতিশয় ভাগ্যবতী, বীরকুল  
পূজনীয় শ্রীমান শিখণ্ডিবাহন তোমার স্বামী, রাজকুল পুজ-

নীয় মহারাজ মণিপুর মহীশূর তোমার শ্বশুর। শিখণ্ডিবাহন মণিপুর  
মহীশূরের ঔরসজাত পুত্র। তোমার শ্বশুরকে প্রণাম কর।  
(রণকল্যাণীর প্রণাম।)

রাজা। (রণকল্যাণীর মস্তকাত্মাণ।) মা তুমি আমার রাজ-  
লক্ষ্মী। “আমার কমলেকামিনী” আমার জীবনসর্বস্ব শিখণ্ডি-  
বাহনের সহধর্মিণী। পরমেশ্বরের নিকটে কৃতজ্ঞচিত্তে প্রার্থনা  
করি তুমি জন্মায়ন্ত্রী হয়ে পরম স্নেহে রাজ্যভোগ কর। স্নেহের  
সময় সকলি স্নেহময়। বসন্তকালে তরুরাজি স্নেহময় পল্লবে  
বিভূষিত হয়ে নয়নে আনন্দ প্রদান করে, কুমুমরাজি বিকসিত  
হয়ে পরিমল বিতরণে নাসিকাকে আমোদিত করে, বিহঙ্গমকুল  
স্নেহময় সঙ্গীতে কর্ণকুহর পরিতৃপ্ত করে, স্রোতস্বতী স্নেহাসিত স্নেহ  
সলিলদানে তাপিত কলেবর শীতল করে। আজ আমার সৌভা-  
গ্যের বসন্তকাল, বীরকুলকেশরী শিখণ্ডিবাহন আমার পুত্র হলেন,  
অমিততেজা ব্রহ্মাধিপতির সর্বলোকললামভূতা হুহিতা আমার  
পুত্রবধু হলেন; হৃদম অরাতি ব্রহ্মমহীপতি আমার স্নেহপূর্ণ  
বৈবাহিক, বিনাশসকুল বিগ্রহের বিনিময়ে উন্নতিসাধক সন্ধি।  
বৈবাহিক মহাশয় তুমি ধন্য, তোমা হতেই এ পূর্ণানন্দের উদ্ভব।

শিখ। রণকল্যাণি ইনি আমার স্নেহময়ী জননী, তুমি যাঁকে  
দেখবের জন্যে গোপনে আমার সঙ্গে যেতে চেয়েছিলে, আমার  
জননীকে প্রণাম কর। (ত্রিপুরা ঠাকুরাণীকে রণকল্যাণীর  
প্রণাম।)

ত্রিপুরা। (রণকল্যাণীকে আলিঙ্গন) আজ আমার নয়ন সার্থক,  
আমার শিখণ্ডিবাহনের বউ দেখলেম। এমন ভুবনমোহন রূপত  
কখন দেখিনি; মা আমার সত্য সত্যই “কমলে কামিনী”। মা তুমি  
শিখণ্ডিবাহনের সঙ্গে রাজসিংহাসনে বস আমি দেখে চরিতার্থ হই।



রণ। মা আপনি রাজমাতা, আমি আপনার দাসী, আপনি রাজধানীতে স্বর্গসিংহাসনে বসে থাকবেন আমি রাত্রিদিন আপনার পদসেবা করব।

ত্রিপুর। মার আমার যেমনরূপ, তেমনি মধুমাখা কথা। শিখণ্ডিবাহন যে আমাকে এমন বউ এনে দেবেন তা আমি স্বপ্নেও জানতেম না। বাবা শিখণ্ডিবাহন আজ আমার জীবন সার্থক হল। (শিখণ্ডিবাহনকে আলিঙ্গন; শিখণ্ডিবাহনের এবং রণকল্যাণীর হস্ত ধরিয়া সিংহাসনে স্থাপন, মকরকেতন রাজহস্তে ধরিয়া দণ্ডায়মান। নেপথ্য হইতে পুষ্প বৃষ্টি ও উলুধ্বনি।)

শিখ। তাই মকরকেতন তুমি রণ কল্যাণীর বামপাশে সিংহাসনে উপবেশন কর।

মক। না দাদা আমি রাজহস্তে ধরে দাঁড়িয়ে থাকি।

শিখ। তা হলে আমার মনে বড় কষ্ট হবে।

রণ। ঠাকুরপো সিংহাসনে এসে বস। (মকরকেতনের সিংহাসনে উপবেশন।) সুরবালা! স্নানলাকে নিয়ে এস।

[সুরবালার প্রস্থান।

রাজা। স্নানলা আমার মকরকেতনের ধর্মপত্নী, সেনাপতি সমরকেতুর কন্যা।

বীর। আমার রণকল্যাণী এসব পরিচয় আমাকে দিয়েছেন।

সুরবালা এবং স্নানলার প্রবেশ।

রণ। এস দিদি সিংহাসনে উপবেশন করে সভার শোভা বৃদ্ধি কর। (স্নানলার সিংহাসনে উপবেশন, উলুধ্বনি, পুষ্প-বৃষ্টি।)

বকে। শিখণ্ডিবাহন প্রতিজ্ঞা করেছিলেন কবিবিরচিত ইন্দী-বরাক্ষী ইন্দুনিভাননী ব্যতীত সহধর্মিণী করবেন না, তাতে আমি বলেছিলাম শিখণ্ডিবাহনকে চিরকাল শিখণ্ডিবাহন হয়ে থাকতে হবে, কিন্তু আজ আমাকে স্বীকার কর্তে হল আমার কথার অন্যথা হয়েছে; রাজ্ঞী রণকল্যাণী সত্যই কবি-বিরচিত ইন্দী-বরাক্ষী। রাজ্ঞী যে পরমা সুন্দরী তা মুক্তকণ্ঠে স্বীকার করি, এখন রূপের উপযুক্ত গুণ থাকলেই আমাদের মঙ্গল।

শিখ। রণকল্যাণী জয়দেব অধ্যয়ন করেন।

বকে। শরীর শুষ্ক হয়ে যাবে।

শিখ। কেন?

বকে। জয়দেব অধ্যয়নে ক্ষুধাতৃষ্ণা দূরীভূত হয়।

শিখ। রণকল্যাণী হাতের দাঁতের পাটি প্রস্তুত কতে পারেন।

বকে। নীরস।

শিখ। অঙ্গনীতল হয়।

বকে। অন্তরদাহের উপায় কি?

শিখ। রণকল্যাণী আয় ব্যয়ের হিসাব রাখতে পারেন।

বকে। সম্বৎসর শিবচতুর্দশী!

শিখ। কেন?

বকে। যে বাড়ীতে গিন্নীর হাতে আড়ি সে বাড়ীতে আদ-পেটা খেয়ে নাড়ী চুঁইয়ে যায়।

সুর। রণকল্যাণী চমৎকার চন্দ্রপুলি গড়তে পারেন।

বকে। সাধ্বী, না হবে কেন, রাজার মেয়ে, রাজার রাণী, রাজার পুত্রবধূ।

সুর। রণকল্যাণী বামন ভোজন করতে বড় ভাল বাসেন।

বকে। শুভ, শুভ, শুভ—অন্নপূর্ণা—এমন রাজ্ঞী নইলে



১৩৬

কমলে কামিনী নাটক ।

রাজসিংহাসনে শোভা পায় । আমাদের রাজ্ঞী যথার্থই গুণবতী ;  
সুরবালা তুমিও গুণবতী নইলে এমন গুণগ্রহণ শক্তি সম্ভবে না ।

সর্কে । সভাতন্ত্র করা উচিত কারণ ব্রাহ্মণ ভোজনের সময়  
উপস্থিত ।

বীর । ( বকেশ্বরের হস্ত ধরিয়া ) এস বকেশ্বর তোমাকে  
আমি স্বয়ং ভোজন করাব ।

বকে । ভুবনে ভোজনে ভক্তি কর ভবজন,  
ভয়াবহ ভবভয় হবে নিবারণ ।

[ প্রস্থান ।

যবনিকা পতন ।

*Of his work*

*Bansidhar Dasgupta*

*Cornwallis Street 145  
Calcutta.*

শ্রীমতঃ কেশবচন্দ্র দাসঃ

# বিয়েপাগলা বুড়ে ।

প্রহসন ।

শ্রীদীনবন্ধু মিত্র প্রণীত ।

দ্বিতীয় সংস্করণ ।

কলিকাতা ।

নূতন সংস্কৃত যন্ত্রে মুদ্রিত ।

বঙ্গাব্দঃ ১২৭৮ ।

১৩৬

কমলে কামিনী নাটক।

রাজসিংহাসনে শোভা পায়। আমাদের রাজ্ঞী যথার্থই গুণবতী;  
সুরবালা তুমিও গুণবতী নইলে এমন গুণগ্রহণ শক্তি সম্ভবে না।

সর্কে। সভাভঙ্গ করা উচিত কারণ ব্রাহ্মণ ভোজনের সময়  
উপস্থিত।

বীর। ( বকেশ্বরের হস্ত ধরিয়া ) এস বকেশ্বর তোমাকে  
আমি স্বয়ং ভোজন করাব।

বকে। ভুবনে ভোজনে ভক্তি কর ভবজন,  
ভয়াবহ ভবভয় হবে নিবারণ।

[ প্রস্থান।

যবনিকা পতন।

*This work*

*Bansidhar Dasgupta*

*Cornwallis Street 115  
Calcutta.*

শ্রীমতঃ হিন্দীনাথঃ

## বিয়েপাগলা বুড়ে।

প্রহসন।

শ্রীদীনবন্ধু মিত্র প্রণীত।

দ্বিতীয় সংস্করণ।

কলিকাতা।

নূতন সংস্কৃত যন্ত্রে মুদ্রিত।

বঙ্গাব্দঃ ১২৭৮।

বদেশানুগামী ত্রিযুক্ত বারু শারদাপ্রসন্ন মুখোপাধ্যায়  
প্রণয়পারাবারেশু।

প্রিয়বন্ধু শারদাপ্রসন্ন!

মদীয় দীনধাম ভবদীয় কণক নিকেতনের নিকট  
নিবন্ধন বাল্যকালাবধি তোমার সহিত আমার অকৃত্রিম  
বন্ধুতা; তুমি সহস্র কর্ম পরিহার পুরঃসর আমার পরি-  
তোষ সাধন করিতে পরাঙ্মুখ নও। প্রথম দর্শনাবধি  
তুমি আমায় এতই ভাল বাস, তোমার নিতান্ত বাসনা  
আমি সতত তোমার নিকট থাকি কিন্তু কার্য্য গতিকে সে  
স্নেহগর্ভ বাসনার সম্পাদন অসম্ভব। যাহাকে ভাল বাসা  
যায় তৎসম্বন্ধীয় কোন বস্তু নিকটে থাকিলে কিয়দংশে  
মনের তৃপ্ততা জন্মে—এই প্রত্যয়ে নির্ভর করিয়া  
নির্দোষ-আমোদপ্রদ মৎপ্রণীত এতৎ প্রহসনটি তোমার  
হস্তে ন্যস্ত করিলাম। ইতি।

দর্শনোৎসুকমনাঃ  
শ্রীদীনবন্ধু মিত্র।



# বিয়েপাংলা বুড়ো।

প্রথম অঙ্ক।

প্রথম নর্ভাক।

নসিরাম এবং রতা নাপ্তের প্রবেশ।

নসি। বুড়ো ব্যাটা বিশ্বনিদ্ভুক।

রতা। কেশব বাবুকে সকলেই ভাল বলে, কেবল বুড়ো ব্যাটা গালাগালি দেয়। বলে কালেজে পড়ে যখন জলপানি পেয়েচে তখন ওর আর জাত কি?

নসি। মাতার উপর শকুনি উড়ুচে, তবু দলাদলি কতে ছাড়ে না। আর বৎসর বাগাম বেচে দলাদলি করেছিল; স্কুলে একটি পরসাদি দেলে বলে আমি দরিদ্র ব্রাহ্মণ, কোথা হতে টাকা দেব?

রতা। চক্রবর্তীয়ে ওর জামাইয়ের বাড়ীতে বগুনো দেইমি বলে তাদের বাড়ী খেতে গেল না, ওদের পাড়ার কাকেও যেতে দিলে না, হুশ লোকের ভাত পচালে।

নসি। ওর জামাইয়ের বাড়ী হলো ভিন্ গাঁয়, তাকে বগুনো

দেবে কেন? তাকে দিতে গেলে আর একশ লোককে দিতে হয়।

রতা। কেশব বাবুর বাপ যদি ঘোবদের রক্ষা না কতেন তবে ব্যাটা তাদের জাত মেরেছিলো।

নসি। যথার্থ কথা বলতে কি, রাজীব মুখ্যো না মলে দেশের নিস্তার নাই। ভুবনের মামাদের একবৎসর একঘরে করে রেখেচে। তাদের অপরাধ তো ভারি—কালীঘোষের ছেলে ক্রিস্চান হতে গিয়ে ফিরে এসেছিল, তা কালীঘোষের জাত না মেরে তারে সমাজভুক্ত করে রেখেচে।

রতা। কাল ব্যাটার ভারি নাকাল করিচি—দশগুণা কাগের ডিমের শাঁস ওর মাতার ঢেলে দিইচি।

নসি। কখন?

রতা। কাল প্রাতঃস্থান করে নামাবলিখানি গায় দিয়ে যেমন বাজী ঢুকবে, আমি ওদের পাঁচিলের উপর থেকে এক হাঁড়ি শাঁস ঢেলে দিয়ে পালিয়েছিলেম; ব্যাটা আবার নেয়ে মরে। কত গালাগালি দিলে কিন্তু আমার দেখতে পাইনি।

নসি। ভুবন বড় মজা করেচে—বুড়ো ধুতি নামাবলি রেখে স্থান কতছিল, এই সময়ে পাঁটার নাড়িভুঁড়ি নামাবলিতে বেঁধে রেখে পালিয়েছিল। বুড়ো নামাবলি গায় দিতে গিয়ে কেঁদে মরে, বল্যে এ রতা নাপ্তে করে গিয়েচে।

রতা। ব্যাটার আমার উপর ভারি রাগ। যে কিছু কব্বক আমারে দোষে, বলে নাপ্তের ছেলেকে লেখাপড়া শেখালে বিপরীত কল ষটে।

#### ভুবনমোহনের প্রবেশ।

ভুব। ওহে ইনিস্পেক্টার বাবু এসেচেন, কাল আমাদের পরীক্ষা হবে।

নসি। আমাদের পুরাণো পড়া সব দেখা আছে।

ভুব। আমি বিশেষ মনোনিবেশ করে পড়াগুলি দেখবো।

রতা। দেখ ভাই, পণ্ডিত মহাশয় আমাদের জন্তে এত পরিশ্রম করেন, আমরা যদি ভাল পরীক্ষা না দিতে পারি তবে তিনি বড় হুঃখিত হবেন।

ভুব। রাজীব মুখ্যো ইনিস্পেক্টার বাবুকে দেখে বড় রাগ করেচে, বল্যে এই ক্রিস্চান ব্যাটা এয়েচে।

নসি। ব্যাটা ইনিস্পেক্টার বাবুর উপর এত চটলো কেন?

রতা। ইনিস্পেক্টার বাবুর সহিত একদিন বিধবাবিবাহ উপলক্ষে তর্ক হয়েছিল, তাতে অনেক বিচারের পর ইনিস্পেক্টার বাবু বলেছিলেন “আপনার বাট বৎসর বয়সে স্ত্রীবিয়োগ হওয়াতে অধীর হয়ে পুনর্বার দারপরিগ্রহের জন্ত উন্মত্ত হয়েছেন, অতএব আপনার পোনের বৎসর বয়সে বিধবা কন্যা পুনর্বার বিবাহ করিতে ইচ্ছুক কি না বিবেচনা করে দেখুন”। ব্যাটার বিচার করবার ক্ষমতা নাই, গলাবাজীতে যা কত্তে পারে; আর মুখ খানি মেচো হাটা, ইনিস্পেক্টার বাবুকে যা না বলবের তাই বল্যে।

নসি। আমি সেখানে থাকলে বুড়োর গলায় জরট্যাম্‌টেমি বেঁধে দিতাম।

রতা। যদি পরমেশ্বরের রূপায় কাল পরীক্ষা ভাল দিতে পারি, তবে বুড়োরি এক দিন আর আমারি একদিন।

ভুব। ইনিস্পেক্টার বাবুকে সন্তুষ্ট কত্তে না পারলে কোন ভামাসা ভাল লাগবে না।

নসি। কলিকাতায় ছাত্রেরা পরীক্ষার পর গিল্‌বর্টের বাজি দেয়, আমরা পরীক্ষার পর রাজীব মুখ্যোর বাজি দেব।

ভুব। সে সাপটা আছে তো?

রতা। সব আছে, পরীক্ষাটি শেষ হোক না।

নসি। কি সাপ?

রতা। সোলার সাপ।

নসি। তাতে কি হবে।

রতা। দুটি বাবলার কাঁটা আর একটি সোলার সাপে বুড়োর সর্কনাশ করবো—যে রতার কথা সইতে পারে না, সেই রতার চড় খাবে আরো বলবে লাগে না। লোকে জানে বাবা যে সর্পের মন্ত্র জানতেন. তা মরবের সময় আমার দিয়ে গিয়েছেন, বুড়োরে সাপে কামড়ালে কাজেই আমার ডাকবে,—আমি চপেটাঘাতে নিৰ্ঝিব করবো।

#### গোপালের প্রবেশ।

গোপা। বড় মজা হয়েছে, রাজীব মুখুয়োর খ্যাপান উঠেচে—  
রতা। কি খ্যাপান?

গোপা। “পেঁচোর মা” বল্যেই ব্যাটা তাড়িয়ে কামড়াতে আসে।

নসি। কেন?

গোপা। পেঁচোর মা বুড়োর মেয়ের সঙ্গে কথা কইতে ছিল, বুড়ো যের ভাত খাচ্ছিল, কথার কথার পেঁচোর মা রামমণিকে বল্যে, তোমার বাপের চেয়ে আমার বয়স কম, বুড়ো ওমনি তেলে বেঙুনে জ্বলে উঠলো, ভাত গুলিন পেঁচোর মার গায় ফেলে দিলে, আর এঁটো হাতে মাগীর পিটে চাপড় মাত্তে লাগলো, মারেশের রথের লোক জমে গেল। বুড়ো বলতে নাগুলো “দেখ দেখি আমার বিবাহের সম্বন্ধ হচ্ছে, বেটি এখন কি না বলে আমি ওর অপেক্ষা বড়, আমি যখন পাঠশালাে লিখি তখন বেটিকে এরূপ দেখিচি।”

নসি। কোন্ পেঁচোর মা?

গোপা। রাম্জি ডোমের মাগ—রামজি মরে গিয়েচে, মাগী একা আছে, কেউ নাই, কেবল একটি ধাড়ী শূকর নিয়ে থাকে।

রতা। দুজনেরি বয়স এক হবে।

গোপা। যদি কেহ বলে মুখোপাধ্যায় মহাশয় পেঁচোর মার বয়স কম, বুড়ো ওমনি গালে মুখে চড়ার আর তাড়িয়ে কামড়াতে

আসে; এখন অধিক বলতে হয় না; শুধু পেঁচোর মা বল্যেই হয়।

নেপথ্যে। বুড়ো বাম্ণা বোকা বর।

পেঁচোর মারে বিয়ে কর ॥

রাজীব মুখোপাধ্যায় এবং দশজন বালকের প্রবেশ।

রাজী। যম নিদ্রাগত আছেন, এত বালক মরচে তোমাদের মরণ হয় না—কি বল্যে দোঁড়াতে পারিনে, তা নইলে একটি একটি ধরি আর খাই।

বালকগণ। বুড়ো বাম্ণা বোকা বর।

পেঁচোর মারে বিয়ে কর ॥

বুড়ো বাম্ণা বোকা বর।

পেঁচোর মারে বিয়ে কর ॥

নসি। যা সব স্কুলে যা, বেলা হয়েছে, ইন্স্পেক্টর বাবু এয়েছেন, সকালে সকালে স্কুলে যা।

( বালকদের প্রস্থান। )

মহাশয়ের অজ্ঞান অধিক বেলা হয়েছে, নানান কর্মে ব্যস্ত থাকেন।

রাজী। আমাকে পাগল করেছে।

নসি। অতি অস্থায়, আপনি বিজ্ঞ, গ্রামের মস্তক, আপনার সহিত তামাসা করা অতি অনুচিত। মহাশয়ের গৃহস্থ হওয়াতে সকলেই হুঃখিত।

রাজী। তুমি বাবু আমার বাগানে যেও, তোমাকে পাকা আতা আর পেয়ারা পাড়তে দেব।

রতা। যে মেয়েটি স্থির হয়েছে মুখোপাধ্যায় মহাশয়ের কাঁদ পর্যন্ত হবে।



রাজী। কোন্ মেয়েটি ?

রতা। আজ্ঞা—ঐ পেঁচোর মা।

রাজী। হুঁর ব্যাটা পাজি মর্ত্তশ্রাব, যমের ভয়—ডাঁড় হাতে করগে, তোর লেখা পড়া কাজ কি। দেখি তোর কাকা জমি গুলো কেমন করে খায়, রাজীব এমন ঠক্ নয় এখনি নায়েবকে বলে তোর ভিটের ঘুঘু চরাবে। পাজি—জাঁস্তাকুড়ের পাত কখন অর্গে যায়।

( সরোষে রাজীবের প্রস্থান । )

নসি। বেশ তৈয়ের হয়েচে।

গোপা। বিয়ের নামে নেচে ওঠে—কনক বাবুর বাগানের কাছে ওর চার বিঘা ব্রহ্মহর জমি ছিল; রায় মহাশয় সেই জমি করেক খানার দ্বিগুণ মূল্য দিতে চাইলেন তবু দিলে না, রামমণি কত উপরোধ করলে কিছুতেই শুনলে না; তার পর রতা শিখারে দিলে, বিয়ের সম্বন্ধ করে দেব স্বীকার কখন জমি অমনি দেবে। রায় মহাশয় তাই করে জমি হস্তগত করেচেন কিন্তু তার উচিত মূল্যের অধিক দিরাছেন।

রতা। এখন বড় মজা যাচ্ছে—ব্যাটা দুবেলা লোক পাঠিয়ে খবর নিচ্ছে বিয়ের কি হলো। কনক বাবু আমার বলেচেন একটা গোলমাল করে ব্রাহ্মণের ভ্রম ভঙ্গ করে দাওগে। আমি কি করবো কোন উদ্দেশ্য পাচ্চিনে।

ভুব। বাবা যে দুঃখিত হন, তা নইলে ওর পানের ডিবের ভিতর আমি কেঁচো পুরে রাখতে পারি।

রতা। তোমাদের কারো কিছু করতে হবে না, একা রতা ওর মাতা খাবে।

( সকলের প্রস্থান । )

## প্রথম অঙ্ক।

### দ্বিতীয় গর্ত্তাঙ্ক।

রাজীব মুখোপাধ্যায়ের দরজার ধর।

রাজীব আসীন।

রাজী। পেঁচোর মা বেটি আমাকে বুড়ো করে তুলেচে, গ্রাম ময় রাষ্ট্র করে দিয়েচে ওর যখন বিয়ে হয় আমি তখন মল্লিকদের বাড়ী গোমস্তাগিরি কর্ত্ত করি—কি ভয়ানক কথা ব্যক্ত করেছে, আমার কলোপ, কালাপেড়ে ধুতি, কোঁশল সব রুখা হলো—একথা মনের ভিতর আন্দোলন করিলেও হানি হতে পারে। মন! প্রকৃত অবস্থা বিস্মৃত হও, বিবেচনা কর আমি বিশ বৎসরের নবীন পুরুষ, আমি ছোলা ভাজা কড়মড় করে চিবিয়ে খেতে পারি, আমি দৌড়ে বেড়াতে পারি, আমি সাতার দিয়ে নদী পার হতে পারি, আমি ষোড়শী প্রেরসীকে অনায়াসে কোলে তুলে লতে পারি। বেটিকে দেখলে আমার অঙ্গ জ্বলে যায়, তা নইলে কিছু টাকা দিয়ে বেটিকে বলতে বলি পেঁচো যেবার মরে সেই বার আমি হই—আবার ভারত ছাড়া বেটির নাম কচ্চি, বেটির মুখ ভঙ্গিমা মনে হলে হৃৎকম্প হয়। ( দরোজায় আঘাত ) কে—ও, ঠক্ ঠক্ করে যা মারে কে—ও।

নেপথ্যে। আমরা হুঁট অতিথি।

রাজী। এখানে না, এখানে না, মেয়েমানুষের বাড়ী।

নেপথ্যে। আজ্ঞা, সন্ধ্যা হয়েছে, আমরা কোথা যাই, আপনি অনুগ্রহ করে আমাদের স্থান দেন।

রাজী। কি আমার সঙ্ঘা হয়েছে গো—বা বাবু স্থানান্তরে যা, আমার বাড়ী লোক নাই, জন্ম নাই, করে কর্মে কে। আমি বুড়ো হাবুড়া—(জিবকেটে স্বগত) এই জন্তে ও সকল কথা আন্দোলন কতে চাইনে, দেখ দেখি আপনিই “বুড়ো হাবুড়া” বলে কেলোম।

নেপথ্যে। আমাদের কিছু চাল ডাল দেন, আমরা স্থানান্তরে পাক করে খাইগে, আমরা নিঃস্বল, চাল ডাল দিয়ে আমাদের রক্ষা করুন, আমরা দিবসে চিড়ে খেয়ে রইচি।

রাজী। দূর হ ব্যাটারা, দূর হ এখান থেকে—অতিথি বলে আসেন তার পর চুরি করে সর্ব্ব্ব লয়ে যান।

নেপথ্যে। আপনার বোধ করি কখন কিছু চুরি হয়নি।

রাজী। হোক না হোক তোম বাবার কি, পাজি ব্যাটারা, গোচর ব্যাটারা।

নেপথ্যে। নরপ্রেত, এই সঙ্ঘার সময় ব্রাহ্মণ হট্টোকে কিঞ্চিৎ অন্নদান কতে পাল্যে না। চল অপর কোম বাড়ী যাওয়া যাক্।

রাজী। রামমণি বড় সঙ্ঘর্ষ হয়েছে, কণক বাবুকে জমি চারখান ছেড়ে দেওয়াতে সকলেই সঙ্ঘর্ষ হয়েছে, এখন কণক বাবু আমাকে সঙ্ঘর্ষ করেন তবেই সকলের সন্তোষ, নইলে ষর দরোজার আঙুন লাগাবো। কনক রায় তেমন লোক নয়, একটি মেরে ছিন্ন করবেই, ক্ষমতা কত, মান কেমন, কনকের প্রতাপে যাঁষে গৌকতে এক ঘাটে জল খায়। (দরোজার আঘাত) ঠক্, ঠক্, ঠক্, রাজিদিনই ঠক্ ঠক্—(দরোজার আঘাত) আবার ঠক্ ঠক্, কচ্ছিই ঠক্ ঠক্ (দরোজার আঘাত) কে—ও, কথা কয়না কেবল ঠক্ ঠক্ (দরোজার আঘাত) দরোজা টা ভেঙ্গে কেলো, কেও, রামমণিকে ডাক্বো না কি? গিয়েচে ব্যাটারা; রতা ব্যাটা আমার পরমশত্রু, ব্যাটারে কি করে শাসিত করি তার কিছু উপায় দেখি মে।

নেপথ্যে। রাজীবলোচন মুখোপাধ্যায় মহাশয় আলরে আছেন? ওহে বাপু ডাক্বিয়ে ঠেসান দিয়ে, আমরাও এককালে

ওরূপ অধ্যয়ন করিচি, পড়ায় এত মন দিয়েচ, আমার কথা শুন্তে পাচ্চো না?

রাজী। (স্বগত) এ ঘটক, আমাকে বালক বিবেচনা করেচে, আমার কিছু দেখতে পাইনি, কেবল কাপড়ের পাড় দেখতে পেয়েচে। (প্রকাশে) আপনি কার অনুসন্ধান কচোন মহাশয়?

নেপথ্যে। আমি রাজীবলোচন মুখোপাধ্যায় মহাশয়ের অনুসন্ধান কচ্চি।

রাজী। কিজন্তে?

নেপথ্যে। দ্বার মোচন করুন, তার পরে বল্চি।

রাজী। কিজন্ত এসেচেন, আর কার নিকট হতে এসেচেন, না বল্যে আমি কখনই পড়া ছেড়ে উঠতে পারিনে—

“মহাতারতের কথা অমৃত সমান।

কাশীরাম দাস কহে শুনে পুণ্য বান ॥”

নেপথ্যে। বাবুজী, রাজীব বাবুর সম্বন্ধের জন্তে আমাকে কণক বাবু পাটিয়েচেন,—আমি ষটক।

রাজী। “কিবা রূপ, কিবা গুণ, কহিলেক তাট।

খুলিল মনের দ্বার, না লাগে কপাট ॥”

নেপথ্যে। নবীনপুরুষেরা স্বভাবতঃ কবিতাপ্রিয়—আমি প্রেমাবুদ, রাজীবের বিচ্ছেদ সন্তপ্ত চিত্তে প্রেমবারি বর্ষণ কতে আমার আগমন।

রাজী। (স্বগত) এই সময় আমার স্বরূত নবীন কবিতাটা কেন শুনিয়ে দিই না। (প্রকাশে)

পীরিতি তুল্য কাঁটাল কোষ।

বিচ্ছেদ আটা লেগেচে দোষ ॥

পঙ্কজ মূল ভাল কি লাগে।



কণ্টক নাগ না যদি রাগে ॥  
চাকের মধু মিষ্টি কি হৈত ।  
মৌমাটি খোঁচা না যদি রৈত ॥  
আইল বিষ পীযুষ সঙ্গে ।  
অঙ্কিত যুগ সোমের অঙ্গে ॥

নেপথ্যে। আপনার অতি সুপ্রাচ্য স্বর—আপনি কপাট উদঘাটন করুন, আমি ভিতরে গিয়ে আপনার নবীন মুখচন্দ্রের অমৃত পান করে পরিতৃপ্ত হই।

রাজী। যেআজ্ঞা। (কপাট উদঘাটন, ঘটকের প্রবেশ, পুনর্বার দ্বার রোধ)

ঘট। আমি অধিকক্ষণ বসতে পারবো না, আপনার দেশ বড় মন্দ, খালকেরা আমাকে বিদেশী দেখে গায় শূলা দিয়েচে, আমি ওপাড়ার আর যাব না।

রাজী। মহাশয়, আপনার বাড়ী আপনার ঘর, এখানে থাকবেন, আপনার অপর স্থানে যেতে হবে না।

ঘট। রাজীব বাবুকে একবার সংবাদ দেন।

রাজী। আজ্ঞা আমারই নাম রাজীবলোচন—ও রামমণি, ওরে কলকেডায় একটু আঙুন দিয়ে যা—(তামাক সাজন) পিতা, ভাতার পরলোক হওয়ারতে সকল ভার আমার কোমল ক্ষেপে পড়েচে। আপনার মধ্যাহ্নে আহ্বার হয়েছিল কোথায়?

ঘট। কনক বাবুর বাড়ী—আমি আপনাকে মূলকাটিতে একটা কথা বলি, আপনি কাহারো তামাসা চাট্টায় ভুলবেন না—এ সম্বন্ধে আপনাকে অনেকে ভাংটি দেবে, আপনার আঙ্গুরি বন্ধু সকলেই এ সম্বন্ধে অসম্মত হবে, আর বলবে পাঁচব্যাটা গাঁজা খোঁরে পিতৃহীন বালকটিকে নষ্ট করে।

রাজী। আপনি আমার পরম বন্ধু, আমি কারো কথা শুনবো না, লোকে সহস্রবার নিবেদন কলোও ফিরবো না, আপনি যে পথে যেমতে লয়ে যাবেন সেই পথে সেইমতে যাবো; আমি মুকব্বিহীন, আপনাকে আমি মুকব্বি কলোম।

ঘট। আপনার কথায় আমি-বড় সন্তুষ্ট হলেম—বরস আপনার এমন অধিক কি, আপনার পিতার ধীশক্তি নাম, অতুল্য ঐশ্বর্য, কুলীনের চূড়ামণি, অতি শিশুকালে বিয়ে দিয়েছিলেন তাই আপনাকে ষোড়শবৎসে বলতে হচ্ছে, নচেৎ এমন বয়সে কত আইবুড়ো ছেলে রয়েছে—এই যে কনক বাবুর পুত্রের বয়স ষোল বৎসর, এক্ষণে তাঁর পুত্রবধূর—পরমেশ্বর করেন না হয়—মৃত্যু হলে কি তাঁর পুত্রকে ষোড়শবৎসে বলে যুগ করা যাবে? কতকর্তারা সকল ভার আমাকে দিয়েচেন, এক্ষণে, এপক্ষের মতের স্থিরতা জানতে পারলে লক্ষ্য নির্ণয় করে শুভকর্ম সম্পন্ন করা যায়।

রাজী। এপক্ষের মতামত কি? মহাশয় সেপক্ষের ভার লয়েচেন, এপক্ষের ভারও মহাশয়ের উপর—ভাষা কথায় বলে “বরের ঘরের পিসী, কনের ঘরের মাসী” আপনিও তাই।

ঘট। আমি আপনার কবিতা শক্তিতে আরো সন্তুষ্ট হইছি; আপনার শাশুড়ীর ইচ্ছে একটি সুরসিক জামাই হয়, যেমন মেয়েটি চটপটে, হেঁয়ালির হারে কথা কয়, তেমনি একটি রসিকের হাতে পড়ে।

রাজী। মেয়েটির বয়স কত?

ঘট। একথা কারো কাছে প্রকাশ করবেন না, মেয়েটি তের উৎসে চোন্দর পড়েচে—ভদ্রলোকের ঘরে অভিভাবক না থাকা বড় ক্লেশ, তোমার স্বশুর, টাকা, গহনা সব রেখে গিয়েচেন; তবু যোটা-যোট করে এমন লোক নাই বলে এতদিন অবিবাহিতা রয়েছে—বাপু তুমি এখন আপনার জন, তোমার কাছে ঢাক ঢাক গুড় গুড় কি, মেয়ের স্ত্রীসংস্কার হয়েছে।

রাজী। ভালইত, তাতে দোষ কি, তাতে দোষ কি?



ঘট। তাওয়ে বয়স গুণে হরেচে তা বোধ হয় না—চম্পক আমাদের অভাবতঃ ক্ষুধপুষ্টি, বিশেষ আহুঁরে মেয়ে, পাঁচ রকম খেতে পায় তাইতে তের বৎসরে ওফটনা ষটেচে।

রাজী। মহাশয় লজ্জিত হচ্ছেন কেন, আমি একপই ত চাই। আমি ত আর পঞ্চম বৎসরের বালকটি নই! বিশেষ আমার সংসারে গিনি নাই, মেয়ে বয়স্থা হলে আমার বানারূপে মঙ্গল।

ঘট। আপনার যেমন মন তেমনি ধন মিলেচে।

রামমণির আগুন লইয়া প্রবেশ।

রাম। (কলিকার আগুন দিয়া) বাবা হুদ গরম করে আন্বো!

রাজী। (মুখ খিঁচিয়ে) বাবা হুদ গরম করে আন্বো, পাঞ্জি-বেটী, আঁটকুড়ীর মেয়ে (মুখ খিঁচিয়া) ওঁয়ার বাবা কেলে বাবা।

রাম। বুড়ো হলে বাহাজুরে হয়, শুলের ব্যাখার মচেন, হুদ—

রাজী। তোর সাতগোষ্ঠির শূল হোক—পাঞ্জি বেটী, দূর হ এখান থেকে, কড়েরাডী, আমার বাড়ী তোর আর জারগা হবে না, তোর ভাতারের বাবা রাখে ভাল, নাহয় নতুন আইন ধরে বিয়ে কর গে।

রাম। তোমার মতিচ্ছন্ন ধরেচে, (রোদন) হা পরমেশ্বর! বিধ-বার কপালেও এত যত্ননা লিখেছিলে, দাসীর মত খেটেও ভাল মুখে দুটো অন্ন পাইনে—বাবা আমি তোমার—

রাজী। আ মলো আবার বলতে নাগলো—ওরে বাছা তুই বাড়ীর ভিতর যা, একজন ভিন্নদেশী লোক রয়েছে একটু, লজ্জা কতে হয়।

রাম। আমার তিন কাল গেচে, আমার আবার লজ্জা কি, আমার যদি গণেশ বেঁচে থাকতো ওঁর চেয়ে বড় হতো।

রাজী। বেটী পাগলের মত কি আবোল তাবোল বকতে লাগলো, তোর কি ঘরে কাজ নেই।

রাম। ব্যাখা আজু ধরিনি?

রাজী। আজো ধরিনি, কালো ধরিনি, কোন দিনও ধরিনি—তোর পায় পড়ি বাছা, তুই বাড়ির ভিতর যা।

রাম। মাগো, খেতে বলো মাতে ধার।

(প্রস্থান।)

রাজী। যেমন মা তেমনি মেয়ে।

ঘট। মেয়েটি অতি ব্যাপিকা—আপনাকে পিতা সম্বোধন কল্যে না?

রাজী। (স্বগত) এই বুঝি কপালে আগুন লাগে।

ঘট। কামিনীটি কে মহাশয়?

রাজী। আমার সতীন ঝি—না, আমার সাবেক স্ত্রীর মেয়ে।

ঘট। মহাশয় আমার পরিভ্রম বিফল হলো।

রাজী। কেন বাবা, অমঙ্গল কথা বলো কেন?

ঘট। উঠিতো আপনার মেয়ে?

রাজী। ঘটক রাজ—

ডুবিয়ে সলিল যদি সীমন্তিনী খায়,

শিবের অসাধ্য, স্বামী দেখিতে না পায়,

ছেলে হয়, গুপ্ত কথা কিন্তু চাপা থাকে ;

কার ছেলে, কার বাপে, বাপ বলে ডাকে।

কামিনী কুমার বটে নিশ্চয় বিচার,

স্বামীর সন্তান বলা লোকে লোকাচার।—

মেয়েটি আমার আমি বলিব কেমনে?

ঘট। মেয়েটির জন্মতো আপনার বিবাহের পর।

রাজী। তারই বা নিশ্চয় কি—ব্রাহ্মণের ঘরে, মহাশয় তো

জাত আছেন, মেয়ের বয়স দশ বৎসর তখনও গর্ভধারিণীর বিবাহ হয় নি।

ঘট। তবে ব্রাহ্মণী কি এই মেয়ে কোলে করে পাক ফিরে ছিলেন?

রাজী। কোলে করে ফিরেছেন, কি হাত ধরে ফিরেছেন তা কি আমার মনে আছে। সে কি আজকের কথা তা আমি তোমার ঠিক করে বলবো, আমার বিবাহের দিন পলাসির যুদ্ধ হয়—ঘটক বাবা, বলে ফেলিচি তার আর কি হবে, বাবা তুমি জানলে জানলে, শাশুড়ী ঠাকুরগকে এ কথা বল না, তোমাকে খুসি করবো, তোমাকে বিদের কতে আমি দশ বিঘা ব্রহ্মতর জমি বেচবো—মাত দোহাই বাবা মনে কিছু কর না, আমি পিতৃ মাতৃ হীন ব্রাহ্মণ বালক সকল তার তোমার উপর, তুমি ওঠে বললে উঠবো, বসে বললে বসবো।

ঘট। আপনি স্থির হন, আমি এমন ঘটক নই যে এ মাগী আপনার মেয়ে বলে আমি বিয়ে দিতে পারবোনা? ওর মা যদি আপনার মেয়ে হয় তা হলেও পিতৃ পা নই।

রাজী। আচ্ছা, আচ্ছা,—বাবা বাঁচালে, আমি বলি তুমি বুঝি রাগ কল্যে।

ঘট। তোমার মেয়েকে আমার এক ভয় আছে।

রাজী। কি ভয়? ওরে আবার ভয় কি?

ঘট। উনি পাছে আপনার নববিবাহিতা প্রণয়িনীকে তাচ্ছিল্য করে মা না বলেন।

রাজী। অবশ্য বলবে। আমার মেয়ে আমার স্ত্রীকে মা বলবে না।

ঘট। সেটা যাচাই না করে আমি কথা স্থির কতে পারি না। কারণ আমাদের মেয়েটা অতিশয় অভিমানিনী, উনি যদি মা না বলেন তা হলে সে অভিমানে গলায় দড়ি দিয়ে মতে পারে।

রাজী। আমি এখন যাচাই করে দিচ্ছি ও—রামমণি! ও রামমণি—ওরে বাছা আর একবার বাহিরে এস।

### রামমণির প্রবেশ।

রাম। আমার আবার ডাক্তো কেন? যে গাল দিয়েছ, তাতে কি মন ওটে নি?

রাজী। না মা তোমাকে কি আমি গাল দিতে পারি! তোমার জন্তে সংসারে মাথা দিয়ে রইচি—তবে একটা কথা বলছিলাম কি—আমি যদি আবার বিয়ে করি তোমার যে নতুন মা হবে, তাকে তুমি মা বলে ডাকবে কি না?

রাম। তোমার বিয়েও যেমন হবে, আমিও তেমনি মা বলে ডাকবো। বুড়ো হয়ে বাহাতুরে হয়েছেন—রাতদিন বিয়ে বিয়ে করে মর্চেন।

রাজী। কি কথায় কি জবাব। ভাল মুখে একটা কথা বলেম, উনি আমার গায় এক হাতা আঙুল ফেলে দিলেন। এখন স্পর্শ করে বল, আমি যারে বিয়ে করবো, তুমি তাকে মা বলবে কি না?

রাম। আমি আঁশবটী দিয়ে তার নাক কেটে দিব, আর তারে পেড়ী বলে ডাকবো।

রাজী। তোর ভাল চিহ্ন নয়, আমাকে রাগাচ্চিস, আপনার মরবার পথ কচ্ছিস। আমার স্ত্রীকে মা বলবি কি না বল?

রাম। বলবো না। কখনো বলবো না! তোমার মা খুসি তাই করো।

রাজী। বলবি নে—

রাম। না।

রাজী। বলবি নে—

রাম। না।

রাজী। তোর বাপ যে সে বলবে! বেরো বেটা এখান থেকে—মাকে মা বলবেন না। হাজার বার বলবি। তুইতো তুই তোর বাপ যে সে বলবে।

( রামমণির বেগে প্রস্থান। )

ঘট। এতো ভারি সর্বনাশ দেখচি।

রাজী। না-বাবা—এতে ভয় পেয়ো না। ব্রাহ্মণী বাড়ী আসছে  
আমি যেমন করে পারি মা বলিয়ে দেব।

ঘট। তোমার মেরেকে আমার আর এক ভয় আছে।

রাজী। আর কি ভয়?

ঘট। উনি যে ব্যাপিকা উনি অনেক ভাংচি দেবেন; উনি  
বলবেন মিছে স্বপ্ন, মিছে বিয়ে, বাজারের বেঞ্চা ধরে কত্রে  
সাজিয়ে দেবে।

রাজী। আমি কোন কথা শুনবো না।

ঘট। বুদ্ধ লোককে লয়ে লোকে এমন কোঁতুকবিয়ে দিবে  
ধাকে এবং পাঁচ টা দৃষ্টিতে দেওয়া যেতে পারে—আমার  
ভাবনা হচ্ছে পাছে আপনি আপনার তনয়ার বাক্পটুতার  
আমাকে সেইরূপ বিবাহের ঘটক বিবেচনা করেন—কেবল কণক  
বারুর অনুরোধে আমার একর্থে প্রস্তুত হওয়া।

রাজী। ঘটক মহাশয়, আমি কচি খোকা নই যে কারো পরা-  
মর্শে ভুলবো, বিশেষ স্ত্রীলোকের কথায় আমি কখন কান দিই না,  
আপনার কোন চিন্তা নাই, আপনি যদি রতা বেটাকে কছা  
বলে সম্প্রদান করেন আমি তাও গ্রহণ করবো—পাজিবাটা,  
নচ্ছার ব্যাটা, ছোট লোকের ছেলের কখন লেখা পড়া হয়?

ঘট। বিয়ে না করেন নাই করবেন, গালাগালি দেন কেন!

(গীত্রোস্থান)

রাজী। ঘটক মহাশয় তোমারে না, তোমারে না, আমার  
মাতা খাও ঘটক বাবা (পদদ্বয় ধারণ পূর্বক) তুমি রাগ কর না,  
আমি রতা নাপ্তকে বলিচি।

ঘট। তবু ভাল (উপবেশন) নাম ধরে গাল দিলে এ ভয়  
হতে পাভো না।

রাজী। রতা নাপ্তে পাজি, রতা নাপ্তে ছোট লোক;  
ঘটকরাজ অতি ভয়, ঘটক মহাশয় অতি সজ্জন, ঘটক বাবা বড়  
লোক।

ঘট। রতা বড় নফ বটে?

রাজী। ব্যাটার নাম কল্যে আমার গা জ্বলে, আমি যদি  
ব্যাটাকে দোঁড়ে ধতে পাতেম তবে এত দিন কীচক বধ কতেম,  
ব্যাটা আমার পরম শত্রু।

ঘট। ঐমের ভিতর আর কেউ আপনার মন্দ কচ্ছে?

রাজী। আর এক মাগী—ঘটকরাজ আমারে মাপ কতে হবে,  
আমি তার নাম কতে পারবো না।

ঘট। আমাকে আপনার অস্থিাস কি?

রাজী। বাবা আমাকে এইটি মাপ কতে হবে।

ঘট। ভয়লোকের মেরে?

রাজী। মহাভারত, মহাভারত—ডোম, বুড়ো, কালো,  
পেড়ী।

ঘট। আপনি স্বপ্নের কথা কারো কাছে ব্যক্ত করবেন না,  
বউ মেরে এনে তবে স্বপ্নের কথা প্রকাশ; আপনি একশত টাকা  
দ্বির করে রাখবেন।

রাজী। আমার দুই শত টাকা মজুত আছে।

ঘট। আপনার বাড়ীতে কোন উদ্বেগ কতে হবে না, আপনি  
শনিবারে সন্ধ্যার পর আমার সঙ্গে যাবেন, রবিবারের প্রাতে  
গৃহিণী লয়ে গৃহে প্রবেশ করবেন। কস্তাকর্তীরা মেরে নিয়ে  
দক্ষিণ পাড়ায় রতন মজুমদারের বাগানে থাকবেন, কণক বারু  
ঐ বাগান তাঁদের জন্ত ভাড়া করেচেন।

রাজী। গোলমালের প্রয়োজন কি, সকল কাজ চুপি চুপি ভাল,  
আমার পায় পায় শত্রু।

ঘট। আমি আজ যাই।

রাজী। আমি একটা কথা জিজ্ঞাসা করি।

ঘট। বলুন না?—সকল বিষয়ের মীমাংসা করে যাওয়া  
উচিত।

রাজী। এমন কিছু নয়—মেরেটির বর্ণটি কেমন?



ঘটক । তরুণ তপন আভা বরণের ভাতি,  
 কাঁচাসোনা চাঁপা ফুল খেয়েচেন নাতি !  
 হেরে আভা, মনোলোভা, ষোণীর মন টলে,  
 খেসারির ডাল যেন বাঁধা মলমলে ।  
 নাসিকার শোভা হেরে চঞ্চল নয়ন,  
 ঈষৎ অরুণ লাজে হয়েছে বরণ,  
 সরমে হেলিয়ে দৌঁছে করিতে বিহিত  
 কানাকানি কানে কানে কানের সহিত ।  
 অধরে ধরে না সুধা সতত সরস,  
 ভিজ়েছে শিশিরে যেন নব তামরস ।  
 গোলাপি বরণ পীন পয়োধর দ্বয়-  
 বিকচ কদম্ব শোভা যাতে পরাজয়—  
 বিরাজে বক্ষের মাঝে নিজ গরিমায়,  
 স্থানাভাবে ঠেকাঠেকি সদা গায়গায় ;  
 তাতে কিন্তু উরজের অঙ্গ না বিদরে,  
 কমলে কমলে লেগে কবে দাগ ধরে ?  
 গঠিত বিমল কুচ কোমলতা সারে,  
 নরম নিরেট তাই দেখ একেবারে ।  
 চিকণ বসনে কুচ রেখেচে ঢাকিয়ে,  
 কাম যেন তাঁবু গেড়ে আছে বার দিয়ে ।

রাজী । “কুচ হতে উচ্চ কেশরী মধ্য খান”—না হয়নি—  
 “কুচ হতে কত উচ্চ মেরু চূড়া ধরে,  
 “কাঁদে কলঙ্কিচাঁদ যুগ লয়ে কোলে—  
 না মহাশয়, ভুলে গিয়েচি—তা এরূপ হয়ে থাকে, কালেকের জল-  
 পানি ওয়ালারাও ঘটকের কাছে চম্কে যায় ।  
 ঘট । “কুচ হতে কত উচ্চ মেরু চূড়া ধরে ।  
 “শিহরে কদম্ব ডরে দাড়িয় বিদরে ॥  
 রাজী । আপনি শাস্ত্রীর কাছে মেরেছুরে নেনেন, বসুবেন  
 এ কবিতাটি আমি বলিচি ।  
 ঘট । শিকারি বিড়ালের গোঁপ দেখলে চেনা যায়—আপনি  
 যে রসিকতা আমি এক “মৌমাচি খোঁচাতেই” জানতে পেরেচি ।  
 রাজী । “চাকের মধু মিষ্টি কি হইত,  
 “মৌমাচি খোঁচা না যদি রইত ।”  
 ঘটক মহাশয় ইটি আমার আপনার রচন ।  
 ঘট । বলেন কি ?  
 রাজী । আজ্ঞা হাঁ ।  
 ঘট । আপনি চম্পকলতার যোগ্য তরু, রাজ্যযোটক হরেচে ।  
 রাজী । আপনি রাত্রে অন্ন আহার করে থাকেন ?  
 ঘট । আজ্ঞা, আমার দক্ষিণ পাড়ায় যাওনের প্রয়োজন  
 আছে, আমি কণক বাবুর ওখানে আহার করবো—কোন কথা  
 প্রকাশ না হয়, কণক বাবু এর ভিতরে আছেন কেউ না জানতে  
 পারে ।  
 [ প্রস্থান ।  
 রাজী । আমার পরম সৌভাগ্য—আমার রাবণের পুরী ধুধু  
 কক্ষে, কামিনীর আগমনে উজ্জ্বল হয়ে উঠবে, (তাকিয়ার

ঘটক। তরুণ তপন আভা বরণের ভাতি,  
 কাঁচাসোনা চাঁপা ফুল খেয়েচেন নাতি !  
 হেরে আভা, মনোলোভা, যোগীর মন টলে,  
 খেসারির ডাল যেন বাঁধা মলমলে ।  
 নাসিকার শোভা হেরে চঞ্চল নয়ন,  
 ঈষৎ অরুণ লাজে হয়েছে বরণ,  
 সরমে হেলিয়ে দৌঁছে করিতে বিহিত  
 কানাকানি কানে কানে কানের সহিত ।  
 অধরে ধরে না সুধা সতত সরস,  
 ভিজছে শিশিরে যেন নব তামরস ।  
 গোলাপি বরণ পীন পয়োধর ছয়-  
 বিকচ কদম্ব শোভা যাতে পরাজয়—  
 বিরাজে বক্ষের মাঝে নিজ গরিমায়,  
 স্থানাভাবে ঠেকাঠেকি সদা গায়গায় ;  
 তাতে কিন্তু উরজের অঙ্গ না বিদরে,  
 কমলে কমলে লেগে কবে দাগ ধরে ?  
 গঠিত বিমল কুচ কোমলতা সারে,  
 নরম নিরেট ভাই দেখ একেবারে ।  
 চিকণ বসনে কুচ রেখেচে ঢাকিয়ে,  
 কাম যেন তাঁবু গেড়ে আছে বার দিয়ে ।

রাজী। “কুচ হতে উচ্চ কেশরী মধ্য খান”—না হয়নি—

“কুচ হতে কত উচ্চ মেরু চূড়া ধরে,

“কাঁদে কলঙ্কিচাঁদ যুগ লয়ে কোলে—

না মহাশয়, ভুলে গিয়েচি—তা এরূপ হয়ে থাকে, কালজের জল-  
 পানি ওয়ালারাও ঘটকের কাছে চম্কে যায় ।

ঘট। “কুচ হতে কত উচ্চ মেরু চূড়া ধরে ।

“শিহরে কদম্ব ডরে দাড়িয়ে বিদরে ॥

রাজী। আপনি শাস্ত্রীর কাছে মেরুমেরে নেবেন, বসুবেন  
 এ কবিতাটি আমি বলিচি ।

ঘট। শিকারি বিড়ালের গোঁপ দেখলে চেনা যায়—আপনি  
 যে রসিক তা আমি এক “মোঁমাচি খোঁচাতেই” জানতে পেরেচি ।

রাজী। “চাকের মধু মিষ্টি কি হইত,

“মোঁমাচি খোঁচা না যদি রইত ।”

ঘটক মহাশয় ইটি আমার আপনার রচন ।

ঘট। বলেন কি ?

রাজী। আজ্ঞা হাঁ ।

ঘট। আপনি চম্পকলতার যোগ, তরু, রাজযোটক হেরেচে ।

রাজী। আপনি রাত্রে অন্ন আহাৰ করে থাকেন ?

ঘট। আজ্ঞা, আমার দক্ষিণ পাড়ায় যাওয়ার প্রয়োজন  
 আছে, আমি কণক বাবুর ওখানে আহাৰ করবো—কোন কথা  
 প্রকাশ না হয়, কণক বাবু এর ভিতরে আছেন কেউ না জানতে  
 পারে ।

[ প্রস্থান ।

রাজী। আমার পরম সৌভাগ্য—আমার রাবণের পুরী ধুধু  
 কক্ষে, কামিনীর আগমনে উজ্জ্বল হয়ে উঠবে, (তাকিয়ার

উপর চিত হইয়া চক্ষু মুদিত করিয়া) আহা! কি অপরূপ রূপ,—সোনার বর্ণ,—মোটামোটা—দ্বিতীয়ে বিয়ে হয়েছে—(নিজ্রা)।

নেপথ্যে। এই বেলা ফুটরে দে, আমি সাপ কেল বো এখন। (রাজীবের অঙ্কুর গলিতে জানলা হইতে কাঁটা ফুটাইয়া দেওন)।

রাজী। বাবারে গিচি—(অঙ্গে সোনার সাপ পতন) খেয়ে ফেলেচে—(নেপথ্যে সাপ টানিয়া লওন) এত বড় সাপ কখন দেখিনি (চিত হইয়া ভূমিতে পতন) একেবারে খেয়ে ফেলেচে করিয়েচে বিয়ে, ও রামমণি, ও রামমণি ও রামমণি, ওরে আবা-গের যেটি ঝটকরে আর, জ্বলেমলাম মারে—কেউটে সাপে কাম-ড়েচে, একেবারে মরিচি, শিগগির আর, আমার গা অবশ হয়েছে, আমার কপালে স্নেহ নাই, আমি এক দিন তার মুখ দেখে মরতেম সেও যে ছিল ভাল—

### রামমণির প্রবেশ।

আঙ্কুরের গলিতে কেউটে সাপে কামড়েচে।

রাম। ওমা তাই তো, রক্ত পড়চে যে, ওমা আমি কোথায় যাবো, ওমা বাবা বই আর যে আমার কেউ নাই—

রাজী। লোক ডাক জ্বলে মলেম; আহা! সর্পাঘাতে মরণ হলো। (দরজার আঘাত)

রাম। ওগো তোমরা এস গো—(দ্বার উন্মোচন) আমার বাবার কাটি যা হয়েছে।

### দুই জন প্রতিবাসীর প্রবেশ।

প্রথম। তাইতো, খুব দাঁত বসেচে—

দ্বিতীয়। সাপ দেখেছিলেন?

রাজী। অঙ্কুর কেউটে—আমার হাতে কামড়ালে আমি

দেখতে পেলেম, তার পর ছা করে গলা কামড়াতে এল, লাপিয়ে এসে নিচের পড়লেম।

প্রথম। রামমণি, দৌড়ে তাদের কুরার দড়া গাছটা আন।

### [ রামমণির প্রস্থান।

(দ্বিতীয়ের প্রতি) তুমি দৌড়ে রতনাপুতেকে ডেকে আন, তার বাপ মরণ কালে তার সাপের মন্ত্র রতাকে দিবে গিয়েচে, সে মন্ত্র অব্যর্থসন্ধান।

### দ্বিতীয়ের প্রস্থান, রামমণির দড়া লয়ে পুনঃ প্রবেশ।

রাম। ওগো, রতনাপুতেদের ছেলেকে ডাকগো, সে বড় মন্ত্র জানে গো—

প্রথম। দড়া গাছটা দাও (দড়া দিয়া হস্ত বন্ধন)।

রাম। (রাজীবের হস্তে চিমটি কেটে) লাগে?

রাজী। আবার কাটো দেখি, (পুনর্বার চিমটি কাটন) কোই কিছুই লাগে না।

রাম। তবেই সর্কনাশ হয়েছে, আমার পোড়া কপাল পুড়েচে।

রাজী। আর কেউ মন্ত্র জানে না?

প্রথম। রত্নার বাপের মন্ত্র সাক্ষাৎ ধনুগুরী, সে মন্ত্র মর্বের সময় আর কারো ছারনি, কেবল রতাকে দিবে গিয়েচে।

রাজী। এমন সাপ আমি কখন দেখিনি—আমার দৌহিত্রকে আন্তে পাঠাও, আমার গা ঢুলচে, আমার বোধ হচ্ছে বিষ মাতার উঠেছে—আহা! কেবল প্রেমের অঙ্কুর হয়েছিল; রাম-মণি তোরে বলবো না ভেবেছিলাম, আমার সর্ষঙ্কের স্থিরতা হয়েছিল, রবিবারে বউ ঘরে আসে; আহা! মরি কি আক্ষেপ, লক্ষ্মী এমন ঘরে আসবেন কেন?

রাম। আবার কে বৃষ্টি টাকা গুলো ফাকি দিবে নেবে—



রাজী। মা! যে নিতো তা আমি জানি—অন্তিমকালে তোমার সঙ্গে কলহ করবো না, তুমি একটু গদাজল এনে আমার মুখে দাও, আমার চক বুঁজে আসুচে—

রাম। বাবা! তোমারে যে কত মন্দ বলিচি, বাবা! তোমারে ছেড়ে থাকবো কেমন করে—

রতনাপুতে, নসীরাম, ভুবনমোহন এবং প্রতি-  
বাসীর প্রবেশ।

রাজী। বাবা রতন, তুমি শাপ ভ্রষ্টে নাপিতের ঘরে জন্ম লয়েচ, তোমার গুণ শুনে সকলেই স্তম্ভাতি করে, তোমার কল্যাণে আমার রক্ত শরীর অপয্যুত্ব হইতে রক্ষা কর।

রতা। (দংশন অবলোকন করিয়া) জাত সাপের দাঁত—

রেতে কাটে জাত সাপ

রাখতে নারে ওঝার বাপ ॥

তবে বন্ধনটা সমর মত হয়েচে ইতে কিছু ভরসা হচ্ছে—একগাছ মুড়ো খাঁড়রা আনুন।

[ রামমণির প্রস্থান।

আপনার গা কি ঝিম্ ঝিম্ করে আসচে?

রাজী। খুব ঝিম্ ঝিম্ করছে, আমি যেন মদ খেইচি।

রতা। যম বুঝি ছাড়েন না।

মুড়ো বাঁটা হস্তে রামমণির পুনঃ প্রবেশ।

ও এখন রাখ, দেখি চপেটাঘাতে কি কত্তে পারি। (আপনার হস্তে ফুঁ দিয়া রাজীবের পৃষ্ঠে তিন চপেটাঘাত) কেমন মহাশয় লাগে?

রাজী। রতন লাগে বুঝি—বড় লাগে না।

রতা। তবে সংখ্যা বৃদ্ধি কত্তে হলো (সাত চপেটাঘাত)।

রাজী। লাগে যেন।

রতা। ঠিক করে বলো—যেন বিষ থাকতে লাগে বলে সর্বনাশ কর না।

রাজী। আমার ঠিক মনে হয় না, আবার মারো।

রতা। আমার হাত যে জ্বলে গেল—(প্রতিবাসীর প্রতি) মহাশয় মাতে পারেন, আমি আপনার হস্ত মন্ত্রপূত করে দিচ্ছি।

প্রথম। না বাপু আমি পারবো না—এই ভুবনকে বলে।

রতা। ভুবন তোমার হাত দাও তো। (ভুবনের হস্তে ফুঁ দেওন) মার।

ভুবন। (স্বগত) আমাদের ভাত পচিয়েচ, আমাদের একঘরে করেচ—(প্রকাশে) ক'চড় মাতে হবে?

রতা। তিন চড়।

ভুবন। (গণনা করে চপেটাঘাত) এক—তুই—তিন—চার—পাঁচ—

প্রথম। আর কেন।

রতা। হোক, তবে সাতটা হোক।

ভুবন। এই পাঁচ—এই ছয়—এই সাত।

রতা। কেমন মহাশয় লাগুচে?

রাজী। চপেটাঘাতে পিট কুলে উঠেচে ও তার উপরে মাছে, আমি কিছুই বোধ কত্তে পাচ্চিনে।

রতা। মূল মন্ত্র তিন্ন বিষ যায় না—(মন্ত্র পাঠ)

এলো ছুলে বেনেবউ আলতা দিয়ে পায় ।  
 নোলোক নাকে, কলসি কাঁকে, জল আনতে যায় ॥  
 আঁচোল বয়ে, উঠলো গিয়ে, হলদে সেপো ব্যাং ।  
 ফুমের ঘোরে, কামড়ে ধরে, তার একটা ঠ্যাং ॥  
 তাইতে সতী, গর্ভবতী, পতি নাইকো ঘরে ।  
 হায় যুবতী, মৌনবতী, বাক্য নাহি সরে ॥  
 দৈবযোগে, অমুরাগে, সাপের ওঝা যায় ।  
 হেঁসে হেঁসে, কেশে কেশে, তার পানেতে চায় ॥  
 কুলের নারী, বলতে নারি, পেটে দিলে হাত ।  
 ওঝার কোলে, বিলের জলে, কল্যে গর্ভপাত ॥  
 হাত পা হলো বেঙ্গের মত মাহুঘের মত গা ।  
 গলা হলো হাড়গিলের মত, শূয়োরের মত হাঁ ॥  
 মা পালালো, বাপু পালালো, রইলো কচিখোকা ।  
 কচ্ মচিয়ে চিবিয়ে খেলে দশটা শুঁয়ো পোকা ॥  
 ঘোড়া কেনো পুড়িয়ে খেলে কেঁচো দিয়ে তাতে ।  
 আঙ্গুলে ধলে কেউটে হুটো, গক্রো ধলে দাঁতে ॥  
 উড়ে এলো গরুড় পাকি আকাশের কাজ ফেলে ।  
 এক ঠোকোরে নিয়ে গেল শূয়োর মুখো ছেলে ॥  
 আঙ্গুল গুলো রইল পড়ে খগপতির বরে ।  
 টেঁচে ছুলে মুড়ো কাঁটা ওঝার বাপে করে ॥  
 কাঁটার চোটে, আগুন উঠে, কেউটের ভাঙ্গে ষাড় ।  
 হাড়ির বি, পেঁচোর মার আজ্ঞা, শিগগির ছাড় ॥

( তিন ঘা কাঁটা প্রহার ) গা কি চুলুচে ?

রাজী । বাবা রতন, তুমি ওরেটার নামটা বলনা ।

রাম । মজ্রে আছে তা কি করবে—তুমি আবার মজ্র পড়ে ।

রাজী । এবার ও নামটা মনে মনে বলো ।

রাম । রোগিতে মজ্র না শুন্লে কি মজ্র কলে ?

রত । চূপ কর ফো— ( রাজীবের মুখের কাছে কাঁটা নাড়িয়া পুনর্বার মজ্র পাঠানন্তর তিন ঘা কাঁটা প্রহার করিয়া ) কিরূপ বোধ হয় ?

রাজী । আমার বাপু গা যুঁচে, বিবে যুঁচে কি কাঁটার যুঁচে তা আমি বলতে পারিনে—শেষের কাঁটা শুনো বড় লেগেচে ।

রত । আর তর নাই—( একটি কাঁটার কাটি ভাঙ্গিয়া আঙ্গুলের ঘা মুখে কুটাইয়া দেওন )

রাজী । ষাবারে মরিচি, জ্বালাটা একটু খেমেছিল, আবার জ্বালিয়ে দিলে, বড় জ্বালা কছে, মলেম ।

রত । বাচলেম—এখন দশ কলসী কুয়ার জল দিয়ে নাইয়ে আনো ।

[ রাজীব, রামমণি ও প্রতিবাসীদিগের প্রস্থান ।

ভুবন । আমি ভাই ব্যাটাকে খুব মেরেচি ।

রত । সে বোতলটা কোই ?

মসী । এই ষে ।

রত । ( বোতল গ্রহণ করিয়া ) ব্যাটাকে এই আরোকটি খাইয়ে যাব ।

ভুবন । কিসের আরোক ?

রত । এতে ভাঁট পাতার রস আছে, মিউলি পাতার রস আছে, বুড়ো গোঁকর চোনা আছে, ত্যাণ্ডার তেল আছে, পাজ রসুনের রস আছে, কুইনাইন আছে, লবণ আছে; এর নাম “ মরামৃত ” ।

নরায়ণত কল্যে পান।

সশরীরে স্বর্গে যান ॥

মরামৃতের সহস্র গুণ—

বালি পেটে বাঁজা বড় মরামৃত খায়।

সাতছেলে, পায় কোলে, পতি পাড়ে পায় ॥

ভুবন। হরে শুঁড়ির দোকান থেকে একটু মদ দিলে হত।

রতা। আমি সে মত করেছিলাম, ননী বলে বুড়োর ঋণ নষ্ট হবে।

ননী। চূপ কর, আসুচে।

রাজীব এবং প্রতিবাসীঘরের  
প্রবেশ।

রতা। হস্তের বন্ধন খুলে দেন, আমি মরামৃত খাওয়াই।  
দ্বিতীয়। (হস্তের বন্ধন খুলিয়া) তোমার বাপের সেই  
আরোক বটে?

রতা। আজ্ঞা হ্যা—(রাজীবের গালে আরোক ঢালিয়া  
দেওন)।

রাজী। ও রামমণি—ওরাঃ কি খাওয়ালে—ও রামমণি, ওরে  
জল নিয়ে আর, গন্ধ দেখ, ওরাঃ ওরাঃ মলেম; ও রামমণি ওরে  
দৈবুর পাতা নিয়ে আর—ওরাঃ।

প্রথম। ও বড় মাতরর ঔষধি, উটি উদরে খারণ করে  
রাখুন।

রাজী। ওমা গেলেন, আমার সাপের কামড় যে ভাল ছিল—

ওরাঃ—আমার মরা যে ভাল ছিল—গন্ধে মরে গেলেন, নাড়ি  
উঠনো—ওরাঃ ওরাঃ।

রতা। নির্ঝাধি হয়েচেন, ঔষধ বেশ ধরেচে।

রামমণির প্রবেশ।

বাড়ীর ভিতর লরে যাও—রাত্রিতে কিছু আহার দেবে না,  
তুই তিন বার দাস্ত হলেই মদল, বিব একেবারে অন্তর্ধান  
করবে।

[ রামমণি, রাজীবের একদিকে, অপর সকলের অপর  
দিকে প্রস্থান।

প্রথম অঙ্ক।

তৃতীয় গর্তাঙ্ক।

রাজীব মুখোপাধ্যায়ের রমুই ঘরের রোয়াক।

রামমণি ও গৌরমণির প্রবেশ।

রাম। টাকার না হয় কি? টাকা নিয়ে মেয়ে মেচোবাজারে  
বেচতে পারে, বুড়ো বরকে দিতে পারে না?

গৌর। আমার বোধ হয়, ও পাড়ার ছোঁড়ারা, মিছে মিছি  
সম্বন্ধ করেছে; মেয়ে টেয়ে সব মিথ্যে।

রাম। আমি গরলা বউকে কণক বাবুর কাছে পাঠিয়েছিলাম,  
তিনি বলেন রক্ত ব্রাহ্মণ মূরি করবে, তাইতে একটি মেয়ে হির  
করে দিইচি, আমার এই জ্ঞে বিশ্বাস হচ্ছে, তা নইলে কি আমি  
বিশ্বাস করি।

গৌর। মেয়েটির না কি বয়েস হয়েছে?

রাম। যত বয়েস হক, বাবার সঙ্গে কখনই সাজবে না—তার  
কুকি মা নেই, তা থাকলে কি এমন বুড়ো বরকে বিয়ে দেয়। একা-  
দশীর ভুলন্ত আগুনে কাঁচা মেয়ে ফেলে।



গৌর। আছা! দিদি! মা বাপু যদি একাদশীর জ্বালা বুক-  
তেন তা হলে এত দিন বিধবা বিয়ে চলতো।

রাম। গৌর, বিধবা বিয়ে চলিত হলে তুই বিয়ে করিসু?

গৌর। আমার এই নবীন বরস, পূর্ণ যৌবন, কত আশা কত  
বাসনা মনের ভিতর উদয় হচ্ছে, তা গুণে সংখ্যা করা যায় না—  
কখন ইচ্ছা হয় জীবনাধিক প্রাণপতির সঙ্গে উপবেশন করে  
প্রণয়গর্ভ কথোপকথনে কাল যাপন করি; কখন ইচ্ছা হয়, পতির  
প্রীতিজনক বসন ভূষণে বিভূষিত হয়ে স্বামীর কাছে বসে তাঁকে  
ভাত খাওয়াই; কখন ইচ্ছা হয় এক বয়সী প্রতিবাসিনীদের সঙ্গে  
ঘাটে গিয়ে নিজ নিজ প্রাণকান্তের কোঁতুক কথা বলতে বলতে  
স্নান করি; কখন ইচ্ছা হয় আনন্দময় কচি খোকা কোলে করে  
স্তনপান করাই, আর ছেলের মাতার হাত বুলাতে বুলাতে ঘুম  
পাড়াই; কখন ইচ্ছা হয় পুত্রকে পাঙ্কিতে বসিয়ে জিজ্ঞাসা  
করি “বাবা তুমি কোথা যাচ্ছো,” আর পুত্র বলেন “মা আমি  
তোমার দাসী আনতে যাচ্ছি,” কখন ইচ্ছা হয় মারামরী  
মেরের সাথে পাড়ার মেয়েদের নিমন্ত্রণ করে কোমরে আঁচল  
জড়িয়ে পরমানন্দে পরমায় পরিবেশন করি। দিদি! ভাল  
খেতে, ভাল পতে, ভাল করে সংসার ধর্ম কত্তে কার না সাধ  
যায়?

রাম। আছা! পরমেশ্বর অনাধিনী করেচেন কি করবে দিদি  
বলো।

গৌর। দিদি! বালিকা বিধবাদের কত যাতনা—একাদশীর  
উপবাসে আমাদের অঙ্গ জ্বলে যায়, পেটের ভিতর পাঁজার আঁগুন  
জ্বলতে থাকে, জ্বর-বিকারে এমন পিপাসা হয় না। এক খান খাল  
নিয়ে পেটে দিই, তাতে কি জ্বালা নিবারণ হয়! দ্বাদশীর দিন  
সকালে গালা কাটের মত শুকিয়ে থাকে, যেমন জল ঢেলে দিই  
তেমনি গালা চিরে যায়, তার জন্তে আবার কদিন ক্লেশ পেতে  
হয়। আমি যখন সধবা ছিলাম, তখন তিনবার ভাত খেতেম,

এখন একবার বই খেতে নাই; রেতে খিদের যদি মরি তবু আর  
খেতে পাব না। দেখ দিদি এসব পরমেশ্বর করেন নি, মানুষে  
করেচে, তিনি যদি কতেন তবে আমাদের ক্ষুধা, পিপাসা, আশা,  
বাসনা স্বামীর সঙ্গে ভঙ্গ হয়ে যেতো।

রাম। গৌর! তুই প্রথম প্রথম কোন কথা বলতিসনে, এখন  
তোর এত ক্লেশ বোধ হচে কেন বল দেখি?

গৌর। দিদি, প্রথম প্রথম প্রাণপতির শোকে এমনি ব্যাকুল  
হয়েছিলেম আর কোন ক্লেশ ক্লেশ বোধ হত না; দিদি বিধবা  
হওয়ার মত সর্বনাশতো আর নাই, তাতেইতো আগে সমরণে  
বাগুরা পদ্ধতি ছিল, প্রত্যাহ একটু একটু করে মরার চাইতে একে  
বারে মরা ভাল।

রাম। আছা! যিনি সমরণের পদ্ধি উঠিয়ে দিলেন, তিনি  
যদি বিধবা বিয়ে চালিয়ে যেতেন তাহলে বিধবাদের এত যন্ত্রণা  
হতো না।

গৌর। যে দিন পতি মলেন সে দিন মনে করেছিলেম, আমি  
প্রাণকান্ত বিরহে এক দিনও বাঁচবো না, আর প্রতিজ্ঞা কল্লেম  
অনাহারেই মরবো—কিন্তু সময়ে শোকে মাটিপড়ে, এখন আর  
আমার সে ভাব নাই—আমি কি নিষ্ঠুর, যে পতি আমাকে প্রাণা-  
পেক্ষাও ভাল বাসতেন, আমি সেই পতিকে একেবারে বিশ্বৃত  
হইচি! দিদি, আমার প্রাণপতি আমাকে অতিশয় ভাল বাসতেন,  
আমিও তাঁর মুখ এক দণ্ড না দেখলে বাঁচতেম না—দিদি, বিধবা  
বিয়ে চলিত হলেও আমি আর বৃষ্টি বিয়ে কত্তে পারবো না।

রাম। অনেক মেয়ে দ্বিতীয়ে বিয়ে না হতে বিধবা হয়েছে,  
তারা স্বামী কখন দেখিনি, তাদের বিয়ে দিলে দোষ কি?

গৌর। ছোট মেয়েটাই কি, আর বড় মেয়েটাই কি, বিধবা  
বিয়েতে দোষ নাই। বিধবা বিয়ে চলে গেলে কেউ বিয়ে করবে  
কেউ করবে না, এখন পুরুষদের মধ্যেওতো অমনি আছে, মাগু  
মলে, কেউ বিয়ে করে, কেউ বিয়ে করে না, কিন্তু তা বলেতো এমন

কিছু নিয়ম নাই যে এত বরসে দ্বিতীয় পক্ষে বিয়ে হবে; এত বরসে দ্বিতীয় পক্ষে বিয়ে হবে না। সকল দেশে বিধবা বিয়ের রীতি আছে, আমাদের শাস্ত্রে বিধবার বিয়ে দেওয়ার মত আছে, সে-কালে কত বিধবা বিয়ে হয়েছে, রামায়ণে শোনানি বালি রাজা বলে তারার বিয়ে করেছিল, রাবণের রাণী মন্দোদরী বিধবা হয়ে বিয়ে করেছিল—সবলোক মূর্খ, কেবল আমার বাবা আর কলকাতার বন্দ পঞ্চানন পণ্ডিত।

রাম। বাবা বাহাত্তরে হয়েছেন, ওঁর কিছু জ্ঞান আছে, উনি—সেদিন স্কুলের পণ্ডিতের সঙ্গে বিচার কতে কতে বলেন বিধবার বরঞ্চ উপপতি কতে পারে তবু আবার বিয়ে কতে পারে না—আমার তিন কাল গেছে এক কাল আছে আমার ভাবনা ভাবিনে—বাবা যদি আপনার বিয়ের উদ্যোগ না করে তোর বিয়ের উদ্যোগ কতেন তা হলে লোকেও নিন্দে করতো না। আর তোর পাঁচটা ছেলে পিলে হতো মুখে সংসার ধর্ম করতে পাতিস্, স্বাভিনী হলে থাকতে হতো না।

গৌর। সতীত্বের মহিমা যে জানে, সে সখবাই হক্ আর বিধবাই হক্ প্রাণপণে সতীত্ব রক্ষা করে, আর যে সতীত্বের মহিমা জানে না সে পতি থাকলেও কুপথে যায়, পতি না থাকলেও কুপথে যায়। বাবা ভাবেন কেবল উপপতি নিবারণের জন্যে বিধবা বিয়ের আন্দোলন হচ্ছে।

সুশীলের প্রবেশ।

সুশী। ছোট মাসি! এই পুস্তক খানি আপনার জন্যে এনিচি।

গৌরমণির হস্তে পুস্তক দান।

রাম। সুশীল আজ্জি যাবে?

সুশী। আমি কি থাকতে পারি, কাল আমাদের কালেক্সুলবে।

গৌর। তোমাদের ইংরাজি পড়া হয় না।

সুশী। হয় বই কি—এখন সংস্কৃত কালেজে ইংরাজিও পড়া হয়, সংস্কৃতও পড়া হয়।

গৌর। মেজদিদিকে বলো, বাবা কারো কথা শুনবেন না, বিয়ে করবেন।

সুশী। তোমরা যেমন পাগল তাই বিয়ের কথা বিশ্বাস কলো—আমি আর একদিন থাকলে কোন্ ছোড়া ঘটক সেজেচে ধরে দিতে পাতেন।

রাম। না বাবা মিছে নয়, আমি দেখিচি ঘটক ভিন্দেপি; অর্গার কেউ না।

সুশী। বেশ তো বিয়ে করেন তোমাদেরই ভাল, তোমরা তিন বৎসর মাতৃহীন হয়েচ আবার মা পাবে।

গৌর। তুমি যাকে বিয়ে করে আনবে সেই আমাদের মা হবে, বাবা যাকে বিয়ে করে আনবেন সে ছোট লোকের মেয়ে, সে কি আমাদের স্থল দেবে, না আমাদের স্নেহ করবে!

সুশী। তোমরা নিশ্চিত থাক, ঠাকুরদাদার কখনই বিয়ে হবে না—

পেঁচোর মার প্রবেশ।

এই তোমাদের মা এয়েচে—কেমন পেঁচোর মা তুই মাসিমাদের মা হতে এইচিস্ না?

পেঁচো। মোর তো ইচ্ছে; বুড়ো যে মোরে দেখলি কেম্ড়ে খাতি আসে।

গৌর। ওমা পোড়ার মুখে মাসী বলে কি!

রাম। পাগলের কথায় তুই আবার কথা কচ্চিস্।

সুশী। ও পেঁচোর মা, তুই বুড়ো বামুনকে বিয়ে করবি?

পেঁচো। মুই তো আজ্জি আচি, বুড়ো যে আজ্জি হয় না।

গৌর। মাসী বুঝি পাগল হয়েচে—হাঁলা পেঁচোর মা তুই যে ডুম্বনি, বামনের ছেলেরে বিয়ে করবি কেমন করে?

পেঁচো। ডুম্বনি বাম্বনি তি উপাত টা কি? তোমরাও প্যাট  
জ্বলে উটলি খাতি চাও, মোরাও প্যাট জ্বলে উটলি খাতি চাই;  
তোমরাও গালাগালি দিলি আগু কর, মোরাও গালাগালি দিলি  
আগু করি; তোমার বাবা মরিলেও মুকি বাঁস; মুই মলিও মুকি  
বাঁস; তাঁনারও দাঁত পড়েচে, মোরও দাঁত পড়েচে, তবে মুই  
কোম্ব হলাম কিদি?

রাম। আ বিটি পাগুদি, বাম্বনের মর্যাদা জাম না—বাবার  
গলার একগাছ দড়ি আছে দেখনি?

পেঁচো। দড়ি থাকুলি কি মোরে বিরে কতি পারে না? তিতে  
ডোমের এঁড়ে শোরডার গলার যে দড়ি আছে, মোর খাঙী  
শোরডার গলার যে দড়ি নেই, মোর খাঙীডের তো ছানা হতি  
লেগেচে।

গোর। চুপ কর আবাগের বেটি—সুশীলকে ভাত খাও  
দিদি।

সুশী। ঠাকুর দাদা আসুন, একত্রে খাব।

রাম। বাবাকে বিরে কতে তোর যে বড় ইচ্ছে হলো?

পেঁচো। ঠাকুরবরের বরে বুড়োবামন যদি মোর বর হয়, মুই  
নকড়ার সিন্নি দেব।

রাম। বাবা তোরে কিছু বলেচে না কি?

পেঁচো। বুড়ো কি মোরে দেখতি পারে?—মুই স্বপোন  
দেখিচি, আর মাপিংগার ছেলে মোরে বলেচে।

গোর। কি স্বপোন দেখিচিসু?

পেঁচো। ছাল সাকি—মোরে য্যান বুড়ো বামন বে কলে,  
মুই য্যান ওনার কোলে ছেলে দিচ্ছি।

রাম। এ মাগী বাবার চেয়ে ক্ষেপে উঠেচে।

পেঁচো। স্বপনের কথা অ্যাটটা হুটো সত্যি হয়, মুই ভাবতি  
ভাবতি যাতি নেগিচি, মোরে কতা নাপ্তে ডাকলে।

সুশী। কতা কি?

পেঁচো। মুই ও নামডা খতি পারিনে, মোর মিন্‌সের নামে  
বাদে।

গোর। অর মাগী হাবি—তার নাম হলো রামজি এর নাম  
হলো রতা।

পেঁচো। মা ঠাকুরোণ ভেবে ছাকো, অতা বলতে গেলি  
তানার নাম আসে।

সুশী। আচ্ছা আসে আসে, ফতা কি বলেচে বল।

পেঁচো। ফতা বলে, পেঁচোর মা তোর কপাল ফিরেচে,  
নগোদিপিপ্ত ভসুচাজ্জি বস্তা দিরেচে তোর সাথে বামনের বিরে  
হবে।

রাম। নরদ্বীপের পশুতরা বাস খায়, এমনি ব্যবস্থা দিতে  
গিরেচে।

পেঁচো। টাক পালা তানারা গোক খাতি বস্তা দিতি পারে,  
মোর বের বস্তাজো ডুচ্চু কথা।

গোর। আচ্ছা বাছা তুই এখন যা, বাবার আস্বের সময়  
হয়েচে আবার তোরে দেখে গালে মুখে চড়িয়ে মরবেন।

পে। স্বপোন যদি ফলে।

ঝোলবো তানার গলে ॥

হাতে দেব রুলি।

মোম দেব চুলি ॥

ভাত খাব থালা থালা।

তেল মাকুবো জালা জালা ॥

নটের মুকি দিয়ে ছাই।

আতি দিনি শুয়োর খাই ॥



রাম। মাগী একেবারে উন্মাদ হয়েছে।

সুশী। হাঁরে পেঁচোর মা শুকরের মাংস কেমন লাগে?

পেঁচো। খুনো নেরকোল খ্যারেচো?

সুশী। খেইচি।

পেঁচো। তবিই খ্যারোচো।

গৌর। হুর আবাগের বেটি।

পেঁচো। মাঠাকুরোণ আগ কর ক্যানো, শুরোরের মাংসো কলি না পেভায় বাবা ঠিক নেরকোলের মতো খাতি।

রাম। পেঁচোর মা তুই যা, তা নইলে আবার বাবার কাছে মার খাবি।

পেঁচো। সুই অ্যাঁচটা শুরোরের ট্যাং সলসা পোড়া করিচি, তেল হুন আবানে খাতি পাচ্চি নে, য়োরে এট্টু তেল হুন দাও সুই যাই।

[ তৈল লবণ গ্রহণানন্তর পেঁচোর মার গ্রস্থান।

রাম। আমার ব্রতটা পচে গেল তবু বাবা দুটি টাকা দিতে পারলেন না, শুন্টি ষটক মিন্‌সেকে সাড়ে বারোগুণা টাকা দিয়েচেন।

সুশী। বিয়ে যত হবে তা ভগবান জানেন, টাকা গুলিন কেবল অনর্থক অপব্যয় হচ্ছে।

রাজীবের প্রবেশ।

রাজী। (আসনে উপবেশন করিয়া) তুমি কি এখানে হুদিন থাকতে পারনা; আজোতো নাভবউ হয়নি যে কান মলে দেবে!

রাম। গৌর, তুই পান ভৈয়ের করগে আমি ভাত আনি।

[ রামমণি ও গৌরমণির গ্রস্থান।

রাজী। তোমার জলপানি কোন্ মাস হতে পাবে?

সুশী। গত মাস হতে পাবে।

রাজী। কটাকা করে দেবে?

সুশী। আট টাকা।

রাজী। উপরি কি আছে?

সুশী। যারা মতোর মাহাত্ম্য জানে, তারা উপরি কাকে বলে জানে না।

রাজী। অপর লোকের কাছে এইরূপ বলতে হয়, কিন্তু আমার কাছে গোপন করার আবশ্যিক কি?

সুশী। আপনি বিবেচনা করেন আমি মিথ্যা কথা বলে থাকি।

রাজী। দোষ কি, তোমাদের একালে কেমন এক রকম হয়েছে, মিথ্যা কথা কবে না, ভালতেও না, মন্দতেও না—যখন দাঁও প্যাঁচের দ্বারা অর্থ লাভ হয় তখন মিথ্যা বলতে দোষ নাই। আমি তো আর সিঁদ কাটি গাড়িয়ে চুরি কতে বল্‌চিনে। কলমের জোরে কিবা মোড় দিয়ে যে টাকা নিতে পারে সেতো বাহাদুর।

সুশী। আপনি যে রূপ বিবেচনা করুন, আমার কোনরূপ প্রতারণা অথবা মিথ্যার মম যাত্রনা। যবনের অন্ন খেতে আপনাদের যে রূপ ঘৃণা হয়, আমার মিথ্যা প্রবন্ধনার সেইরূপ ঘৃণা হয়।

রাজী। তোমার বাপ অতি মুর্থ তাই তোমারে কালেজে পড়তে দিয়েছে—কালেজে পড়ে কেবল কথার কাণ্ডেন হয়, টাকার পস্থা দেখে না—সৎপরামর্শ দিতে গেলেম একটা কহুত্তর করে বস্লে।

সুশী। আপনি অস্থায় বলেন তা আমি কি করবো—জলপানি আট টাকা পাই তাতে আবার উপরি পাবে কি?

রাজী। আরে আমি মল্লিকদের বাড়ী পাঁচ টাকা মাইনেতে পঞ্চাশ টাকা উপার্জন করিচি। যদি কেবল পাঁচ টাকায় নির্ভর কর্তেম তা হলে বাড়ীও কতে পাত্তেম না, বাগানও কতে পাত্তেম না, পুহুরও কতে পাত্তেম না—একবার আমারে চুন কিন্তে পাঠিয়েছিল আমি দরের উপর কিছু রাখ্লেম আর বাচি

মিস্ত্রে কিছু পেলেম—এরূপ সকলেই করে থাকে, তুমিও উপরি পেয়ে থাকো, পাছে বুড়ো কিছু চায় তাই বল্চো না, বটে ?

সুশী। হ্যাঁ উপরি পেয়ে থাকি।

রাজী। কত ?

সুশী। রবিবার আর ঐশ্বের অবসর।

রাজী। সে আবার কি ?

সুশী। এসময় কালেজে যেতে হয় না কিন্তু জলপানি নাই।

রামমণির ভাত লয়ে প্রবেশ।

রাজী। দাও ভাত দাও—ওদের সঙ্গে আমাদের আলাপ করাই অনুচিত।

রাম। (ভাত দিয়া) বেদনাটা সেরেচে ?

রাজী। না আজো টন্ টন্ কছে।

সুশী। পায় কি হয়েছে।

রাম। পাড়ার ছোঁড়ারা খেপিয়ে ছিল, তাদের তাড়া করে গিয়েছিলেন, খানার পড়ে পাটা ভেঙ্গে গিয়েচে।

রাজী। বিকাল বেলা একটু চুন হলুদ করে রাখিস্।

রাম। রাখবো। আহা বুড়ো শরীর বড় লাগন লেগেচে—তা বাবা তুমি রাগ কর কেন, পেঁচোর মা হলো ডোম, পেঁচোর মারে তুমি বিয়ে কতে গেলে কেন ?

রাজী। তুইও গোলাই গিইচিস্, তুইও লাগলি, তুইও খ্যাপাতে আরস্ত কলি—খা বিটি ভাত খা। (তুই হস্ত দ্বারা রামমণির অঙ্গে অন্ন ছড়াইয়া দেওন) খা আবাগের বিটি, ভাতও খা, আমায়েও খা—

[ বেগে প্রস্থান। ]

সুশী। এমন পাগল হয়েচেন।

রাম। এমন পোড়া কপাল করেছিলেম—ঘর দোর সব সগুড়ি হয়ে গেল।

সুশী। বাই আমি তাঁকে শাস্ত করে আনি।

রাম। যাও—আমি না নাইলে হেন্দেলে যেতে পারবো না।

[ উভয়ের প্রস্থান। ]

## দ্বিতীয় অঙ্ক।

প্রথম গর্ভাঙ্ক।

বাগানের আটচালা।

ভুবন, নসীরাম এবং কেশবের প্রবেশ।

কেশব। ষটকটা পেলে কোথায় ?

ভুব। ও ইন্স্পেক্টার বাবুর কাছে এসেচে, উমেদার, স্কুলের পণ্ডিত প্রার্থনা করে।

কেশ। ও যেরূপ বুদ্ধিমান সর্কাগ্রে ওকে কর্ম দেওয়া উচিত।

রতা নাপুতে এবং লোক চতুর্ঘয়ের প্রবেশ।

রতা। বর আস্বের সময় হয়েছে আমরা সাজিগে।

ভুব। এঁদের বাড়ী কোথায় ?

রতা। সে কথা কাল বলবো—ইনি হবেন কনের কাকা, ইনি হবেন কনের মেসো, ইনি হবেন কনের দাদা, ইনি হবেন পুরোহিত।

কেশ। আমি ভাই ঠাকুরি সাজবো, তা নইলে ব্যাটার সঙ্গে কথা কওয়া যাবে না।

রতা। আচ্ছা তুমি হবে বড় ঠাকুরি, ভুবন হবে কনের বিয়ান,

নসীরাম হবেন সালাজ। আমিত ছাইক্যলুতে ভাদ্রা কুলো আছি, বুড়ো ব্যাটার মাগ সাজ্জবো।

কেশ। আমাদের অধিক খরচ হবে না, বড় জোর দশ টাকা, আমরা একটা চাঁদা করে দেব। বুড়ো যে টাকা দিয়েচে তা ওর মেয়ে ছটিকে দেব, তাদের ভালকরে খেতেও দেয় না।

রতা। গিন্টিকরা গহনার যা খরচ হয়েছে আর খরচ কি। এস আমরা যাই (লোক চতুর্ফরের প্রতি) আপনাদিগের যেরূপ বজ্জে দিইচি সেইরূপ করবেন।

[ লোক চতুর্ফর ব্যতীত সকলের প্রস্থান। ]

কাকা। রতানাপুতে ভারি নক্সে।

মেসো। বুড়ব্যাটা যেমন নফত তেমনি বিয়ের জোগাড় হয়েছে।

দাদা। বেস বাসরখর সাজিয়েছে।

ঘটক এবং বরবেশে রাজীবের প্রবেশ।

গদির উপর রাজীবের উপবেশন।

কাকা। এই কি বর, কি সর্কনাশ, ঘটক মহাশয় সব কতে পারেন—সোনার চম্পক এই মড়ার হাড়ে অর্পণ করবো, আমিত পারবো না।

ঘট। মহাশয় পাঁচ দিক্ বিবেচনা করুন—

কাকা। রাখো তোমার পাঁচ দিক্, দশ দিক্ হলেও মড়িপোড়ার ছেঁড়া মাজুরে মেয়ে দিতে পারবো না—দাদারি যেন পরলোক হয়েছে, আমিত জীবিত আছি, চম্পক আমার দাদার কত সাধের মেয়ে, শশান ঘাটের শুকনা বাঁসে সেই মেয়ে সম্প্রদান করবো? বলেন কি? এমন সর্কনাশ করেচেন, এই জন্তে দাদা আপনাকে বন্ধু বলতেন—আরে টাকা! টাকা খেয়ে আমাদের এই সর্কনাশ কল্যেন।

দাদা। খুড়া মহাশয় এখন উতলা হওনের সময় নয়।

রাজী। বাবা তুমিই এর বিচার কর।

ঘট। ইনি তোমার শালা তোমার শ্বশুরের জ্যেষ্ঠ পুত্র।

রাজী। তবেত আমার পরম বন্ধু—দাদা তুমি আমার মেগের ভাই, মাতার মাতুলি, কপালের তিলক, আমি তোমার খড়মের বোলো, তোমার ইংরাজি জুতার ফিতে, দাদা আমার হয়ে তুমি ছটো বলো তা নইলে আমি ঘাটে এসে দেউলে হই, আমার গোয়ালপাড়ার সন্ন্যাসের নৌকা হাটখোলার নিচের ডোবে।

কাকা। আহা মেয়েত না যেন সিংহবাহিনী—হুঃসময় পেয়ে ঘটক মহাশয় কালসর্প হলেন।

দাদা। যখন কথা দেওয়া হয়েছে বিবাহ দিতে হবে।

রাজী। মরদ্ কি বাৎ

হাতিকি দাঁৎ।

কাকা। তা হলো ভাল তোমরা যেমন বিধবা বিবাহের সহায়তা করে থাক তেমনি ছুরার বিধবা বিবাহ দিতে পারবে।

দাদা। মুখোপাখ্যার মহাশয় এমন কি রুদ্ধ হয়েছেন যে সহসা মৃত্যুর প্রাণে প্রবেশ করবেন। যদি মরেন চম্পকের পুনর্বার বিবাহ দেওয়া যাবে, তাতে মুখোপাখ্যার মহাশয় অসম্মত নন।

রাজী। তাতে বটেই, বিধবা বিবাহ দেওয়া অতি কর্তব্য, সকল ভ্রমলোকের মত আছে, কেবল কতক গুলো খোসামুদে বুড়, বকেয়া, বার্ষিকখেণো বিভ্রাতৃষণ বিপক্ষতা কড়ে।

কাকা। বাবাজির দেক্চি যে বিধবা বিবাহে বিলক্ষণ মত। শালা ভগিনীপতিতে মিলবে ভাল।

রাজী। নব্য তন্ত্রের সকলেরি মত আছে।

কাকা। তোমাদের যেরূপ মত হয় কর, আমি আর বাড়ী ফিরে যাব না, আমি তীর্থ পর্যটন করবো।

দাদা। যখন সম্বন্ধের স্থিরতা হয় তখন আপনি অমত করেন নি, এখন এরূপ করা কেবল খাফটমো প্রকাশ।



রাজী। “ভাবিতে উচিত ছিল প্রতিজ্ঞা যখন”।

ঘট। ছোটবারু কিঞ্চিৎ বয়স অধিক হয়েছে বলে এমন উত্তলা হচ্ছেন কেন, বরের আর আর অনেক গুণ আছে। বিষয় দেখুন, বিছা দেখুন, রূপ দেখুন, রসিকতা দেখুন। বন্ধুর মেয়ে বলে আমরাও স্নেহ আছে আমি অপাত্রে অর্পণ করিনে।

পুরো। ছোট বারুর সকলি অস্থায়। বাকুদান হয়েছে, গাঁজে হরিদ্রা দেওয়া হয়েছে, নন্দীমুখ হয়েছে, বরপাত্র সভার উপস্থিত, এখন উনি অমঙ্গলজনক বিবাদ উপস্থিত করে শুভ কর্মের বিলম্ব কচ্ছেন—কখন লক্ষ কথা ব্যতীত বিবাহ হয় না।

মেসো। পুরোহিত মহাশয়ের অনুমতি হয়েছে, ছোট বারু আর বিলম্বের আবশ্যকতা নাই, ছফটিতে কন্যা সম্প্রদান কর।

কাকা। আচ্ছ, কখন দাঁত হয়েছে দেখা আবশ্যক, বাবাজি দাঁত দেখাও দেখি।

রাজী। আমি বড় বাঁসি বাজাতেম তাই অল্প বয়সে গুটিকত দাঁত পড়ে গিয়েছে। (দাঁত বাহির করিয়া দর্শায়ন)

কাকা। সকলের মত হচ্ছে আমার অমত করা উচিত নয়, আমি বাবাজিকে অস্থায় বুড় বলে ঘৃণা করেছি।

রাজী। আপনি খুড়শুর, পিতৃতুল্য, ছেলে পিলেকে এইরূপ ভাড়া কতে হয়। মা ছেলেকে কত মন্দ বলে তখনি আবার সেই ছেলে কোলে লয়ে স্তন পান করায়।

কাকা। জামাই বারুর কথাতে অঙ্গ শীতল হয়ে যায়।

রাজী। আপনি শ্বশুর নচেৎ আদিরসের কবিতা শুনারে দিতেম।

ঘট। এখন কোন কথা বলবেন না, লোকে বসবে বরটা ঠোঁটকাটা। বাসর ঘরে আমার মান রক্ষা করেন তবে আপনাকে বাসরবিজয়ী বর বলবো। মাগিগুলো বড় ঠ্যাটা, কাম মোড়া দেয়, কিল মারে, নাক কামড়ায়, কোলে বসে।

রাজী। এত শ্বশুর বিষয়।

দাদা। এখন রহস্যের সময় নয়, লগ্ন ভ্রষ্ট হয়, বৈকুণ্ঠ নাপী-তকে ডাকুন পাত্র লয়ে যাক।

### বৈকুণ্ঠের প্রবেশ।

ঘট। বৈকুণ্ঠ আর বিলম্ব কর না, পাত্র কোলে করে লও।

বৈকু। আপনি যে বুড়বর এনেচেন একি কোলে করা যায়।

কাকা। আমাদের বংশের রীতি আছে সভা হতে বর নাপীতের কোলে যায়, হেঁটে যাওয়া পদ্ধতি নাই।

রাজী। পরামাণিকের পো, আমি আলুগা দিয়ে কোলে উঠবো, দেখ নিতে পারবে এখন, কিছু পাওয়ার পিতেশ রাখত?

বৈকু। পাওয়ার পিতেশ রাখি, কোমরিকেও ভয় করি।

দাদা। একটা সামান্য কর্মের জন্ত শুভকর্ম বন্ধ থাকবে? বৈকুণ্ঠ চেফা করে দেখ বুড়মানুষ অধিক তারি নয়।

বৈকু। মহাশয় পুরাণো চাল দমে ভারি। এক এক খানি হাড় এক এক খানি লোহার গরাদে। এবোঝা নিয়ে কি মাজা ভেঙ্গে ফেলবো?

কাকা। উপায়?

রাজী। আমি লাক দিয়ে লাক দিয়ে যাই।

পুরো। প্রচলিত আচারানুসারে মৃত্তিকার পদস্পর্শ হওয়া অবৈধ, উল্লম্ব দ্বারা গমন করিলে মৃত্তিকা স্পর্শ হবে।

রাজী। ঘটকরাজ, এক্ষণকার উপায়? একথা কেন আগে বলা নাই, আমি একজন বলবান নাপীত আনতেম, না হয় এর জয়ে এক বিঘা ব্রহ্মত্র জমি যেতো।

ঘট। সামান্য বিষয় লয়ে আপনারা গোল কচোন কেন। নাপীত মুখের দিক ধরুক, আমরা দুই জন পায়ের দিকে ধরি, বিবাহের স্থানে লয়ে যাই।

রাজী। একথা ভাল একথা ভাল—(চিত হইয়া শয়ন করিয়া) ধর, ধর।

রাজী। “ ভাবিতে উচিত ছিল প্রতিজ্ঞা রাখন ”।

ষট। ছোটবাবু কিঞ্চিৎ বয়স অধিক হয়েছে বলে এমন উতলা হচ্ছেন কেন, বরের আর আর অনেক গুণ আছে। বিষয় দেখুন, বিজ্ঞা দেখুন, রূপ দেখুন, রসিকতা দেখুন। বন্ধুর ঘেয়ে বলে আমরাও স্নেহ আছে আমি অপাত্রে অর্পণ করি।

পুরো। ছোট বাবুর সকলি অন্টার। বাবুদান হয়েছে, গাঁজে হরিদ্রা দেওয়া হয়েছে, নন্দীমুখ হয়েছে, বরপাত্র সভার উপস্থিত, এখন উনি অমঙ্গলজনক বিবাদ উপস্থিত করে শুভ কর্মের বিলম্ব কচ্ছেন—ককন লক্ষ কথা ব্যতীত বিবাহ হয় না।

মেসো। পুরোহিত মহাশয়ের অনুমতি হয়েছে, ছোট বাবু আর বিলম্বের আবশ্যিকতা নাই, ছফটিতে কন্যা সম্প্রদান কর।

কাকা। আচ্ছ, কখন দাঁত হয়েছে দেখা আবশ্যিক, বাবাজি দাঁত দেখাও দেখি।

রাজী। আমি বড় বাঁসি বাজাতেম তাই অল্প বয়সে গুটিকত দাঁত পড়ে গিয়েছে। (দাঁত বাহির করিয়া দর্শায়ন)

কাকা। সকলের মত হচ্ছে আমার অমত করা উচিত নয়, আমি বাবাজিকে অন্টার বড় বলে ঘৃণা করেছি।

রাজী। আপনি খুড়শুর, পিতৃতুল্য, ছেলে পিলেকে এইরূপ ভাড়া কতে হয়। মা ছেলেকে কত মন্দ বলে তখনি আবার সেই ছেলে কোলে লয়ে স্তন পান করায়।

কাকা। জামাই বাবুর কথাতে অঙ্গ শীতল হয়ে যায়।

রাজী। আপনি শ্বশুর নচেৎ আদিরসের কবিতা শুনারে দিতেম।

ষট। এখন কোন কথা বলবেন না, লোকে বলবে বরটা ঠোঁটকাটা। বাসর ঘরে আমার মান রক্ষা করেন তবে আপনাকে বাসরবিজয়ী বর বলবো। মাগিগুলো বড় ঠ্যাটা, কাম মোড়া দেয়, কিল মারে, নাক কামড়ায়, কোলে বসে।

রাজী। এ ত সুখের বিষয়।

দাদা। এখন রহস্যের সময় নয়, লগ্ন ভ্রম হয়, বৈকুণ্ঠ নাপীতকে ডাকুন পাত্র লয়ে যাক।

### বৈকুণ্ঠের প্রবেশ।

ষট। বৈকুণ্ঠ আর বিলম্ব কর না, পাত্র কোলে করে লও।

বৈকু। আপনি যে বুড়বর এমেচেন একি কোলে করা যায়।

কাকা। আমাদের বংশের রীতি আছে সভা হতে বর নাপীতের কোলে যায়, হেঁটে যাওয়া পদ্ধতি নাই।

রাজী। পরামর্শিকের পো, আমি আলুগা দিয়ে কোলে উঠবো, দেখ নিতে পারবে এখন, কিছু পাওয়ার পিতেশ রাখত?

বৈকু। পাওয়ার পিতেশ রাখি, কোমরিকেও ভয় করি।

দাদা। একটা সামান্য কর্মের জন্ত শুভকর্ম বন্ধ থাকবে? বৈকুণ্ঠ চেফা করে দেখ বুড়মানুষ অধিক ভারি নয়।

বৈকু। মহাশয় পুরাণে চাল দমে ভারি। এক এক খানি ছাড় এক এক খানি লোহার গরাদে। এবোঝা নিয়ে কি মাজা ভেঙ্গে ফেলবো?

কাকা। উপায়?

রাজী। আমি লাক দিয়ে লাক দিয়ে যাই।

পুরো। প্রচলিত আচারানুসারে মৃত্তিকায় পদস্পর্শ হওয়া অবৈধ, উল্লম্ব দ্বারা গমন করিলে মৃত্তিকা স্পর্শ হবে।

রাজী। ঘটকরাজ, এফনকার উপায়? একথা কেন আগে বলা নাই, আমি একজন বলবান নাপীত আম্তেম, না হয় এর জন্তে এক বিধা ব্রহ্মত্ব জমি যেতো।

ষট। সামান্য বিষয় লয়ে আপনারা গোল কচোন কেন। নাপীত মুখের দিক ধকক, আমরা দুই জন পায়ের দিকে ধরি, বিবাহের স্থানে লয়ে যাই।

রাজী। একথা ভাল একথা ভাল—(চিত হইয়া শয়ন করিয়া) ধর, ধর।

বৈকু। আজ্ঞা হাঁ এরূপ হতে পারে (বৈকুণ্ঠ মন্তকের দিকে, ষটক এবং দাদা পায়ের দিকে ধরিত্রী উঠান) গুণ মহাশয়, গুণ মহাশয়, তোমার পড়ে উড়ে যায়, বাঁস বাগানে বিয়ে বাড়ী বেগুন পোড়া খায়।

[ সকলের প্রস্থান। ]

## দ্বিতীয় অঙ্ক।

### দ্বিতীয় গর্তাঙ্ক।

বাগানের আটচালার অপর এক কান্দুরা।

বাসর ঘর।

রতনাপুত্রের কনের বেশে আসীন, কেশব এবং  
ভুবনের নারীবেশে প্রবেশ।

ভুব। রতন এই বেলা ভাল করে বস, ব্যাটা আসচে।

কেশ। যে ছোঁড়া জুটিয়েচিস্ গোলকরে ফ্যালবে এখন।

রতা। নাহে ওরা সব খুব চতুর, এতক্ষণ দেখলেত কেমন উলু দিলে সাক বাজালে।

কেশ। ও ছোঁড়া কে, যে বুড়োর মাথায় এক কল্‌সি গোবর গোলা ঢেলে দিলে?

রতা। ও ছোঁড়া আমাদের স্কুলে পড়ে, ওকে একদিন বুড়ো-ব্যাটা মার খাইয়েছিল তাইতে ওর রাগ ছিল, গোবরগোলা মাথায় ঢেলে দিয়েছে।

ভুব। আমি ব্যাটার গা ধুয়ে দিইচি—ব্যাটা রাগ করিনি, বলে বিয়ের দিন এমন আমোদ করে থাকে।

নেপথ্যে। এই করে বাসর হয়েছে।

কেশ। রতন! যোমটা দাও হে।

( রাজীবের বরবেশে এবং নসীরাম আর পাচ  
জন বালকের নারীবেশে প্রবেশ। )

নসী। বসো ভাই কনের কাছে বসো।

রাজী। (উপবেশনানন্তর) আমার মনে বড় ক্রেশ হয়েছে—শাশুড়ী ঠাকুরণ, উনি স্ত্রীর মা, আমারো মা, আমাকে দেখে মরা কারা কাঁদলেন।

কেশ। মার ভাই এইটি কোলের মেয়ে, তাইতে একটু কাঁদলেন। তা ভাই তুমিওত বুঝতে পার, সকলেরি ইচ্ছে মেয়ে অল্পবয়সী বরে পড়ে। সে কথায় আর কাজ কি, তুমি এখন মার পেটের সস্তানের চাইতেও আপন। তিনি বলছেন উনি বেঁচে থাকুন। আমার চম্পক পাঁচ দিন মাচ ভাত খাকু।

নসী। একবার দাঁড়াওত ভাই জোঁকা দিই তোমার কতদূর পর্যন্ত হয়। (রতা এবং রাজীবের একত্রে দণ্ডায়ন)

কেশ। দিকি মানিয়েচে, বসো। (উভয়ের উপবেশন)

রাজী। আমার শরীর পবিত্র হলো, চিত্ত প্রফুল্ল হলো, আমার মার্থক জন্ম, এমন নারীরত্ন লাভ কল্যে। আমি পাঁজি দেখেছি—লেম, এই মাসে মেবের স্ত্রীলাভ, তা ফলো।

ভুব। ওমা সেকি গো, তুমি কি ভ্যাড়া, বিয়ান ভ্যাড়া বিয়ে কল্যে নাকি?

রাজী। আমি ভ্যাড়া ছিলেম না তোমরা বানালে।

কেশ। ষটক যা বলেছিল সত্যিই, খুব রসিক।

ভুব। বাসর ঘর রসের রন্দাবন, যার মনে যা লাগে তিনি তা কর।

নসী। যোলো শ গোপিনী একা মাধব।



রাজী। “কাল বলে কাল মাধব গ্যাছে,  
সে কালের আর কদিন আছে।”

প্রথম বালক। বা রসিক, কাণমলা খাও দেখি। (সজ্ঞোকে  
কাণ মলন)

রাজী। উঃ বাবা। (সজ্ঞোকে কাণ মলন) লাগে মা—(সজ্ঞোকে  
কাণ মলন) মলেম গিচি—(সজ্ঞোকে কাণ মলন) মেরে ফেললে—  
(নাক মলন) দম আটকালো, হাঁপিয়েচি মা, ও রামমণি।

সকলে। ও মা একি।

ভুব। রামমণি কেগো? কাণমলা খেয়ে এত চৈচানি, ছি, ছি,  
ছি, এমন বর, এই তোমার রসিকতা।

রাজী। কাণ দিয়ে যে রস গড়িয়ে পড়ে, না চৈচিয়ে করি কি।

ভুব। কামিনী কোমল কর কিবা কাণমলা,  
নলিনীর মূল কিবা নবনীর দলা।

রাজী। আমি কৌতুক করে চৈচিয়েচি।

ভুব। বটে, তবে তোমাকে নবনী খাওয়াই (কাণ মলন)

রাজী। উঃ উঃ বেস রূপসি। (কাণমলন) মলুম, বেস, মূন্দরীর  
হাত কি কোমল!

ভুব। না, রসিক বটে।

কেশ। একটি গান কর দেখি।

রাজী। তোমরা মেরেমানুব, বাই নাচ কর আমি শুনি।

দ্বিতীয় বালক। নাচ শোনে না দেখে?

রাজী। নাচ শোনাও যার, দেখাও যার। তুমি নাচো আমি  
চক্ বৃজে তোমার মলের ঠুন ঠুন শব্দ শুনি।

ভুব। আগে তুমি একটি গাও তার পর আমি নাচবো।

কেশ। সে কি ভাই, আমোদ আনন্দ না কল্যে মা কি ভাব-

বেন; তুমিই যেন দোজবরে, তাঁর চাঁপা ত দোজবরে নয়; গান  
কর, নাচো, ভামাসা চাট্টা কর, রসের কথা কও।

রাজী। শাশুড়ী চাকুৰণ গান বুঝি বড় ভাল বাসেন? আচ্ছা  
বেস গাচ্চি। (চিন্তা করিয়া) আমি তাই গান ভাল জানি না,  
কবিতা বলি।

ভুব। কবিতা বিয়ানের সঙ্গে বেলো, আমরা তোমার এক দিন  
পেইচি, একটি গান শুনে মজে থাকি।

রাজী। আমার ব্রাহ্মণী কি তোমার বিয়ান?

ভুব। ওগো হ্যাঁগো, বিয়ানের বিয়ে না হতে জামাই হয়েছে।  
তোমার ক্রেশ পেতে হবে না, তৈরি যর।

রাজী। বিয়ানের কথা গুলিন বড় মিকি, যেন নলেন গুড়।  
বিয়ানের নামটি কি?

কেশ। তোমার বিয়ানের নাম চন্দ্রমুখী।

রাজী। হ্যাঁ বিয়ান, তোমার নাম চন্দ্রমুখী?

ভুব। আমার কি চন্দ্রমুখ আছে, তা আমার নাম চন্দ্রমুখী  
হবে?

রাজী। বিয়ান, ব্রাহ্মণীর সঙ্গে আমার বাড়ী চলো, তিন  
জনে বড় বড় খেলা করবো।

ভুব। খোঁড়া ভাতার বুড়ো ব্যাই,

কোন দিকে সুখ নাই।

নদী। দুঃখের কথা বলবো কি, ওর ভাতার ওকে খুব  
ভাল বাসে, বরষা অল্প কিন্তু খোঁড়া।

রাজী। তবে হরদরে বিয়ানের একটি পুরো ভাতার হবে।  
জামার পা নেবেন, ব্যায়ের বরষা নেবেন, তা হলেই পাতরে  
পাঁচ কিল।

কেশ। তোরা বাজে কতায় রাত কাটালি—গাও না ভাই,  
গীতের কথা ভুলে গেলে।

রাজী। আমি একটা ন্যাড়া নেড়ীর গান গাই—

মন মজরে হরি পদে,

মিছে মায়ী, কেবল ছায়ী, ভুলনা মন আমোদ মদে।

দারা সূত পরিজনে, ও মন, ভেবে দেখ মনে মনে,

কেউ কারো নয় এই ভুবনে, হরিচরণ তরি বিপদে।

নসী। আহা! কি মধুর গান, আমার ইচ্ছে করে এখনি কুঞ্জ-  
বনে গিয়ে রাখিকা রাজা হই।

রাজী। অনেক রাত্রি হয়েছে আমার ঘুম আস্চে।

তৃতীয় বালক। বাসর ঘরে ঘুমুলে মাগুঁভাতারে বনে না।

নসী। না ভাই, তোমায় আমরা ঘুমুতে দেব না। আমরা  
কি তোমার যুগিয়া নই? আমি কত বলে করে মিন্‌সেরে ঘুমপা-  
ড়িয়ে রেখে এলেম, আমি আজ সমস্ত রাত জাগুবো।

রাজী। আমার রাত জাগুলে পেটে ব্যাথা ধরে।

ভুব। ওলো না লো, ব্যাই একবার বিরানের সঙ্গে রঙ্গ ভঙ্গ  
করবেন. তাই আমাদের ছলে বিদায় দিচ্ছেন।

কেশ। ভালই ত, চল আমরা যাই, চাঁপা ত আর ছেলে  
মানুষটি নয়।

ভুব। বিরান নবীন সুবতী, ষাট বছরের একটি ভাতার না  
হরে কুড়ি বৎসরের তিনটি ছলে বিরানের মনের মত হতো।

কেশ। (রাজীবের নিকটে গিয়া) তা ভাই তুমি এখন  
চাঁপাকে নিয়ে আমোদ কর, আমরা যাই, দেখ ভাই ছেলে মানুষ  
শান্ত করে রেখ—

নসী। চাকুরি যে মুখের কাছে মুখ নিয়ে যাচ্চিস্, দেখিস্  
যেন কামড়ে ন্যায় না।

ভুব। কামড়ালে ক্ষেতি কি? বোনাই ভাতারী ত গাল নয়,  
শালী পোনের আনা মাগ।

কেশ। তুই যেমন ব্যাইভাতারী তাই ও কথা বল্‌চিস্—আর  
লো আমরা যাই।

(রাজীব এবং রতা নাপ্তে ব্যতীত  
সকলের প্রস্থান; দ্বার রোধ।)

রাজী। সুন্দরি, সুন্দরি, তুমি আমার অন্ধের নভী, আমার  
ভাঙ্গাঘরের চাঁদের আলো, আমার শুকনো তরুর কচি পাতা;  
তুমি আমার এক ষড়া টাকা, তুমি আমার গদ্যামণ্ডল। তোমার  
গোলামকে একবার মুখ খান দেখাও, আমার স্বর্গ লাভ হক্।

রতা। (অবগুণ্ঠন মোচন করিয়া)

ক্ষণকাল ক্ষম নাথ অধিনী তোমার,

গাঁটা দিয়ে দেখে সবে দম্পতি বিহার।

এখনি যাইবে ওরা নিজ নিজ ঘরে,

রাসলীলা কর পরে বিয়ের বাসরে।

রাজী। আমি দেখে আসি কেহ আছে কি না, (চারি দিকে  
অবলোকন) প্রাণকান্তা! জনপ্রাণী এখানে নাই।

রতা। ভাল ভাল প্রাণনাথ আমি একবার,

দেখি উঁকি মারে কি না পাশে জানালার।

(চারি দিকে অবলোকন এবং উভয়ের উপবেশন)

রাজী। কাছে এস, আমি একবার তোমার হাত খানি ধরি।

রতা। কাছে কিয়া দূরে থাকি উভয় সমান,

যত দিন নাহি পাই অন্তরেতে স্থান।

রাজী। প্রেরসি! আমি বিচ্ছেদ আগুনে দগ্ধ হতে ছিলাম,  
তুমি আমার দগ্ধ অঙ্গ মুখের অমৃত দিয়ে শীতল করলে। আমি

যে জ্বালা পেরেচি তা আমিই জানি, রামমণিও জানে না,  
গৌরমণিও জানে না—এরা তোমার সতীন কি. তোমাকে খুব  
যত্ন করবে, তা নইলে তোমার ঘর তোমার দোর. তুমি তাদের  
তাড়িয়ে দেবে।

রতা। শুনিয়াছি তারা নাকি কাণ্টা অতিশয়,  
পরম পবিত্র বাপে কটু কথা কয়।  
যোড় হাতে তব দাসী এই ভিক্ষা চায়,  
পরবশ তারা যেন না করে আমায়।

রাজী। তুমি যে আমার বুকপোরা ধন, আমি কারো  
ছুঁতে দেব? কাল পাল্কি হতে আপনি তুলে নিরে যাব,  
রামমণিকে আপনি মুখ দেখাব, তার পর ঘরে গিয়েই দে দোর।  
আমার যা আছে সব তোমার (কোমর হইতে চাবি খুলিয়া।  
এই নাও চাবি তোমার কাছে থাক। (চাবি দান)

রতা। পিতা পরলোক গেলে জননীর সনে,  
হা বাবা হা বাবা বলে কাঁদি হুই জনে।  
বাবার বিয়োগ শোক ভুলিলাম আজ,  
মিলেচে গুণের পতি নব যুবরাজ।

রাজী। বিধুমুখি! তুমি আমার আনন্দমাগরে দাঁতার  
শেখাবে—আহা আহা কি মধুর বচন! প্রেরসি! আমার বুড়ে।  
বলে ঘৃণা করে না।

রতা। প্রবীণ কি দীন হয় কি বা কদাকার,  
ভকতি ভাজন ভর্তা অবশ্য ভার্য্যার।

রাজী। হুন্দরি, আমাকে তোমার ভক্তি হয়?

রতা। দেবতা সমান পতি সাধনের ধন,  
হৃদয় মন্দিরে রাখি করিয়ে যতন।  
নানা আরাধনা করি মন করি এক,  
সরল বচন জলে করি অভিষেক।  
বিলেপন করি অঙ্গে আদর চন্দন,  
হেম উপবীত দিই মুখ আলিঙ্গন।  
রসের ছেয়ালি ছলে বলি শিব ধ্যান,  
কপোল কমল করি দেব অঙ্গে দান।  
অবলা সরলা বালা আমি অভাজন,  
দিবানিশি থাকে যেন পতি পদে মন।

(রাজীবের চরণ ধারণ)

রাজী। সোণার চাঁদ তুমি আমার স্বর্গে তুলে, আমি  
আর বাড়ী যাব না, এই স্থানে পড়ে থাকবো। বিধুবদনি একটা  
ছড়া বলো।

রতা। মাথার উপর ধরি পতির রচন,  
বলিব ললিত ছড়া শুনহে মদন।  
কণক কিশোরী, পিরিতের পরি,  
রসের লহরী, বসে আলো করি,  
নিকুঞ্জ বন,  
মন উচাটন, মুদিত নয়ন,  
ভাবে মনে মন, কোথায় সে ধন,  
বংশিবদন।



কুলের অবলা, অবলা সরলা,  
বিরহে বিকলা, সতত চপলা  
বাঁচিতে নারি,  
বিনে প্রাণ হরি, হার হলো হরি,  
কুম্ভ কেশরি, আহা মরি মরি,  
মরে গো নারী ।  
রমণীর মন, কি জানি কেমন,  
এত অযতন, তবু তো রতন,  
পুরুষে ভাবে,  
কি করি উপায়, অরি পায় পায়,  
পথে যত্ন রাখ, পড়ে প্রেম দায়,  
মজ্জেতে ভাবে ।  
রুদ্রে বলে রাই, লাজে মরে যাই,  
এসেচে কানাই, দোহাই দোহাই,  
কথা কস্মনে,  
রাই বলে সখি, সে মানে হবে কি,  
পিপাসী চাতকি, নীরদ নিরখি,  
বাধা দিস্মনে ।  
কামিনীর মান, সফরির প্রাণ,  
মানে অপমান, বিধাতা বিধান,  
জান গোবিন্দে,

করি আলিঙ্গন, মদনমোহন,  
স্মর হৃতাশন, করি নিবারণ,  
যাও গো রুদ্রে ।  
সুপূরের ধনি, শুনি ওঠে ধনী,  
দীনে পায় মণি, পদে দিনমণি,  
ধরিল করে,  
সহজ মিলন, সুখ সন্তরণ,  
সুবোধ সুজন, ললনা কখন,  
মান না করে ।

রাজী। আহা মরি এমন মধুর বচন কখন শুনিনি, স্তম্ভীর  
মুখ যেন অমৃতের ছড়া দিচ্ছে। আহা! প্রেমসি বিচ্ছেদ জ্বালা  
এমনি বটে, পুরুষেরা বিচ্ছেদ বাঁটুল খেয়ে মূরে মাটিতে  
পড়ে, হুমান যেমন ভারতের বাঁটুল খেয়ে গন্ধমাদন মাথায়  
করে মূরে পড়েছিল। মেয়ে পুরুষের সমান জ্বালা, পুরুষে  
চেঁচা মেচি করে, মেয়েরা গুম্বরে গুম্বরে মরে ।

রতা। অনঙ্গ অঙ্গনা অঙ্গ বিনা পরশনে,  
প্রহারে প্রস্থন বাণ বিরহিণী মনে ;  
কামিনী বিরহ বাণী আনে না অধরে,  
বিরলে বিকল মন মনসিজ শরে,  
লাবণ্য বিষণ্ণ নয় বিদরে অন্তর,  
কীটক কুলায় যথা রসাল ভিতর ।

রাজী। আহা আহা এমন মেয়েত কখন দেখিনি, আমার

কপালে এত সুখ ছিল, এত দিন পরে জান্লেম, বুড়ো বিটি  
আমার মঙ্গলের জন্তে মরেচে, “বক্তার মাগ মরে, কমবক্তার  
ঘোড়া মরে”। প্রেরসি! তুমি আমার গালে এক বার হাত  
দাও।

রতা। বয়সে রালিকা বটে কাজে খাট নই,  
প্রাণপতি গাল দুটি করে করি লই।

(রাজীবের কপোল ধারণ।)

রাজী। আহা, আহা, মরি, মরি, কার মুখ দেখেছিলেম—  
আজ সকালে রতা শালার মুখ দেখেছিলাম—পাজি ব্যাটার  
মুখ দেখে এমন রত্নলাভ কল্যেম—সুন্দরি আমি একবার তোমার  
গা দেখবো।

রতা। আমি তব কেনা দাসী পদ অভরণ,  
মম কলেবর নাথ তব নিজ ধন,  
যাহা ইচ্ছা কর কান্ত বাধা নাহি তায়,  
দেখ কিন্তু দাসী যেন লাজ নাহি পায়,  
স্বামীর সোহাগে যদি হইয়ে অবশ,  
দেখাই বিয়ের রেতে উদর কলস,  
কৌতুক রঙ্গিনী রসময়ী রামাগণ,  
বেহায়া বলিবে মোরে ঠারিয়ে নয়ন,  
সবে না সরল মনে কৌতুক কঙ্কর,  
আজি কান্ত শান্ত হও দেখে বাম কর,  
(বাম হস্ত দর্শায়ন।)

রাজী। আহা কি দেখ্লেম্, মরে যাই, রূপের বানাই লয়ে—  
তড়িত তড়িত বর্ণে তড়াগজ মুখ,  
উল্টা কড়া সমঘোড়া কুচ ঘোড়ে বুক,  
সুশ্রাব্য অমৃত বাক্যে জুড়াইল কর্ণ,  
অদ্যাবধি ঋণগ্রস্ত আমি অধমর্ণ।  
তোমার গ্রথিত ছড়া রহস্যের কুয়া,  
আমি বুড় মুঢ় কবি করি হুয়া হুয়া,  
ভূত্যের বার্ক্যে যদি না কর ধিক্কার,  
স্বকৃত মসৃণ পদ্য করিব ন্যাকার।

রতা। কবিতা কানাই তুমি রসের গামলা,  
ছলনা কর না মোরে দেখিয়ে অবলা।  
বলো বলো নিজ পদ্য এক তার তান,  
শুনিয়ে মোহিত হোক মহিলার প্রাণ।

রাজী। পীরিতি তুল্য কাঁটাল কোষ।  
বিচ্ছেদ আটা লেগেচে দোষ ॥  
পঙ্কজ মূল ভাল কি লাগে।  
কণ্টক নাগ না যদি রাগে ॥  
চাকের মধু মিষ্টি কি হৈত।  
মৌমাটি খোঁচা না যদি রৈত ॥  
আইল বিষ পীযুষ সঙ্গে।  
অঙ্কিত যুগ সোমের অঙ্গে ॥

রতা। কবিতার কোমলতা ভাবের ভঙ্গিমা,  
কি বলিব কত ভাল নাহি পরিসীমা।  
খাটিল ষটক বাণী ভাগ্যে অধিনীর,  
বুড় বর বটে কিন্তু হৃদ মরে ক্ষীর।

রাজী। সুন্দরি, আমার সুম গিয়েচে, রাত আমার দিন বোধ  
হচে—প্রেয়সি! তুমি এক বার আমার কাছে এস, তোমারে গোটে  
কত কথা জিজ্ঞাসা করি।

রতা। কথার সময় নয় রসময় আজ,  
এখন আসিবে তব শ্যালকী শ্যালাজ।

রাজী। কারো আসতে দেব না, তুমি উতলা হও কেন, এস,  
এস, এসনা—এই এস ( অঞ্চল ধরিয়া টানন। )

রতা। রসরাজ কি কাজ সলাজ মরি!  
মম অঞ্চল ছাড় হু পায় ধরি।  
ক্ষম জীবন যৌবন হীন বলে,  
ভ্রমরা কি বসে কলিকা কমলে;  
নব পীন পয়োধর পাব যবে,  
রস সাগর নাগর শাস্ত হবে।  
রহ মানস রঞ্জন ধৈর্য ধরে,  
সুখ স্নতন স্নতন লাভ পরে।

( যাইতে অগ্রসর )

রাজী। সুন্দরি এখন রাত অধিক হরনি—তুমি ঘর হতে গেলে

আমি গলায় দড়ি দিয়ে মরুবো, আমি তোমায় ছেড়ে দেব না,  
যদি যাও আমি তোমার জেলের হাঁড়ি হয়ে সজে যাব, বস যেও  
না ( হস্ত ধরিয়া টানন )।

রতা। হাতেতে বেদনা বড় ছাড়না ছাড়না,  
বিবাহ বাসরে নহে বিহিত তাড়না।  
নিশি অবসান প্রাণ গেল শশধর;  
দম্পতি অরাতি রবি গগন উপর।  
যাই যাই বেলা হলো হাত ছাড় বঁধু,  
দিনে কি কামিনী কান্তে দিতে পারে মধু?

রাজী। প্রেয়সি! বুড় বামুণের কথা রাখ, যেও না, প্রেয়সি  
তোমার পরকালে ভাল হবে—তুমি আমার প্রাণের প্রাণ, আমার  
আর পাগল করনা। আমি রত্নবেদি হই, তুমি জয় জগন্নাথ হয়ে  
চড়ে বস।

( রতানাপ্তের পদদ্বয় ধরিয়া শয়ন )

রতা। অকল্যাণ অকস্মাৎ হেরে হাঁসি পায়,  
বাপের বয়সি পতি পড়িলেন পায়।  
( জানালার নিকটে নসীরামের আগমন )

নসী। একি ভাই ঠাকুরজামাই, কিদে পেলো কি হুই হাতে  
খেতে হয়? কিলিরে কাঁঠাল পাকালে মিষ্টি লাগে না।

( নসীরামের প্রস্থান )

রতা। ছি ছি ভাই, কি বালাই, লাজে মরে যাই,  
বিয়ের কনের কাজ দেখিল সবাই।  
( কিয়দূর গমন )



রাজী। বাপুধন আমার চলো! আমারে মেরে চলো, ব্রহ্ম-  
হত্যা হলো—যেও না সুন্দরি, যেও না।

রত। রাত পুইয়েচে, কাক কোকিল ডাক্চে।

( রতানাপুতের প্রস্থান )

রাজী। বিটা জানালা দিয়ে কথা করে আমার মাতার বজ্রাঘাত  
কলো, বিটা রাতব্যাদানী। বিটা আকৃত্তা ডাতারের মাগ, তা  
নইলে সে ব্যাটা রেতে বেকতে দেয়? আহা কনক বাবুর প্রসাদাং  
কি রতুই লাভ করিচি, বউ ঘরে তুলে কনকবাবুকে ভাল পেরারা,  
ভাল আতা পাঠিয়ে দেব। কনক বাবু অনুগ্রহ না কলো কি এ  
বুড় বয়সে অমন মেরে জুটতো? যদি মা দুর্গা থাকেন তবে তুই  
বুড়রে যেমন সুখী কলি, এমনি সুখী তুই চির দিন থাকবি।

( নসীরাম এবং ভুবনের প্রবেশ )

ভুব। কি ব্যাই, বিয়ানের সঙ্গে আমোদ হলো কেমন?

নসী। ঠাকুরজামাই ভাব্চে কি? আজ তো সুখের সূত্রপাত,  
স্বর্গের সিঁড়ির প্রথম ধাপ, এতেই এই, না জানি চাঁপার বয়স-  
কালে কি হবে।

রাজী। আমারে কিছু বল না; আমি মরিচি, কি বেঁচে আছি  
তা আমি বলতে পারিনে—আমার স্বর্গলতাকে এইখানে নিয়ে  
এস, আদি ছোঁব না কেবল দেখ্বে, আমার কাছে বসে থাকলে  
আমার প্রাণ বড় ঠাণ্ডা থাকে—তোমার পার পাড়ি এক বার নিয়ে  
এস।

নসী। সে এখন ঠাকুরগের কাছে বসে রয়েছে, তাকে আন্বের  
যো নাই—আমরা এইচি এতে কি তোমার মন ওটেনা?

ভুব। বড় সুখের বিষয় বিয়ানের সঙ্গে তোমার এমন মন  
মজেচে।

নসী। ঠাকুরজামাই, ভাই, ছেলেমানুষ, কত লোকে কত কথা  
বলবে, তুমি ভাই খুব যত্ন কর—চাঁপা বড় অভিমानी, বড় কথা

সইতে পারে না, তোমার মেরেদের বলে দিও বন্দ কথা না  
বলে।

রাজী। আর মেরে! তারা কি আছে, মনে মনে তাদের গাঁ  
ছাড়া করিচি। দেখ্বে যদি ব্রাহ্মণী তাদের উপর রাজী হন তবেই  
ভাদের মঙ্গল, নইলে তাদের হাতে টুকুনি দিইচি।

ভুব। বিয়ান সতীনের নাম সইতে পারে না, তোমার মেরেরা  
বিয়ানের সতীন কি, তারা যেন বিয়ানকে ছোঁয় না, তা হলে  
বিয়ান জলে ডুবে মরবে—

সতীনের ঘা সওয়া যায়,

সতীন কাঁটা চিবিয়ে খায়।

রাজী। তোমরা কিছু ভেবনা, আমি কাছাকেও ছুঁতে দেব  
না, চুপি চুপি নিয়ে যাব, দশ দিন পরে গাঁয় প্রকাশ কর্বে।

নসী। এস, বাসি বিয়ে করসে, ঘোর থাক্তে থাক্তে বরকনে  
বিদের কতে হবে।

[ প্রস্থান। ]

দ্বিতীয় অঙ্ক।

তৃতীয় গর্ভাঙ্ক।

রাজীব মুখোপাধ্যায়ের বাড়ীর উঠান।

রামমণি ও গৌরমণির প্রবেশ।

রাম। ভগবতী এমন দয়া করবেন, বাবার বিয়ে মিছে বিয়ে  
হবে।

গৌর। বধার্ঘ্য বিয়ে হয় চারা কি, তিনি আমাদের মা হবে  
না আমরাই তাঁর মা হবে, যেসের মত বড় করবো, খাওয়াব,  
মাখাব, তাতে কি হবে, সুবতীর যে পরমসুখ তাতে দিতে পা-  
রবো না; স্বামীর সুখ কখনই হবে না, বাবাতো বেঁচে মরা।

রাজীবের প্রবেশ।

রাজী। ও মা রামমনি, ও মা তোমার মা এনিচি বরণ করে  
নাও।

রাম। সত্যি সত্যি আমাদের কপালে আঙুন লেগেচে, পোড়া  
কপাল পুড়েছে, বুড়ো বাপের বিয়ে হয়েচে!

রাজী। আবাগের বেটী আমাকে চিরদিন জ্বালালে, আমি  
তালমুখে ডাক্লেম উনি কান্না আরম্ভ করলেন, ওঁর ডাক্তার  
এখনি মলো।

রাম। কোই আনো দেখি—আর বাপ হয়ে অমন কথা গুলো  
বলোনা—কনে কোথায়?

রাজী। বন্ধু বাবার কাছে।

গৌর। বন্ধু বাবা কে?

রাজী। ষটককে তোমাদের মা বন্ধু বাবা বলেন, আমিও  
বন্ধু বাবা বলি, তিনি আমার স্বশরের বন্ধু—বন্ধু বাবা! বন্ধু  
বাবা! নিরে এস।

কনের হাতধরে ষটকের প্রবেশ।

গৌর। দেখি যেসেরটির মুখ কেমন।

ষটক। জামাই বাবু ছুঁতে দিবেন না।

রাম। (ষটকের প্রতি) আঁটকুড়ির বাটা, সর্কনেশে, আমার  
মত ভোর মেগের হাত হুক—কোথা থেকে এসে বুড়ো বরসে  
বাবার বিয়ে দিলে—তুই যেমন সর্কনাশ করি এমনি সর্কনাশ  
ভোর হবে—

বট। বাছা মিছে মিছি গাল দাও কেন, বউয়ের মুখ দেখ, সব  
হুঃখ যাবে, পুঞ্জশোক নিবারণ হবে।

[ হাশুবদনে ষটকের প্রস্থান।

রাজী। তুই রিচী ধর্মের বাঁড়, এত ঝকড়া কতে পারিস, ভোর  
বাবার বন্ধু বাবা. গুকেলোক, প্রণাম না করে গাল দিলি, আ  
পাড়া কুঁহুলি—ষরের দোর খুলে দে, আমি ব্রাহ্মণীকে ষরে  
তুলি।

গৌর। আচ্ছা আমরা ছুঁতে চাইনে তুমিই একবার মুখটো  
দেখাও।

পাঁচজন শিশু এবং প্রামস্ব কতিপয়

লোকের প্রবেশ।

শিশুগণ। বুড়ো বাম্বনা বোকা বর,

পেচোর মারে বিয়ে কর।

বুড়ো বাম্বনা বোকা বর,

পেঁচোর মারে বিয়ে কর।

রাজী। দূর ব্যাটারা পাশিষ্ঠ গর্তজাব, কেমন পেঁচোর মা  
এই জাণ্ (কনের অবগুঠন মোচন)।

গৌর। ও মা এ বে সত্যি পেঁচোর মা, ও মা কি যুগা,  
কোথায় বাব—মাগীর গায় গহনা দেখ, যেন সোণার বেনেদের  
বউ—

রাজী। (দীর্ঘ নিশ্বাস) হ্যাঁ, আমার স্বর্গলতা বাড়ী এসে  
পেঁচোর মা হলো—আমি স্বপ্ন দেখ্লেম, আমার ছলনা কলো—  
আহা! আহা! কেন এমন স্বর্গ মিথ্যা হলো—ও লক্ষ্মীছাড়া  
বিটি পেঁচোর মা তুই কেন কনে হলি—সে যে আমার ডোইরে  
কলাগাছে জলকরা মেরে—মরে বাই, মরে বাই, মরে বাই,

(ভূমিতে পতন) কণক রায় নিরুৎসাহ হক, কণক রায়ের সর্বনাশ হক—

পেঁচোর মা। কান্দি নেগ্লে ক্যান, তোমার ছ্যালে কোলে কর। (কাপড়ের ভিতর হইতে অলঙ্কারে ভূষিত শূকরের ছানা রাজীবের গাত্রে ফেলন)

রাজী। আঁটকুড়ীর মেয়ে, পেতনি, শূরোর খাগি, শূরোরের বাচ্ছা আমার গায় দিলি ক্যান? শূরোরের বাচ্ছা এঁ রামী রাঁড়ীর গায় দে।

[ শূকরের ছানা রামমণির গাত্রে ফেলিয়া রাজীবের প্রস্থান।

রাম। কি পোড়া কপাল, কি ঘণা, শূরোরের ছানা গায় দিলে—অমন বাপের মুখে আঙুন, চিলুতে গিয়ে শোও—খুব হরেচে, আমি তো ভাই বলি, কণক বাবু বুদ্ধিমান, তিনি কি বুড়ো বরের বিয়ে দেন।

পেঁচোর মা। (শূরোরের বাচ্ছা কোলে লয়ে) বাবার কোলে গিইলে বাবা, বাবার কোলে গিইলে বাবা—কোলে নেলে না, আঁকুরে ফেলে দিয়েচে, দিদির গায় উটেলে।

গৌর। পেঁচোর মা তোর বিয়ে হলো কোথায়।

পেঁচোর। মোর স্বপোন কি মিত্যে! তোমার বাবা মোর হাতধরে আনলে।

রাম। তাকে নিয়ে গিয়েছিল কে?

পেঁচোর। নরলোকে পরির মেয়েদের চিন্তি পারে?

গৌর। পরির মেয়ে কোথা পেলি?

পেঁচোর। ঝুঁকো ব্যালাডায় আত আছে কি নেই, মুই শূরোরের ছানাডা নিয়ে শুয়ে অইচি, দুটো পরির মেয়ে বলে পেঁচোর মা তোর স্বপোন ফলেচে, আজ তোর বিয়ে হবে, মুই

এই ছানাডারে বড় ভালবাসি, এডারে সাতে করে গ্যালাম, কত মেয়ে কতি পারিনে, মোরে গরনা পরালে, এডারে গরনা পরালে, পালকিতে তুলে দেলে, বলেদেলে কতা কস্নে, মুখ দেখানো হলি কতা কস্।

রাম। বাবার গায় শূরোরের বাচ্ছা দিলি ক্যান?

পেঁচোর। তানারা বলে দিয়েলো, শোরের ছানা কোলে দিলি তোরে খুব ভালো বস্বে, ভাতার বশ করা কত ওয়ুদ জানি, শোরের ছানা গায় দেওরা নতুন শেকলাম।

রতনাপুত্রের প্রবেশ।

ইনিতি মোরে পব্‌তম বলেলো মোর কপাল ফিরেচে।

রতা। (রামমণির প্রতি) ওগো বাছা তোমাকে তোমার বাপ একটি পরমা দেয় না যে ব্রত নিয়ম কর, এই পঞ্চাশটি টাকা তোমরা দুই বনে নাও, আর চাবিটি তোমার বাবাকে দিও, তিনি কাল রেতে আঙ্লাদে চাবি দিয়ে ফেলেছিলেন।

রাম। গৌর টাকা রাখ আমি দৌড়ে একটা ডুব দিয়ে আসি, শূরোরের ছানা ছুঁইচি।

[ প্রস্থান।

পেঁচোর। ভাই ছুঁয়ে নাতি চায়! ও মা মুই কনে যাব।

গৌর। দাও আমার কাছে টাকা চাবি দাও—আহা, বুড়ো মুষকে কেউতো মারি ধরিনি।

রতা। মারবে কে?

গৌর। বেশ হরেচে, মিছে বিয়ে হলো আমরা টাকা পেলুম।

[ প্রস্থান।

পেঁচোর। বড়মেয়ে গেল, ছোটমেয়ে গেল, মোরে বরে তোলে ডা, মোর বামুন ভাতার কনে গেল?

প্রথম শিশু। দূর বিটা ডুম্বনি।



পেঁচোর। বুড়োর যেতে বামনি ছইচি, মুই অ্যাকমু ডুম্বনি  
বাম্বনি।

রতা। ওলো ডুম্বনি বাম্বনি, আমার সঙ্গে আর, তোর হারাধক  
থুজে দিইগে।

[ সকলের প্রস্থান ]

সমাপ্ত।

